

CIMELIA

0

583

Biblioteka Jagiellońska.



VI. a. 80.


VI. a. 80.

Teol. 4621.



583

CIMELIA



R
T
Q
fa
r

Inss

Ac

PALINODIAE
SIVE
REVOCA-
TIONES FABIANI
QUADRANTINI, CVM

factus esset ex Lutherano Catholicus,
recitatae Braunsbergæ in Colle-
gio Societatis Iesu.

*Iussu & auctoritate Reuerendissimi & Illustriss.
Cardinalis Stanislai Hosij editæ.*

Adiuncta est Epistola eiusdem Cardinalis ad
Senatum Coloniensem.



COLONIAE,
Apud Maternum Cholinum.
M. D. LXXI.

Cum gratia & priuileg. Caf. Maieft.



Lim. O. 585

REVEREN-

DO, EIDEMQVE

NOBILITATE ATQVE DOCTRI-

NA PRÆSTANTISSIMO HEROI, D. IO-

anni Egenolpho à Knoringen, Ca-

thedralium Ecclesiarum, Herbipo-

lensis ac Augustanæ Canonico, &c.

Domino suo perpetua obseruan-

tia colendo, Maternus

Cholinus

S. P. D.



Um semper gratia agēda sunt Deo
Opt. Max. vir præstantissime, tum
eo nomine imprimis, quod non mo-
do Ecclesiam suam multorum in-
signium, & in fide constantium
doctorum iuuat doctrina, pieta-
te & auctoritate, sed etiam sæpenumero ad repri-
mendam hereticorum & schismaticorum insolentiam
mirabilia excitat exempla, quæ qui ex animo
volent se tanquam vera Ecclesia membra Christo
capiti adiungere, sequantur ac imitentur. Id quem-

PRAEFATIO.

admodum toti orbi Christiano non obscurum, ita
opusculum hoc dilucidissimè attestatur, quod man-
date Ampliss. Illustriss. q. Cardinale Stanislao Hosio,
hoc tempore Christiani orbis quasi lumine quodam,
mecenate meo multis mihi nominibus observando,
nostris typis excusum iam euulgatur, in quo Reno-
cationibus seu Declamationibus septem solidis, atque
imprimis eruditis, non tantum exhibetur & descri-
bitur nobis historia doctissimi cuiusdam & integer-
rimi viri, qui cum haecenus haereseos illecebris ir-
ritus teneretur, nunc Dei benignitate ac misericor-
dia Ecclesia Catholica Apostolicaque restitutus ac
reconciliatus est: sed precipua etiam vera doctri-
na capita sic explicantur & confirmantur, ut si ho-
stes nimia obstinatione indurati, aut odio vera re-
ligionis, eiusque ministrorum excæcati non essent,
sperarem eosdem eius lectione huc permoueri posse, ut
abiecta ea, qua miserè haecenus inescati fuerunt
impura doctrina, Confessoris huius, plurimorum-
que aliorum & salutaria exempla ocyus imita-
rentur, & vestigijs insisterent, qua vita perpetua
consequenda rationem ceu digito commonstrant,
Ceterum quia SS. Patrum, quorum doctrina
Sacra scriptura consona est, auctoritate, testimo-
nijsque se nullo pacto flecti patiuntur, num spe-
randum, recenti hoc & illustri exemplo, ac scri-
pto commoueri posse? Metuendum sane, ut vllus
hinc ad eos fructus redeat, qui ne legere quidem
dignabuntur, adeo Catholicorum scripta & fa-
cta

PRAEFATIO.

Ita magna insolentia insectantur, & plus quam Vatiniano odio detestantur. Non tamen propterea æquum est, ut boni, & ex doctrina simul ac pietate clarissimi viri à cœpto semel iuandæ Ecclesiæ studio & conatu desistant, atque quas semel susceperunt Ecclesiæ defensiones turpiter deserant: multo minus autem decet me & mei similes, ut operam nostram in describendis ac publicandis Catholicorum Doctorum monumentis Ecclesiæ denegemus, qui ut multa magnæque beneficia ab ea recepimus, ita nullis non officijs ea remunerari merito debemus. Nihil itaque neque prius, neque antiquius duxi, quàm ut has Declamationes, quas videbam multis utilissimas fore, cum primum eas huc ad me ab Illustriss. Cardinale missas accepissem, in lucem efferrem, ac cum vniuersa Ecclesiæ communicarem. Tuo autem nomini, vir praestantissime, eas ut inscribam, duplici potissimum causa adducor: vna est, quod ex nobilitate, literarum ac virtutum amore, necnon ardentissimo erga Catholicam religionem studio per vniuersam propemodum Germaniam, plurimum commenderis & celebreris: altera, quod intelligam te filium meum Bernardum in Italia magna beneuolentia, insignique animi candore complexum: nec nunc quidem vlla alia ratio beneficij remunerandi sese offerat. Quamobrem etiam atque etiam vehementer peto, publicam hanc gratitudinis meae attestationem Excellentia tua in

P R A E F A T I O.

*melior em partem interpretari, ac me meosque quo
hactenus amore & fauore complecti velit. Deum
precor, is tuam ut dignitatem quam di-
utissime nobis incolumem conseruet.*

*Colonia ex officina nostra ty-
pographica, Calen-
dis Iunij 1571.*

R E

Domini Inse: Crui: Su Li'm tu l. Barbaram.

REVOCATIO

PRIMA.



Vi fuerim, scitis: qui nunc
sim, fortasse scire cupitis.
Quamuis autem factis vtrum-
que sim testatus, quod ple-
risque vestrum obscurum non est: pro-
pter eos tamen, quibus vitæ meæ ratio
non satis est perspecta, paucis de vtroq;
differendum esse duxi. Fecit horum tem-
porum infœlicitas, vt in eos homines
puer inciderem, & inter eos æducarer,
qui Pauli monitorum obliti, dicentis: Si Ad Gal. 1.
quis aliud vobis Euangelizauerit, præ-
ter id, quod accepistis, Anathema sit:
longè diuersum ab eo docuerunt, quod
à sanctis nostris maioribus per longam
Episcoporum & Sacerdotum successio-
né sibi per manus traditum acceperant.
Et quò facilius abducere discipulos post
se possent, fraudi suæ, nomen Euangelij
prætexentes, locis aliquot è scriptura
malè intellecta, vel in prauum sensum
detorta, productis, quod sentirent ipsi,
purum & expressum Dei Verbum haberi
voluerunt. In hoc igitur hominum ge-

REVOCATIO

nere cum versarer ab ineunte ætate mea,
nec alijs quàm illorum peregrinis do-
ctrinis imbutus essem: nemini mirum vi-
deri debet, si in hac nondum confirmata
ætate mea, in eorum nassam pertrahi me
sum passus: cum præsertim his vocibus
aures meæ crebrò personarét: Totis qua-
dringentis & amplius annis ignoratum
orbi Christiano Christum, eiusque bene-
ficia obscurata, nihil de fide, non no-
stram dignitatem, sed mediatorem Chri-
stum intuente, remissionemque peccato-
rû, & hæreditatē vitæ propter Christum
accipiente: nihil de fide, siæ fiducia me-
diatoris huius: nihil de Euangelio, quod
sæculis aliquot. sub scamno latuerit in
Ecclesia Dei, quam isti Papatum vocant,
prædicatum: sed pro Dei verbo, traditio-
nes quasdam humanas obtrusas: & quod
Dei proprium est, in opera quædam hu-
mana translatum: quodque soli Diuinæ
Maestati, soli que Christi personæ con-
uenit, creaturæ tributum fuisse. Cæte-
rum proximis his superioribus quadra-
ginta & amplius annis, nouam Euange-
lij lucem affulgere mentibus hominum
cœpisse. Quem autem hæc non moue-
rent?

rēt? cuius animum ab eorum cōmunionē
 nō deterrerēt? quos hæc tā impia docere
 persuasum haberet? Sed verū est, quod Sa-
 piēs ille dixit: Qui citò credit, levis est *Eccle. 19.*
 corde. Credebā ego magistris meis, quo-
 rū doctrinis varijs & peregrinis abduct⁹
 & in aliud quoddam Euangelium, quod
 cum Euangelio Christi cōmune nihil ha-
 beret, quin cū eo pugnaret potius, ab eo
 qui nos vocauit, in gratiam Christi sum
 trās latus. Verū gratias ago Deo meo, q^d *1. Timo. 1.*
 qui prius blasphemus fui, & persecutor et
 cōtumeliosus, nūc misericordiā illi⁹ sum
 cōsecutus, quia ignorans feci. Illius enim
 nunquā satis mihi prædicāde misERICOR-
 diæ tribuo, quod in hunc locum veni, &
 horum venerabilium Patrum, qui præse-
 tes hic adsunt nō solum præceptis, verum
 etiam exemplis auctus, & in vera Christi
 fide sum instructus: longè nanq; diuer-
 sum & auribus hausi, & oculis ipse meis
 vidi, quàm quod superioribus annis mi-
 hi fuit inculcatum. Non modò nihil hic
 detrahitur Christi gloriæ, non modò
 non obscurantur eius beneficia, non mo-
 dò non transfertur in creaturam, quod
 ipsius est proprium: sed hoc maxime la-

boratur, vt Christi mediatoris beneficia, quàm maximè clara & illustria ac testata omnibus quamlibet rudibus esse queant. Itaque non scriptis tantum & sermonibus, verum & dierum obseruationibus, & signis, & imaginibus, gestu, habitu, varioq; ritu & cæremonijs ea mortalium pectoribus imprimuntur: & quæcunque credere necesse ad est salutem, haud aliter quàm præmansus oriibus inferuntur. Quo magis miror illorum frontem, per quos Ecclesiæ Dei tam impudenter aspingitur, quod per eam Christi beneficia sint obscurata, quodq; sint alij mediatores præter hunc quæsit. Quod à Propheta scriptum est: Oculos habent, & non vident: aures habent, & non audiunt, id in hoc hominum genus rectè quadrat: qui si haberent oculos, quibus videre possent, certè in templâ Christianorum ingressi, statim in medio cuiusque cernerent Iesu Christi simulachrum, in cruce pendentis; per quod rudes admonentur: quandoquidem hoc sunt idiotis picturæ, quod in literis versatis scripturæ: non alium esse mediatorem Dei & hominum, qui per crucem & mor-

mortem suam Deo Patri nos reconcilia- *1. Tim. 2.*
uit, præter vnum Dominum nostrum Ie-
sum Christum: Per hanc ipsius crucem
& mortem à Deo patre petendum esse,
quicquid impetratum cupimus. Quod
Christi crucis simulachrum morituris
etiam exhibetur, siue ijs qui lecto sunt
affixi: siue ijs qui ducuntur ad suppli-
cium, vt in memoriam illis reuocetur,
quòd cum semel per crucem Deo recon-
ciliati sint, huic reconciliationi innitan-
tur: & quamlibet sibi multorum & gra-
uium peccatorum conscij sint, non tamē
propterea spem salutis abijciant: quin
memores illius, quod in cruce pro nobis
moriens Christus pro totius mundi pec-
catis abundē sati: fecit, magna cum fidu-
cia Deum, in hanc sententiam alloquan-
tur: Respice Domine in faciem Christi
tui in cruce pro nobis pendentis & mo-
rientis. Caro nostra est, sanguis noster
est, frater noster est, tibi vsque ad mor-
tem obediens factus est. Ne recedant ab
oculis tuis cicatrices eius in perpetuum:
recordare quantam pro peccatis nostris
ab eo satisfactionem acceperis. Vtinam
appēdas Domine in statera peccata, qui-
bus

bus iram meruimus, & calamitatē, quam pro nobis passus est innocens filius tuus. Certē multò grauior hæc apparebit, multoque dignior, vt propter ipsum effundas super nos misericordiam tuam: quā sicut illa, vt pro peccatis nostris contineas in ira miserationes tuas. Quæso vos quotquot hic adestis, Auditores, an hoc est obscurare christi beneficia? quando sic rudes docentur, non solum viua voce, verum & muto simulachro coram oculis eorum exhibitō? quod ab illis certē animaduerti potuisset, si oculos quibus videre possent, habuissent. Sed eos excæcasse tenebræ vidētur, quoniam fratres oderunt: qui autem odit fratrem suum, in tenebris est, & in tenebris ambulat, quia tenebræ excæcauerunt illum. Sed si non habent oculos quibus videant, saltem aures audiēdi si haberēt, audirēt in orationibus, quæ funduntur ad altare, vulgò collectas vocāt, preces oēs ad Deum patrē ferē dirigi: nec per aliū concedi nobis ea, quæ petim, postulari, q̃ per vnicum Dei & hominum mediatorē D. N. Iesum christum. Aut, si tēpla non ingrediuntur, audirent saltē in priuatis etiam ædibus non solum sacerdotēs,

tes, verum & pueros quando sumpto cibo Deo gratias agunt, in hunc modum cantes: Retribuere dignare omnibus nobis bona facientibus, propter nomen sanctum tuum, vitam æternam. Orant illi quidem, vt beneficientibus mercedem Deus tribuat quandoquidē, ita se facturū promisit: & huius promissi sui reus teneatur: sed non propter eorum quæ benefacta sunt dignitatem, sed propter nomen, aiunt, sanctum tuum. Quod est autem hoc nomen sanctum, nisi nomen illud, quod est super omne nomen, in quo flectitur omne genu, cœlestium, terrestrium & infernorum? propter nomen Domini nostri Iesu christi: propter crucis & passionis illius meritum. Petunt igitur operibus retribuī vitam æternam, non quòd illa tanto præmio digna sint natura sua, sed quòd passionis & mortis christi merito sit, vt eo digna censerī possint. Quare propter sanctum nomen hoc, propter Christum, & eius passionis & crucis meritum, benefaciētibus æternæ vitæ retributionem dari petunt, in illum omnem gloriam, in illius crucem & mortē omne meritum transferunt; vt dicere
me-

Isaia 28.

“

1. Tim. 2.

mediatorem hunc orbi Christiano tot sæculis ignotum fuisse, nihil aliud sit, quam dicere, tenebras lucem, & lucē tenebras: vt in horum hominum persona rectē Prophetā dixisse videatur: Posuimus mendacium spem nostram, & mendacio protecti sumus. Sed alios, aiunt, mediatores quæritis; quandoquidem sanctos inuocatis. Hoc mihi quoque, fateor, persuasum fuit aliquando, sed cum interesset Lætanijs, longē diuersum cognoui. Nam quod Dei est, Deo: quod hominum est, hominibus tribuitur: Deo dicitur, Pater de cœlis Deus, miserere nobis: Fili redemptor mūdi Deus, miserere nobis, &c. Ab illo misericordia, à sanctis hominibus nihil aliud, quam intercessio postulatur: vt & hic manifestum discrimen appareat inter mediatorem Deum & hominem: & inter mediatorem purum hominē. Qualis ille mediator fuerit, docet Paulus in illo ipso loco, vbi de Christo mediatore tractat: Quidedit, inquit, redemptionem semetipsum pro omnibus. Talis mediator nullus fuit præter Christum: nam neque Petrus, neque Paulus, nos morte sua redemerunt, sed solus Christus. Ceterum

rum à quibus intercessio tantum postula-
 retur, talibus mediatoribus, & in eodem
 illo capite, & multis alijs in locis, cum
 ipse usus est Paulus, tum nos etiam ut v-
 teremur, author nobis fuit. Sed in opera
 transtertis, aiunt, quod est Christi pro-
 prium, & eis propitiationem assignatis.
 At ego longè aliter sum hic edoctus. Ni-
 hil enim operum substantiæ tribui audio,
 quæ cum possint esse nobis communia
 cum infidelibus, nullum illis, magnum
 nobis meritum acquirunt. Quam tandem
 ob causam? quoniam quæ facimus fide-
 les, non facimus nos, verum facit ille,
 quem in Baptismo sumus induti D. N. Ie- *Gal. 2.*
 sus Christus, qui vivit in nobis, qui per *Ephe. 3.*
 fidem habitat in cordibus nostris, qui o- *Phili. 2.*
 peratur in nobis & velle & perficere, qui
 meretur in nobis, & cuius merito me-
 remur nos. Huic igitur, & fidei, quam ha-
 beamus in illum, omnis iustificatio & om-
 nis propitiatio tribuitur. Fidei autè non
 soli, sicut sine scripturis asseritur ab aduer-
 sarijs: sed sicut Paulus dicit, quæ per chari- *Gal. 5.*
 tatè operatur. Itaq; non alià hic quàm Chri-
 sti, quem induimus in Baptismo, iustiti-
 am commendari audio: quem si non esse-

mus induti, si non fulgeret in virtutibus nostris iusticia meritorum Christi: non plus nobis prodesse, quamlibet laudabilia forent opera nostra, quam vel Catoni, vel Aristidi, vel Zenoni, vel alijs quibuscunque, qui fuerunt apud ethnicos, iustitia sanctitateq; celebres, profuerunt. Operibus nostris, quatenus nostra tantum sunt, & non à gratia profecta, supplicium æternum mereri possemus: vitam æternam mereri non possumus: cum tanquam pannus mēstruata sint omnes iustitiæ, quæcunque sunt extra Christum factæ: ad quem, nisi respiciamus operantes, nihil est, quod mercedem vllam operum nostrorum expectemus. Quamuis enim certum sit, operibus mercedem dari, non tamen ea datur propter ipsorum, quatenus à nobis proficiantur, dignitatem; sed propter Christum, qui operatur ea in nobis: propter Christum, ad quem operantes respicimus: propter Christum, qui dixit; merces vestra copiosa est in cœlis: propter Christum, de quo sæculis iam aliquot cantatum fuit, & cantatur etiam nunc vernacula gentis nostræ lingua: Quod nisi prognatus nobis puer ille fuisset,

Isaia 64.

Luc. 6.

isset
fact
nisi d
redin
ret si
rem
sent
nus
Psalm
dia t
ram
cit v
ne, n
non
quid
cora
men
arum
plura
rogo
ro:
ne de
meur
nas:
& qu
te m
mea

iberibus
 non
 uida-
 ca-
 alijs
 hni-
 osue
 ostra
 sup
 itam
 tan-
 iusti
 n fa-
 tes,
 rum
 nim
 non
 ate-
 tem;
 ea in
 ope-
 qui
 elis:
 ma-
 iam
 qua:
 e su-
 flet,

isset, eramus omnes perditī. Nam nisi *Apoc. 1.*
 factus homo lauisset nos in sanguine suo,
 nisi dedisset semetipsum pro nobis, ut nos
 redimeret ab omni iniquitate, & munda- *Tit. 2.*
 ret sibi populum acceptabilem, sectato-
 rem bonorum operum, quid aliud es-
 sent vniuersæ iustitiæ nostræ, nisi pan-
 nus menstruata? Quamobrem illud ex
 Psalmis vsurpantes: Domine, misericor-
 dia tua in æternum, opera manuum tua- *August. in*
 ram ne despicias: cum illo sancto Patre di- *Psal. 137.*
 cit vnusquisq; fidelium: Non dico, Domi-
 ne, ne despicias opera manuum mearum:
 non me iacto de operibus meis: exquisiui
 quidem Dominum manibus meis nocte
 coram eo, & non sum deceptus: Sed ta-
 men non commendo opera manuum me-
 arum: timeo, ne cum inspexeris, inuenias
 plura peccata quàm merita. Hoc solum
 rogo, hoc dico, hoc impetrare deside-
 ro: Domine, opera manuum mearum
 ne despicias: opus tuum in me vide, non
 meum. Nam meum si videris, dami-
 nas: tuum si videris, coronas. Quia,
 & quæcunque sunt bona opera mea, abs-
 te mihi sunt: & ideo tua magis quàm
 mea sunt.

B

Hic

Hic iterum vos obtestor quotquot ad-
ftis, auditores optimi; num ita loquen-
tes aliquid operibus tribuimus, quod est
soli Christi? num in illa potius, quam
in ipsum Christum eorum authorem, glo-
riam transferimus? Quotidiè recitant in
Ecclesia Dei, quam isti Papatum vocant,
hymnum Ambrosij sacerdotes, in quo vi-
derelicet hæc illius verba: Sed præmium
mortis sacræ perennis instet gloria. Auditis
hic perennem gloriam, non operum, sed
sacræ mortis præmium vocari: non quòd
non operum quoque præmium, siue mer-
ces, rectè dici queat, cum id non semel in
scripturis legatur, sed quod, si non inter-
cessisset sacræ mors, non perennis gloria,
sed perenne supplicium operib. nostris debe-
batur. Huic igitur sacræ mortis præmio,
quicquid est propitiationis, tribuit Eccle-
sia. Hoc sacræ mortis præmium offert in
illius persona Deo Sacerdos, quoties tre-
mendum illud sacrificium celebrat, quam
vulgo Missam vocant. Offert verum &
vium Christi corpus, quod pro nobis
in cruce pependit; Offert verum & vi-
uum Christi sanguinem, qui sufficiens est in
remissionem peccatorum nostrorum: hunc
Deo

Deo patri sistit, ac supplex illum precatur, qui protector noster est, vt auertat faciem suam à peccatis nostris, & respiciat in faciem Christi sui, pro nobis in cruce pendentis & morientis. Huius crucis & mortis merito, cuius iuxta Pauli præceptum commemoratio quædam & representatio fit ad altare, peccata nostra nobis remittat: simul concedat, vt quem fructum toti mundo sacrificiū illud crucis attulit, eius participes esse queamus. Sacerdotem autem quasi subsequentes, qui præsentés adsunt, quando sacræ mortis præmium hoc offertur, etiā ipsi prorumpunt in ea verba, quæ sunt à sancto quodam Patre scripta: Pauperes sumus, parum dare possumus, attamen reconciliari possumus pro paruo illo, si volumus. Totum quod dare possum, miserum istud corpus est: nam illud de meo est, & meum est. Paruulus enim natus est nobis, & filius datus est mihi. De te Domine suppleo, quod minus habeo in me. ô dulcissima reconciliatio, ô suauissima satisfactio. Hic iterum obsecro vos, per illum ipsum, qui pro nobis passus, crucifixus, & mortuus est, D. N. Iesum Christum,

B 2 di-

Bernardus
ser. 1. de E-
piph. Domi-
ni.

*Id si dedero
quod tri est, si quo
minus addo in cor-
Isa. 9. pñr ipseus,*

diligenter vobiscum expendite; qui sunt qui Christi crucem euacuant, qui summū hoc illius beneficium non solum obscuratum, verum etiam sempiterna quadam obliuione prorsus obrutum esse cupiunt. Hinc, qui quotidie summa quadam religione illud celebrant, & Christum pro nobis exaltatum in cruce, oculis hominum subiiciunt: atque vt passionis illius fructum in se transferre laborent, hortantur: an qui sicut alia signa omnia, quibus Christi beneficiorum admonere nos Ecclesia Dei voluit, sic & hoc tremendum sacrificium, vnā cum sacerdotio abrogauerunt? Quod cum fecerunt: quid aliud illi, quā omne discrimen, quod est inter diuinam maiestatem, & inter mundi Principes, sustulerūt, nullus vt peculiaris cultus Deo tribueretur. Nam sicut præclare scriptum est ab Augustino, solo hoc externo sacrificio, diuina seruitus ab humanis obsequijs discernitur. Nam obsequia cætera, quæ diuinitati debentur, ausi sunt sibi etiam superbiæ fastu homines arrogare: rarissimi autem commemorantur, qui sibi vt sacrificaretur cum Regia potestate possent, ausi fuerint impera-

*Lib. 1. cont.
aduersariū
legis &
proph. ca. 8
De ciuit.
Dei cap. 4.*

pera
per
igit
tur
fia D
fatha
dem
ctun
ante
li, se
doti
Deo
cess
quo
Chri
cult
mni
ritu
baba
quo
diff
qua
san
fia
fus
tell
vn

perare. Quicunque tamen ausi sunt, per hoc se Deos haberi voluerunt. Hoc igitur vnicum signum, quo Deus agnoscitur, nimirum externum, quod in Ecclesia Dei frequentatur sacrificium, sublatum Iathanas per suos ministros voluit: ut nunc demum, sicut à quodam ex Patribus di- *Petrus Cln*
ctum est: faciat populus, quod nunquam *niacensis*
antea fecerat; & more captiui illius populi, *li. 1. Epist. 1.* sedeat absque lege, absque rege, absque sacerdotio, absque Ephod, & Theraphin: cumque Deo sacrificare cessauerit, & ipse Dei esse cesset, ut incipiat esse temporibus gratiae, quod nunquam fuit nec tempore irae: ut Christianis Deo sacrificare cessantibus, cultus, qui semper in mundo fuerat, omnino de mundo pereat: & qui Deum ritu suo colens, Deo subditus esse probabatur, cultum eius abijciens, absque aliquo Deo prorsus esse videatur. Ego verò diffiteri nec possum nec debeo. Quod si quæ fuit alia causa, quam ob rem ad vnius sanctæ Catholicæ & Apostolicæ Ecclesiæ gremium me contuli, cui soli missus Spiritus sanctus, cui soli sanæ intelligentiæ lux promissa est: fuit hæc vna grauissima, quod aduersariorum

Tit. 3.

altercationibus cò rem vidi perductam, vt ad Atheismum inclinare viderentur. Nam vbi nullum est sacerdotium & sacrificium, ibi certum est, nullum agnosci Deum: cum siue qui verum, siue qui falsos Deos coluerunt, ex quo tēpore mundus conditus est, semper eum oblati sacrificijs coluisse legatur: vt hæc naturæ quædam lex esse mentibus hominum insita videatur. Sed verum dixit ille quamuis Ethnicus: quod nimium altercando veritas amittitur. Dum isti nihil aliud quam litibus & contentionibus vacant, à quibus abhorrere seruum Dei Paulus vult: amiserunt veritatem Christi corporis & sanguinis ex Eucharistia; amiserunt sacerdotium & sacrificium: amiserunt sacramenta, quæ sunt vasa gratiæ: amiserunt in plerisq; locis & nomen & cultum sanctissimæ Trinitatis, amiserunt ad extremum oēm agnitionē Dei. Quandoquidē, sicut verè scripsit sanctus ille Pater: qui populus Deum ritu suo colens, Deo subditus esse probabatur, cultū eius abiiciens, absq; aliquo Deo prorsus esse videtur. Nunc ego tibi Domine Iesu Christe, quas maximas animus meus capere potest ago gratias:

tias: cui⁹ immortalī beneficio factum est,
vt in hunc locum venirem: vbi lux Euan-
gelij, quam acerbis aduersariorum con-
tentionibus partim obscuratam, partim
extinctam prorsus in plerisq; locis vide-
mus: mentis meæ oculis affulgeret, vbi *IOAN. 14.*
te, qui via, veritas & vita es agnoscere,
palamque profiteri liceret. Quem certè
non agnoscere, sed negare videntur, qui
se à tuo corpore nefaria præcisione sepa-
rarunt, cum tu cum illo sis vnus Chri-
stus: neque se possit quisquam à tuo cor-
pore, quæ vna, sancta, Catholica, & Apo-
stolica Ecclesia, disiungere: quin idem à
te simul huius corporis capite sit præci-
sus. Quod autem ignorans peccaui, dari *2. Cori. 1.*
mihi veniam abs te supplex peto, qui Pa-
ter es misericordiarum, & Deus totius
consolationis: simul spondeo & promit-
to, quandoquidem ineffabili misericor-
dia tua factum est, vt ereptus de potestate
tenebrarum transferret in regnum tuū:
& qui fui vas iræ, Euangelij tui luce illu-
stratus, fierem vas misericordiæ, me nun-
quam amplius ad easdem illas tenebras,
quas effugere semel mihi licuit, deinceps
esse reuersurum, sed eam fidem perpetuò,

quoad mihi vita suppeditauerit, retenturum, quam vertex Apostolorum Petrus initio tradidit: ac nunc Pius V. Pontifex Rom. custodit; quamque S. Tridentina Synodus proximis superioribus annis professa, ab omnibus in Christum credentibus inuiolatam seruari præcepit. Vobis quoque, Reuerendi Patres & præceptores mei, tibi præcipue, qui sanctæ Societatis huius rectorem agis, non possum, quinagam gratias pro grauissimis laboribus, quos mea causa suscepistis, vt me Christo lucrificare possietis. Nam sicut incrementum Dei solius, sic vestra fuit hæc plantatio: vestra fuit hæc rigatio: vestra diligentia factum est, vt veritatem agnoscerem, & ab Idolorum cultu, ad verum Dei cultum transferrem. Quid enim aliud sunt, quàm Idola? qui suum verbum pro Dei verbo rudi plebeculæ venditant? quodque sentiunt ipsi, non aliter quàm purum Euangelium etiam si cum Euangelio pugnet, à suis adorari volunt, cum tamen ipsos, haud aliter atque Deos Homericos, infestis armis inter se concurrere videamus: dum vnusquisque suum potius quàm alterius ver-

verbum, Dei verbum haberi, seque pro Deo coli vult. Ab hac tam horrenda Idololatria quod fugerim; verique Dei verum cultum agnouerim; secundum Deum vobis acceptum fero. Quoniam verò parem gratiam huic vestro beneficio referre non possum, illum sedulò precabor: vt quod opis nostræ non est, præstet ipse, vobisque curæ, diligentia, laborisque vestri ea præmia largiatur, *1. Cori. 2.* quæ præparauit diligentibus se, quæ nec oculus vidit, nec aures audiuit, nec in cor hominis ascenderunt. Vos verò quotquot hic adestis commilitones mei charissimi, etiam atque etiam hortor & moneo: vt periculo meo docti, ab ijs laqueis, ex quibus Dei misericordia iam sum expeditus, diligenter vobis caueatis. Nec enim dormit aduersarius noster Diabolus, sed tanquam Leo rugiens, quærit assidue quem deuoret. Nec *2. Cor. 11.* que tamen se sua forma prodit, sed se transfiguratur in Angelum lucis: nec aliud magis quàm Scripturas, Euangelium, Dei quod verbum crepat: cum interea nihil minus ei cordi sit: quin ille potius, sicut à quodam è sanctis Patribus dictum est: arma

*August. in
Prolog. in
Progn.*

B s contra

*Chrysosto.
in Epistol.
ad Ephe.
serm. 14.*

contra legem sumit ex lege: impugnat Euangelium ex Euangelio pugnans, & in suam perniciem, de veris mediocritatibus fingens. Nec orditur ille statim ab eo, quod maxime persuasum esse mortalibus cupit, ut quod est extreme impium amplectantur: sed in his quæ leuiores videri possunt, initium saltem ut fiat ab Ecclesia discessionis, id maxime laborat. Et hoc est, quod à S. quodam Patre scriptum legimus: Solis duntaxat initijs opus est Diabolo, solum hoc ei laboriosum est: si verò nactus fuerit initium nocendi, omnia sibi ipse suo opte ingenio vestigat & amplificat. Quamobrem, nunquam vobis persuaderi patiamini, ut aliquod initium discessionis ab Ecclesia Dei faciatis, quacunque tandem in re: sed infixæ sint vestris pectoribus, quæ scripta sunt ab eodem illo S. Patre: Quandiu, inquit, lapides bene compacti sunt, nihilque vacuum inter se habent, firmi & infracti perstant: Si verò vel foramen acus duntaxat quod utrinque penetret, aut scissuram quæ capilli locum habeat, fieri contigerit, omnia dissoluntur ac pereunt. Ita & Diabolus, donec compacti quidem & bene compositi fuerimus,

rimus, nihil suorum omninò potest inferre : quamprimum verò vel modicum nos relaxare poterit, non aliter quàm quasi quidam torrens, toto impetu infunditur. An hoc factum hoc infœlici sæculo nostro non videtis ? non solum impunè, verum magno cum applausu multorum. SS. Trinitatem alicubi blasphemari, plebisq; vestrum ignotum non est. Quod ad eò non obscure faciunt homines impij, vt etiam factum hoc suum præferant, deq; eo gloriantur. Lutherum, aiunt, non à fundamentis Ecclesiam diruere cœpisse, alioqui fuisset ruina sua prius oppressus : sed eam à tecto aggressus est, inquit, vastatis indulgentijs, extincto igne Purgatorio, inuocatione mortuorum abolita, peregrinationibus reiectis, Missa etiam extirpata : sed cum in doctrina de sacramentis desisset. Surrexisse postea Zuuinglium, qui Missam cum suo Deo panaceo (sic enim blasphemus ille loquitur) & omnibus appendicibus eius radicatus euulserit : sed posteaquam ad fundamentum ventum est, ipsum quoque substituisse. Fundamētum autem vocant, Deum infinitum, Deum essentiam, Deum tri-

num

num & vnum. Hoc fundamentum euer-
sum à se esse gloriantur. Itaque dirutite-
cti, Luthero: parietum disiectorum,
Zuuingliolaudem tribuunt. Quod au-
tem à fundamento Papatus, hoc est, Eccle-
sia Dei, quibusdam in locis euerſa ſit, hoc
eſt, quòd S. Trinitas non eſſe adoranda
dicitur, quod nomen etiam illius reiſci-
tur, quod Chriſtus eiſdem eſſe cum Pa-
tre ſubſtantia negatur, palmam hanc glo-
rioſi milites ſibi deberi iactant. Videtis, à
quàm leuibꝫ initijs, ad quàm horrendas
abominationes ad extremum ventum ſit:
Eccle. 19. cum ſit illud veriſſimum, quod ſcriptura
dicit: Qui modica ſpernit, paulatim dect-
Chryſoſto. dit. Magnus quidam eccleſia Doctör, non
in Matth. dubitavit aliquando ſcribere: Non tanto
hom. 37. ſtudio ſibi fugienda videri grauiora pec-
cata, quanto quæ leuiora cenſentur, quod
ab illis ab horret ipſa natura ſponte ſua: cæ-
terum hæc dum contemnuntur, ex paruis
Pro. 18. maxima fiunt noſtra deſidia. Nam gra-
datim ſemper ad magis enormia perueni-
tur, donec eueniat quod ſcriptum eſt:
Impius cum in profundum veniet, conte-
mnet. Quod ille dixit de morum peccatis,
hoc idem intelligi quoque recte poteſt,
quan-

quando peccatur in doctrina fidei, quod multo grauius est. Nam si conferantur in vnum aliquem, luxus, libido, ambitio, auaritia, & quicquid præterea criminum est: omnem hanc tamen eorum lernam vna superat hæresis aut schisma: cui alia omnia crimina in vnum cumulum congesta, & huic vni comparata, fluctuant cum trabe collata. Quamobrem etiam in ijs, quæ pertinent ad religionem, non maiore studio eos fugite, qui vel fundamentum subrutum, vel parietes disijcere, vel tectum dirutum cupiunt: quàm qui vel minimum in tecto foramen facere moliantur: quod, ubi perfectum est, iam toto impetu se Diabolus infundit. Quod, hoc infœlici sæculo nostro sic euenisse, magno cum dolore nostro cernimus: cum eò iam audaciæ atque amentię ventum sit, vt quibusdam in locis, apertè, CHRISTVS Deus esse negetur. Quapropter, iterum atque iterum vos moneo, sicut in ijs quæ ad vitæ rationem: sic & in ijs, quæ ad fidem & religionem pertinent: ab inijs vobis diligenter caueatis: nec ab Ecclesiis

fiastici ædificij compage uos uel in mīni
ma re, diuelli patiamini: Sed quam uos in
symbolo, quod recitatis quotidie, san-
ctam, Catholicam Ecclesiā credere pro-
fitemini, eius præceptis & institutis pa-
reatis: & eius iudicio uestrum iudicium
in omnibus libenter submittatis: nec ea do-
ctiores esse uelit: sanctissimam parentē
hanc nostrā, qua decet pietate, ueneremur
omnes: illi nos permittamus, illi creda-
mus, illam audiamus, illam secundū De-
um ipsū uereamur: quæ de diuinis reb.
ipsa sentit, sentienda: quæ de humanis præ-
scribit, facienda: quæ prohibet, fugienda
esse sine ulla dubitatione cēseamus: quam,
si ducem sequuti fuerimus, quandoquidē
columna est & firmamentum veritatis,
errare nunquam poterimus. Ego uerò ti-
bi summe Pater, qui me de tenebris uoca-
re dignatus es in admirabile lumen tuum,
etiam atque etiam ago gratias: simul sup-
plex oro, confirmare uelis quod opera-
tus es in me, fidemque meam adaugeas.
Prius fortunas meas omnes, prius suauis-
simæ lucis huius vsuram, prius ea cuncta
quæ sunt in hoc seculo mortalibus cha-
rissima, eripi mihi uelis, quàm ut ab hac
men-

1. Timo. 3.

mente dimoueri me patiaris, quā semel
mihi deliberatum est, omnia potius & fa-
cere & pati, quā ut unquam ab hac san-
ctissima parente mea diuelli, & ab illius
me communione separari permittam, in
qua, & pro qua, quoties id usus tulerit,
summa cum alacritate mori me semper pa-
ratum offero. Quam ad rem, quoniam
uires meas imbecilles agnosco, gratiam
ut suam præstare dignetur, ut qui dedit
uelle, det simul & perficere, si qua ne-
cessitas id postulauerit, Patrem il-
lum cœlestē unā mecum, Cha-
rissimi commilitones
mei, supplices
inuocate.

D I X I.

R E.

REVOCATIO

SECVNDA.



Roximo superiori mense
Iulio, qui fuerim aliquâdo,
qui nunc sum, ex me cogno-
uistis : Fui namque, pro do-
lor, Lutheranus, nunc sum
per Dei gratiam : Catholi-
cus : nec alium Christum agnosco, quàm
qui natus est in Bethleem : nec aliud Eu-
angelium, quàm quod per longam sacer-
dotum & Episcoporum successionem ab
Apostolis & Euangelistis per manus no-
bis traditum, & multò antè per Prophe-
tas in scripturis sanctis promissum acce-
pimus. Simul & causas didicistis, quibus
adductus fui, vt ab erroribus, in quibus
versatus eram, resipiscerem. Nunc & e-
ius rei causam vobis reddendam esse pu-
taui, cur in Venerab. Eucharistiæ com-
munionem iuxta receptum Ecclesiæ mo-
rem, altera tantum Sacramenti specie con-
tentus esse voluerim : cum tamen ab ine-
unte ætate mea, quoties illius particeps
antèa sum factus, ab vsu calicis abstinere
magna

magna mihi fuerit religio. Deplorabam
autem etiam tunc horum temporum in-
feclicitatem. Quod enim non fecerunt
impij milites, qui Christum in crucem e-
gerunt, vt os ex eo comminuerent, sed in-
tegrum corpus eius in cruce permanere
passi sunt: id, pro dolor, fecisse nonnul-
los hoc nostro sæculo videmus, speciem
quidem pietatis habentes, virtutem autē
eius abnegantes: qui mysticum Christi
corpus Ecclesiam, quod ille sic dilexit, vt
verum & viuum suum corpus in mortem
pro illo traderet, in multas particulas mi-
serandum in modum consciderunt. Inter
hos cum essem natus, & educatus, & eum
ducē secutus, qui sicut ipse primus ætate
nostra Christum diuidere conatus est, sic
à suis nunc quotidiana concisione diui-
ditur: quando quidem neminem audire
mihi contigit, à quo sanam Ecclesiæ do-
ctrinam percipere liceret. si quid à me pec-
catum est in vsu Venerabilis Eucharistiæ:
peccatum autem esse confiteor: mirum vo-
bis videri nō debet. Etenim quibus armis
caput nostrum Christum, iisdē & me mi-
serum per satellites suos Sathanas oppu-
gnabat. Nam eandem cantilenam occine-
bat

bat mihi quoq; Mitte te deorsum: scriptum est enim: Bibite ex hoc oēs. Quod si peræquē meis auribus ea verba quæ præcedunt, atque postrema hæc inculcasset, minus fuisset illius insidijs opportunus: Verū quod à S. martyre Cypriano sui temporis hæreticis dictum aliquando fuisse legimus, id in istos etiam vsurpare nobis licet. Corruptores Euangelij, atque interpretes falsi, extrema ponunt & superiora prætereunt, partim memores, partim subdolē corrumpentes: vt ipsi ab ecclesia scissi sunt, ita capituli vnus sententiam scindunt. Quid potuit magis perspicuē dici, quā quod à Matthæo dictum est, Vespere autem facto, discumbebat cum 12. Et à Marcò, vespere autem facto, venit cum 12. Et à Luca, Cum facta esset hora, discubuit, & 12. Apostoli cum eo. Iam coniunge cum his ea quæ postea sequuntur, Bibite ex hoc omnes: Aut sicut est apud Lucam, Accipite & diuidite inter vos, & scrupulus omnis erit sublati. His enim 12. quin dixerit Christus, Bibite ex hoc omnes, nemo Christianus ambigit. Quod eos etiam fecisse scribit Marcus. Nam bibe-

biberunt, inquit, ex illo omnes. Neque temerè factum est, vt hunc duodenarium numerum, tres Euangelistæ tam diligenter exprimerent. Omnibus enim testatum esse volebant, Apostolis tantum esse dicta, quos tum novos noui sacrificij sacerdotes Christus instituit. Expressum Dei verbum istis videtur, Omnes: an minus est expressum quod præcessit, Duodecim? an eiusdem Dei verbum vtrumque non est? Iungamus igitur vtrumque. Bibite ex hoc omnes, vos, duodecim qui mecum accubuistis. Eritne deinceps vlla litigandi causa? Verum inter quos ego versabar cum essent in cernenda voce, Omnes, etiam lynceo perspicaciores, in ea quæ præcessit, vel ipsa talpa visi sunt esse magis cæci. Quis autem nos Christi verborum intelligentiam, quàm ipse contextus Euangelij, docebit melius? Deinde, quibus dictum est, Bibite, num ipsdem dictum non est, hoc facite? Et alio loco, Euntes docete omnes gentes, baptizantes eos, &c. Et iterum alio loco, Quorum remisistis peccata, remittuntur eis: quorum retinueritis, retenta sunt. Si pertinet ad omnes

etiam laicos hoc, Bibite, pertinet etiam ad omnes laicos vt faciant, hoc est, vt cōsecrent, vt offerant, vt doceant, vt baptizent, vt remittant & retineant peccata, vt vnicuique laico, sacerdotis officio fungi liceat. Quis non videt, hæc quàm absurda sint? Institutum est quidem sacramentum hoc, vt sub panis & specie vini sumeretur: vt autem ab omnibus ita sumeretur, præceptum non est. Institutum est & matrimonij sacramentum ad procreationem liberorum, vt autem vel contraherent matrimonium omnes, vel qui contraxissent, procreandis liberis operam darent omnes, præceptum non est: cum ex consensu mutuo licuerit etiã iunctis matrimonio continere, quò magis orationi vacare possent: Et quod ad rem præsentem propius facit, institutum à Deo fuit, vt offerretur ei semper cum omni victima certa similæ & vini mensura. Cæterum vt omnis qui de sacrificio manducaret, etiam de vino gustaret, præceptum non fuit, quin soli sacerdotes de vino gustabant, & fuit illa sacramenti huius figura. Errat autem, si quis putat illos ipsos, quibus cum nobis res est, hæc non videre. Quo primum quasi
fla-

flabello quodam vsus est Sathanas, ad istos quos nunc in Ecclesia Dei videmus motus & tempestates euitandas, an hæc illius clara verba nō sunt? Pulchrum quidem esset vtraque sacramenti specie potiri: quia verò Christus hac in re nihil tanquam necessarium præcepit, præstaret pacem & vnitatem, quam vbique præcepit sectari, quàm de speciebus contendere. Nec diuersum ab hoc etiam alij senserūt, quibus adiutoribus & socijs vsus est in Ecclesiæ tranquillitate perturbanda. Quin & inter eos qui nunc supersunt, illorum sectatores, quotquot aliquo sunt iudicio præditi, nec omni prorsus ingenio destituti, tam illis certum est, altera laicus vtatur, an vtraque sacramenti specie, nihil ad salutem referre, cum nullum ea de re Christi præceptum extet, vt quæ suis ipsi cernunt oculis, quæ suis ipsi contrectant manibus, non sint illis certiora. Quam igitur causam esse putatis, cur ab istis tanta contentione calix tanquam ad salutem necessarius exigatur? Breuibus accipite. Non temerè à me dictum fuit antea, de sententia cuiusdam S. Patris. Quòd initijs tantum opus est Diabolo.

Nihil enim aliud quærit ista contentione, quàm initium discessionis ab ecclesia Dei, quod non aliunde sumere sibi magis visum est opportunum, quàm si quod esse videt sacramentum pietatis, signum unitatis, vinculum charitatis, ex eo faceret causam dissidij, materiam diuisionis, fomitem odij. Nolite putare, quòd hoc offendat Sathanam, si quis altera tantum vtatur sacramenti specie, vel quòd hoc vehementer laboret, vt potiatur vtraque. Scit ille quid à Patribus in quodam Concilio pronunciatum est: siue quis sub vna, siue sub duplici specie communicet, secundum ordinationem siue obseruantiam Ecclesiæ, proficere dignè communicantibus ad salutem. Itaque nec eum vna species offendit, nec de vtraque multum est sollicitus: sed si fiat secundum ordinationem & obseruantiam Ecclesiæ: quoniam sic demum, & non aliter proficit ad salutem: hoc est, quod eum offendit maximè, ac ne sic fiat, hoc est quod instat & vrget maximè. Sathanas vult esse Sathanas. Sathanam Hebræi vocant aduersarium. Vult igitur aduersari Christo & capiti & corpori. Est ordinatio siue

siue obseruantia Christi corporis Ecclesie, vt sub vna communicetur, vult sub vtraque. Est ordinatio siue obseruantia Christi corporis Ecclesie, vt sub vtraque communicetur, vult vel sub vna, vel sub neutra. Vultis autem audire bestiam ipsam verba sua sonantem? Sic per vas suum illud electum loquitur: Si quo casu concilium statueret, minimè omnium nos vellemus vtraq, potiri, imò tunc primum in despectum Concilij vellemus aut vna, aut neutra, & nequaquã vtraq, potiri, & planè eos anathema habere, quicunque autoritate talis Concilij potirentur vtraq;. Digna certè Sathana vox, In despectum Concilij. Videtis aut quorsum eat ille? Non calicis vsum laicis concessum, sed in despectu Christi capitis, & corporis eius Ecclesie, contraria sanctionib. illius facta, cupit omnia. Sathanas est, Christi capitis & corporis aduersarius est, Antichristus est. Quare quicquid per os Ecclesie decernere Christo visum fuerit, quãlibet id esse rectum, Deiq, verbo cõsentaneum intelligat, obnixè tamẽ ei, manib, quod a iut, pedibusq; semper aduersari conatur, & quã olim capiti nostro Christo caput

& ipse sui corporis, eandem & nunc per membra sua membris Christi cantilenam occinit. Si filius Dei es, mitte te deorsum. Scriptum est enim. Præclare præclarus author ille Vincentius Lirinensis, interpretatur hæc verba. Mitte te deorsum, hoc est, è sublimis Ecclesiæ, quæ templum Dei putatur, quæ ciuitas est super montē posita, doctrina & traditione te demitte. Non quod Ecclesiæ, sed quod mihi visum est, sequere: priuati alicuius qui cum spiritu meo sit afflatus, nihil sibi non arrogabit, nihil alijs omnibus non detrahet, non orbis totius Christiani, cui spiritum Dei minimè deesse certum est, sensum & consensum amplectere. Sciens igitur & prudens manifestæ veritati sathanas aduersatur, non aliam ob causam, quàm in despectum Concilij. Quid autem aliud Concilium legitimè congregatū, quàm Ecclesiam Catholicam repræsentat? De ea dixit Christus: Si quis non audierit ecclesiam, sit tibi tanquam Ethnicus & publicanus. Contrà nunc dicit Antichristus: Si quis authoritati Concilij, hoc est Ecclesiæ, paruierit, anathema sit. Potestne quicquā dici, quod cum expresso Dei

ver-

verbo magis pugnet? vt vel cœco per-
 spici- cum esse queat, in hac de calice tanta con-
 tentione, nihil aliud Sathanam, quàm schif-
 matis, quàm diuisionis, quàm ab Ecclesia
 Dei separationis initium querere, cum i-
 pse sit ille, de quo dixit Propheta, qui diui-
 dit inter fratres: de quo dixit Christus, qui
 mecum non colligit, spargit. Noster contra
 non diuisionis, nō dissensionis, sed pacis;
 sed dilectionis Deus est: qui propterea
 mori dignatus est, vt filios Dei qui erant
 dispersi, congregaret in vnum: vt nemo
 pius dubitare debeat, quin expressū Dia-
 boli verbum sit, quo nihil aliud quàm di-
 uisio quàm ab Ecclesia Dei separatio qua-
 ritur. Quò maiorem Christo gratiam ha-
 beo, qui per hos Reuerendos Patres, præ-
 ceptores meos, tenebras quibus circum-
 fusus eram, ex oculis mentis meæ depulit,
 Euangelijque sui luce me tandem illustra-
 uit, & sicut olim duobus illis discipulis in
 Emaus euntibus, ita mihi quoque nunc so-
 lum panem frangendo, nec vllum calicē
 exhibendo, verborum suorum sensum a-
 peruit. Nunc itaque coram Deo, & co-
 ram vobis quotquot hic præsentes ade-
 stis, quin & coram vniuerso mundo, qua-

de re nunc agitur, quæ sit mea sententia clara voce confiteor, nec enim est alia, quam quæ fuit, & est, & erit semper ecclesiæ sententia. Siue quis sub vna, siue sub vtraque communicet, proficit dignè communicantibus ad salutem. Hic aliquem obstrepentem audire mihi videor: Si quemadmodum dicis nunc, ita sentis, nec ad salutem referre quicquā censes, alteram an vtramque speciem sumas, cur à calice tibi nuper abstinendum esse duxisti, quo semper vsus antea fueras? Ego verò quod olim Donatistis dixit Augustinus, Non in sacramentis, verum in præcisione vitium est: idem istis modò non totidem verbis responsum esse volo, Non in vsu Sacramenti, sed in præcisione, vitium est. Non in eo vitium est, si sub vna, nec in eo si sub vtraque communices: sed si contra ordinationem & obseruantiam Ecclesiæ communices, in hoc solo crimen est. Ab hoc ergo crimine mihi cauendum, & propterea calicis vsus intermittendum esse putavi. Vultis autem scire quantum hoc sit crimen. docebit vos inusitatum sup-
pli-

plicij genus, quo propter hanc solam
causam Core, Dathan, & Abyron, De-
us affecisse legitur. Quid erat in sacri-
ficando vitij? Quid in adolendo incen-
so? Dei cultus hic est. Quoniam tamen
seorsum id illi faciebant, locique sui mi-
nisterium transgressi, contra Moysen &
Aaron sacerdotem insurgentes, ab illis
se præcidebant, quamuis eundem cum
illis Deum nouerant, pari lege & reli-
gione vixerant, vnum verum Deum, qui
colendus & inuocandus erat inuocau-
rant: ob hoc tamen solum facinus, quòd
à sacerdote Dei se præciderant, dirupta
est terra sub pedibus eorum, & aperi-
ens os suum deuorauit eos, cum taber-
naculis suis, & vniuersa substantia eo-
rum, descenderuntque viui infernum o-
perti humo. Iam ne videtis, quàm
sit hoc horrendum scelus, velle seor-
sum ab Ecclesia communicare, quam-
que grauius id vindicandum esse DE-
VS existimauerit. Ab hoc igitur tan-
to scelere, non à calice mihi tempe-
randum esse putavi: neque dubitanter
contrariam illi sententiam proferam,
quàm

quàm produxisse per membrum illud suum Sathanam audiistis. Quod si concilium legitimè congregatum, quod Ecclesiam Catholicam repræsentat, sub vtraque specie communicandum esse statueret, magna reuerentia, nec minore cum alacritate Christo per os illius præcipienti, paruero. Si verò statuât hoc aliquis, qui cum fuisset Monachus perpetuam continentiam professus, voto se castitatis obstrinxerat, & contra iurisiurandi sui religionem, fractis pudoris repagulis, & ruptis pudicitiae claustris, cum nonna se coniungens, incoestam cum ea libidinem suam expleuerat, simul honorabile concubium atque thorum immaculatum dici voluit, quod esse constat abominabile adulterium, & thorum incoestu contaminatum: Si talis quispiam id statuât, in despectum sathanæ per eum id statuentis, aut vna, aut neutra, & nequaquam vtraque potiri volo, & planè eos anathema habere, quicunque authoritate talis Apostatae potirentur vtraque. Hic iterum dicit aliquis: At non hoc ille voluit, vt suo iudicio de vsu Venerab. Eucharistiæ quicquid statueretur, verum quòd hominum commenta

mēta diuinæ legis oraculis anteferuntur,
quod hominibus quàm Deo magis obe-
diendum esse statuitur, id illi minimè fe-
rendum, & graui anathemate dignum vi-
sum est: expressum Dei verbum est, Bibi-
te ex hoc omnes, tàm clarum, tàm di-
lucidum, tàm omnium oculis exposi-
tum, vt vel solis ipsius iubar clarius esse
non possit. Quare contra Dei verbum
hoc adeò manifestum veniri, quodq; de-
cretum est ab ipso Deo, per homines re-
scindi, hoc est, quod ille iudicauit indig-
nius, quàm vt ab homine pio tolerari
queat. Quousq; autem eadem? Sed obse-
cro te, si tàm est hoc expressum Dei ver-
bum, si vel ipsa solis luce clarius, cur de
illo nunc ambigitur? An est quisquam
qui de re clara, verbi gratia, num dies nūc
sit, disceptandum esse putet? Minus igi-
tur clarum esse oportet, de quo tantas cō-
tentiones excitari videmus. Tum autem
& illud, quis est qui satis mirari queat,
quod ea totis 1400. annis quo ser su nunc
ab istis proferuntur, intellexit nemo: cum
tamen in Ecclesia semper ea fuerint reci-
tata, priuatim etiam à multis lecta, quin
& in scholis, & in sacris concionibus fre-
quenter

quenter explicata. Quo tempore Constantiense Concilium habitum est, eo primum calicem exigere nonnulli coeperunt, ex præcepto Dei tanquam ad salutem necessarium, sed magis illi nitebantur eo scripturæ loco, Nisi manducaueritis carnem filij hominis, & biberitis sanguinem eius, non habebitis vitam in vobis, quòd eum qui nunc profertur, Bibite ex hoc omnes, non ad turbas, sed ad sacris operantes pertinere persuasum haberent: cùm tamen in illo capite toto neque vini, neque calicis vllam fieri mentionem, & soli pani factam esse promissionem legamus, à Christo dicente, Qui manducauerit panem hunc, viuet in æternum. Itaque nostro primùm sæculo, locum hunc, Bibite ex hoc omnes, obtorto quod aiunt collo, suam in sententiam, qui discesserunt à nobis, pertrahere voluisse videntur, cum non de sacramentali, verùm de spiritali manducatione tantùm, totum caput illud Ioannis intelligendum esse censerent. Ac superiore illo sæculo intra 20. annos duo fuere Concilia congregata.

In

In utroque decretum est, nullum extra-
re Dei præceptum de calice extra sacri-
ficiū sumendo, nec de necessitate sa-
lutis quēquam ad bibendum ex eo a-
stringi. Quamobrem vix dum quinquā-
ginta anni intercesserunt, quōd alij su-
am hanc sententiam ex verbis cœnæ Do-
mini confirmare conati sunt: quam ta-
men & ipsam in eo quod superioribus
annis Tridenti congregatum fuit Con-
cilio condemnatam esse scimus. Ac non
solum in Occidentis, verum & in O-
rientis Ecclesijs, non terē quisquam re-
pertus est, qui locum hunc Euange-
lij sic intelligendum esse putaret. Con-
stat uti calice Græcos, & qui ritum
eorum sequuntur, magisque nobis vici-
ni sunt, Ruthenos: etiam apud illos
infirmis qui lecto sunt affixi, calix
non datur. Auderent autem id illi
facere, si tam expressum id esse Dei
verbum, quo præcipitur, ut ex eo bi-
bant omnes, existimarent. Intercesse-
runt iam anni plus minus centum viginti,
quōd Concilium Florentiæ fuit con-
gregatum, in quo præsentēs fuerunt
Im-

Imperator & Patriarcha Constantino-
pol. cum plurimis orientis episcopis. A-
ctum est in eo, de reducendis ad vnitatem
Ecclesiæ Græcis, & fuit res optatum exi-
tum consecuta. Disputabatur ibi de pro-
cessione Spiritus sancti, de igne purgato-
rio, de primatu Rom. Pont. de calice ne-
my quidem, vt est in prouerbio. Magis
adeo visum est ad rem pertinere, num in
azymo Christi corpus, an in fermentato
pane rectè conficeretur, de eo disceptare,
quàm altera ne an vtraque specie commu-
nicandum esset, quòd plus in illo quàm in
hoc esse momenti crederetur. Non defue-
runt autem in eo concilio, qui ne proce-
deret vno modis omnibus impedire co-
bantur. Inprimis Marcus quidam Ephe-
sius vir doctus, & in dicendo vehemens,
qui mori se prius paratum ostendebat,
quàm vt subscriberet Concilij decretis,
& vniõni consentiret. Cum ei non suppe-
terent aliæ rationes, quibus id perfice-
ret, an latissimum campum inuehendi non
habuit, contra mutatam in Eucharistiæ
communione Christi institutionem, con-
tra præceptum eius violatum? contra fi-
sum de Christi latere sanguinem, sine quo
non

non
rept
cau
pro
ben
falte
cere
tuen
gen
uerf
pos
rò f
null
fari
tria
Mar
rien
sti v
tur.
dos.
quo
tot f
Eua
per l
am v
tis, &
lijs,

non est remissio peccatorum, Dei filijs ereptum? An vel solam hanc iustissimam causam adferre non potuit, quamobrem pro schismaticis & hæreticis Latinos habendos, & ab eorum communione, vel eo saltem usque Græcis abstinendum esse diceret, dum ereptum laicis calicem restituerent. Certè nec animus illi, nec ingenium, nec verba defuissent, si quid aduersus Ecclesiæ Latinæ morem rectè dici posse persuasum habuisset. Quoniam verò satis illi perspectum fuit & exploratū, nullum esse Christi præceptum, ut necessario laici de calice biberent, hoc nomine tria verba, cum latinis non commutauit. Manifestum igitur est, quòd nec ex Orientis partibus vidit quisquā in his Christi verbis, quod isti soli sibi videre videntur. Quid igitur dicemus? Cæcos, stultos, bardos, truncos omnes fuisse, quotquot ita clarum & expressum Dei verbū tot sæculis, ex quo tempore scriptum est Euangelium, non viderunt. Obsecro vos per Deum immortalem, etiam atque etiam vobiscum reputate, num sit hoc pietatis, & modestiæ Christianæ, sic cum de alijs, tum de his patribus sentire, qui primi

D gen-

gentem hanc nostram Deo genuerunt verbo veritatis, qui calicis vsum iam inde à 600. annis, ex quo tempore Christi receptum est Euangelium in his terris, præterquam sacris operantes prorsus ignorabant, inter quos fuerunt etiam Adalbertus & Stanislaus nostræ gentis Apostoli, qui Euangelium Christi per longam sacerdotum & Episcoporum successione, vñ cum hoc ritu sibi per manus traditum, sanguine suo signatum ad nos transmiserunt. An illud potius personæ tuæ non esset, quisquis es, qui tanta contentione calicem exiges, vt hominem esse te meminisses: ac te potius humanum aliquid passum non satis assecutum verborum Euangelij sensum existimares, quàm vt orbem Christianum vniuersum cæcitatibus condemnares: nisi fortè malis illum extremæ cuiusdam impietatis condemnare, qui viuus, vidensque, sciens prudensque contra tam clarum & expressum Dei verbum venire non dubitauerit? Qua quidem re quid aliud effeceris, quàm vt semen adulteræ te, non autem legitimam Ecclesiæ matris prolem esse declares, cum tanta feritas hæc erga parentes

rentes in legitimam sobolem cadere non
posse videatur. Mihi quidem hominem
exuisse, nec tam pecudes, quàm feras quas-
dam animantes induisse videntur, qui ta-
lem erga suos parentes, quos piè Chri-
stum coluisse constat, animum gerunt,
nisi quod nec in ipsis feris bestiis tantam
immanitatem reperire licet, vt rectius
cum Ambrosio dicere possemus, Quod
expoliantes Christum superuestiti sunt
amictum Diaboli, cum non in aliū quàm
in solum Diabolum hæc tanta cadat imma-
nitas. Conceperant olim non dissimilem
de suis maioribus opinionē Ariani. Quid
autem ad hæc S. ille pater Athanasius?
Quod si illi malè senserunt, inquit, & scri-
ptis suis orbem seduxerunt, cesset eorum
memoria, & scripta eorum abijciantur.
Ite ergo vos ipsi, & eruite reliquias eo-
rum ex monimentis, vt ab omnibus intel-
ligatur, & eos fuisse seductores, & vos
parricidas esse. Num verò multò rectius
id istis à nobis dici non potest, qui tan-
tam de calice molestiam nobis exhibēt? Si
tàm impij fuerunt patres vestri iam inde
ab eo tempore, quo vel in Polonia, vel in
Prussia Christi receptum est Euangeliū,

vt scientes prudentesque contra tam apertum Christi præceptum venirent, institutionem eius violarent, alijs etiam vt idem facerent authores fierent, cesset eorum memoria. Ite igitur vos quotquot estis vel Braunspergæ, vel quibuscunque tandem alijs in locis, qui sic estis de maioribus vestris persuasi, sui quisque patris, aut proavi, quin & atavi, & abavi reliquias è monumentis eruite, quò sic ab omnibus intelligatur, & illos impios fuisse, & vos parricidas esse. Horruistis ad hanc vocem? Atque hoc est quod à nobis exigit Sathanas, dum tantopere calicem vrgens, nihil aliud quàm Euangelium, quàm expressum Dei verbum subinde crepat: vult vt secessionem à S. maioribus vestris faciat, vult vt eos non modò cœcitat, verùm & impietatis omnes cōdemnetis: vult vt semen adulteræ, genimina viperarum & parricidas vos esse declaretis. Vos verò, charissimi, nolite locum dare Diabolo, sed ea qua par est pietate S. maiores vestros persecuti, quem illi scripturæ sensum per longam sacerdotū & Episcoporum successionem, per manus vobis tradiderunt, eum germanum illius

lius esse certò persuasum habeatis. Quem
verò Sathanas adfert per membra sua di-
cens: Si filius Dei es, mitte te deorsum, scri-
ptum est enim: Bibite ex hoc omnes, quā-
doquidem aliud nihil per eum efficere co-
natur, quàm vt mittatis vos deorsum, hoc
est, omnem authoritatem Ecclesiæ rei-
ciatis, & illius iudicio, priuatum vestrum
iudicium anteponatis, nō expressum Dei
sed expressum Diaboli verbum esse nihil
dubitate. Non statim Dei verbum est,
quicquid è scripturis à quocunque tandē
profertur. Ad Nicodemum dicebant ali-
quando Pharisei: Scrutare scripturas,
quia Propheta ex Galilæa non surgit, ac
non modò non esse Prophetam Christū
verumetiam supplicio mortis esse dignū,
è scripturis demonstrare conabantur. Nos
aiebant legem habemus, & secundum le-
gem hanc debet mori, quia filium Dei se
fecit. Num ideo statim Dei verbum fuit,
quo sensu per istos proferebatur? An au-
tem hoc infœlici sæculo nostro nouos
Arianos ab inferis excitatos non videtis,
qui cū alia multa impia & blasphema,
tū illud conantur è scripturis probare,
quòd Christus non sit Deus, nec eiudem

cum patre substantiæ, atq; id ipsius Christi testimonio dicentis, Pater maior me est. Quid aiunt his ipsius verbis Christi clarius? quid potest esse dilucidius? Num autem quem isti proferunt eorum sensum, quem ita clarum esse volunt, eum vos expressum Dei verbum, & non potius expressum Diaboli verbum esse iudicatis? Quæso vos ut vobiscum diligentius expendatis, à quibus, & quam leuibus initijs, quorsum tandem impietatis progressum sit. Omne studium amplectendæ virtutis enervatum: sacramentorum Ecclesiæ numerum imminutum, vel sublata potius omnia: Sacerdotium & sacrificium, quæ propriè diuinitati debita seruitus est, abrogatum: ad extremum eò ventum esse videtis, ut sanctissima Trinitas blasphemetur, & Christus esse Deus aperte negetur. A quibus autem initijs ventum huc est, dicam non minus liberè quam verè. Principium ab hac de calice tanta contentione sumptum est. Nam cum eò quidam audaciæ atque amenticiæ prorupissent, ut hæc scripturæ verba, Bibite ex hoc omnes, melius intelligere se, quam

quàm vniuersam omnium sæculorum Ecclesiam, sibi persuaderent, & eam cœcitatatis vel impietatis potius condemnare non dubitarent: posteaquam non infœliciter initia sibi cecidisse viderunt, idem in alijs quoque scripturarum locis facere sunt aggressi, paulatimque longiùs progressi, tandem ad extremam hanc, quæ sine quodam horrore commemorari non potest, impietatem peruenerunt. Nec enim causam videbant, quòd sibi permissum esset in vno scripturæ loco, secus vt eum interpretarentur, quàm habet sensus & consensus totius Ecclesiæ: cur idem & in alijs multis, & in hoc, Pater maior me est, similiter facere non liceret, cum non minus & hæc verba clara sint, quàm illa, Bibite ex hoc omnes? Iamne cernitis, à quibus exordijs ventum sit ad horrendas abominationes istas, quas nunc audimus & ingemiscimus? Initijs tantum, initijs tantum opus est Diabolo: quæ cum semel ei cesserunt, ex animi sui sententia, iam non habet dimidium facti, verum totam rem confecisse videtur.

Ab his igitur initijs, charissimi, caute vobis diligenter, & memores illius quod scriptum est: Vae Prophetis insipientibus, qui sequuntur spiritum suum, & nihil vident, non suum quisque proprium, sed neque singularem cuiusque tandem alterius in scripturis interpretandis, verum Ecclesiae spiritum sequamini. Nam qui suum spiritum sequuntur, nihil vident, ac tanto magis nihil vident quanto sibi plus videre videntur: Dicentes enim se esse sapientes, stulti facti sunt. Qui vero sequuntur Ecclesiae spiritum, cui soli sanctorum scripturarum intelligentiae lux promissa & missa est, ij demum sunt qui vident & verum scripturae sensum assequuntur. Haec est, quam qui non audierit, eum tanquam Ethnicum & publicanum haberi Christus iubet: haec est, cum qua se futurum usque ad consummationem saeculi: cui se Spiritum sanctum esse missurum, qui doceat eam, & maneat cum ea in aeternum: aduersus quam portas inferi non praevallituras promisit idem Christus: haec est, quam firmamentum & columnam veritatis vocat Paulus: haec est, quam ut in symbolo nos credere profiteremur, Apostoli

foli docuerunt. Quam autem causam fu-
isse putatis, q̃ illi Spiritus sancto pleni non
dixerunt: Credo S. Biblia, vel sanctū Euā-
gelium, sed maluerunt dicere: Credo sanctā
Ecclesiā. Num illi Biblia nos credere no-
luerunt? Absit. Sed cū haberi posse Biblia
viderent extrā Ecclesiam, de quibus Iu-
dæos gloriatos, quorum testimonijs Dia-
bolum, & eius membra schismaticos &
hæreticos, ita frequenter vsos legimus:
propterea statuerunt, vt nos Ecclesiam
credere profiteremur, vt & ipsos Biblio-
rum libros non alios quàm quos ipsa no-
bis tradidit pro Canonicis haberemus: &
eorum intelligentiam, non aliunde quàm
ab ipsa peteremus: nec in illis interpretan-
dis, priuatum nostrum, vel cuiuscunque
tandem alterius qui falli posset, sed Eccle-
siæ, quæ nescit errare, spiritum sequere-
mur: extra quam pelles haberi siue char-
tæ possunt, atramentum haberi potest, li-
teræ siue characteres quibus conscriptum
est Euangelium haberi possunt: cæterum
ipsum Euangelium, hoc est, sanus illius
intellectus extra Ecclesiam haberi non po-
test. In ea sunt Biblia, in ea est Euangeli-
um, in ea est sanus intellectus Euangelij,

quin ipsa potius viuum est Euangelium, scriptum non atramento, sed Spiritu sancto, non in tabulis lapideis, sed in tabulis cordis carnalibus. Hanc igitur Ducem et magistram sequamini : sic futurum est, ut germanum Euangelij sensum assequamini, nec à via veritatis aberretis : & semper infixæ sint pectoribus vestris illa pientissimorum Imperatorum post synodi Calcedonenfis definitionem, verba. Cesset iam prophana contentio. Nam verè impius & sacrilegus est, qui post tot sacerdotum sententiam, opinioni suæ, aliquid tractandum relinquit. Extremæ quippe dementiæ est, in medio & perspicuo die commentitiû lumen inquirere. Quisquis enim post veritatem repertam aliquid vltèrius discutit, mendacium quærit. Mendaciû igitur quærunt & inveniunt, quotquot, post veritatem in quatuor Concilijs, Constantiensi, Basiliensi, Lateranensi, & nouissimo Tridentino, repertum, aliquid vltèrius de vsu sacramenti Eucharistiæ discutiendum putant, ac verè impij sunt & sacrilegi habendi.

RE-

30

59

REVOCATIO

TERTIA.



Roximis superioribus me-
sib. ex hoc ipso loco me se-
mel & iterum vobis narra-
re memini, quemadmodum
serpētis astutia seductus ex-
ciderim à simplicitate fidei, quæ fuit in
S. maioribus nostris. Quoniam verò ple-
raq; sum in genere persecutus, & strictim
attigi potius, quàm, pro eo uti rei magni-
tudo postulabat, accuratius explicavi: fa-
cturus operæpretium esse videor, si quo-
ties tempus fuerit opportunum, paulò co-
piosius de quibusdam verba fecero: quò
sic & eas quibus seductus, & eas qui-
bus in viam sum reductus rationes co-
gnoscere melius possitis. Pertinebit hoc
& ad vacillantes in sana Ecclesiæ doctri-
na confirmandos, & ad eos qui similiter
ut ego seducti sunt, ut similiter ut ego re-
deant, in viam veritatis adducendos. Vi-
sum est autem ab eo, quod maximè Satha-
nas horret exordiri: nimirū à sacrosancto
corporis & sanguinis Christi sacrificio,
quod

quod est precium redemptionis nostræ,
quod ille tantopere cupit abrogatum, ni-
hil vt maiore studio contendat & elabo-
ret, quàm vt non solùm extinguere memo-
riam illius omnem, verumetiam in sum-
mum illud horrorem adducere queat.
Primum autem vobis argumenta propo-
nam ijsdem verbis, quibus à nobili quo-
dam Sathanæ membro scripta sunt, qui-
bus eum apud me, rerum imperitum ado-
lescentem, pro dolor, nimio plus profecis-
se confiteor: nihil vt magis abominandū
ducerem, quàm sacrosanctum hoc Missæ
sacrificium, quo per ministros Dei sacris
operantes, sub oculos nostros subiicitur,
quomodo Christus dilexit nos, & tradi-
dit semetipsum pro nobis oblationem &
hostiam Deo in odorem suauitatis. Pro-
positis autem argumentis, rationes quo-
que quibus ea refutare didici proferam.
Nolite autem expectare, vt in vno sermo-
ne producam omnia, cū ei rei dies vnus
non sufficiat. Quamobrē vnicū argumen-
tum hoc tempore proposuisse, simul ra-
tiones quibus diluī posset, explicasse con-
tentus ero. Quoniam verò sermo ea de re
futurus est nobis, in qua totius nostræ sa-
lutis

lutis cardo versari videtur: tractandum enim erit de pretio redemptionis nostræ, quod nobis miris modis & artibus ereptum Sathanas cupit: vestrū erit tantò maiorem nobis attentionem præstare. Sic igitur ille quæritatur: Intollerabilem in sacrificio Missæ blasphemiam & contumeliam Christo irrogari. Sacerdos enim, inquit, & Pontifex à patre consecratus est, non ad tempus, quomodo illi in veteri testamento constituti leguntur: quorū cum vita mortalis esset, sacerdotium immortale esse non poterat. Quare & successoribus opus erat, qui subinde in demortuorum locum subrogarētur, & Christo qui immortalis est, vicarium substitui minimè necesse est. Itaque à patre designatus est sacerdos in æternum secundum ordinem Melchisedech, ut æternū permanente sacerdotio fungeretur. Qui verò quotidie sacrificant oblationibus sacerdotes præficiāt necesse est, quos Christo velut successores & Vicarios subrogent: qua subrogatione, non modò Christum suo honore spoliant, & æterni sacerdotij prærogatiuam illi rapiunt, sed è dextra patris deturbare ipsum conantur:

in qua sedere immortalis non potest, quin simul æternus sacerdos maneat. His ergo præstigijs verborum, quin motus aliquando fuerim, inficias ire non possum. Verû postea nihil aliud esse cognoui, quàm araneorum telam, qua me captum tamen fuisse profiteor, quamdiu musca fui. Nûc Deo gratias ago, cuius beneficio, ministerio verò Patrum horum, per quos pane verbi sui reficere me Christus dignatus est, factum est, vt esse musca desierim. Quamobrè quæ fuerint mihi rationes ostentiæ, quibus telam hanc disijcerè, paucis indicabo. Libet autem alloqui verborum has ampullas iactantem. Cedo quisquis es, qui te solum sapere, totum autem orbem Christianum desipere persuasum habes: ecquem vnquam hominem Christianum legisti, vel audiuisti, qui Christum à patre designatum esse sacerdotem in æternum secundum Melchisedech negauerit: qui successores veluti mortuo subrogare, qui suo eum honore spoliare, qui sempiterni sacerdotij prærogatiuam illi rapere, ac per hunc modum è dextra patris eum deturbare conatus fuerit: vel vnum aliquem profer:

fat

fat
ris
imp
hoc
eam
fuit
tan
non
chis
enir
An
num
qui
gen
con
in m
sape
est
vna
san
lam
nè a
illan
in co
per p
cibu

fat scio quòd proferre neminem poteris. Quæ est igitur hæc audacia atque impudentia tua, quòd Ecclesiæ crimen hoc impingere non vereris, à quo scis eam quàm longissimè remotam semper fuisse? An autem tuis, vel tibi potius tantum hoc sacrilegium impingi rectius non potest? Scimus quale fuerit Melchisedech æternum sacerdotium: panem enim & vinum eum obtulisse legimus. An autem tu sacerdotium, quod æternum esse voluit, Christo non eripis, qui negas eum vnquam hoc sacrificij genere vsum esse? Deindè verò cùm contrà quàm vel cogitare Paulo venit in mentem, hæc illius verba, Neque vt sæpè offerat semetipsum, semel oblatus est ad exhaurienda multorum peccata vna oblatione consummauit, in æternum sanctificatos, ita vis intelligi vt post illam in ara crucis factam, nullam oblationem aliam restare persuadere coneris, an & illam oblationem simul non tollis, quam in cælo facit Christus vultui patris semper pro nobis apparens, & ostensis cicatricibus vulnerum suorum pro nobis interpellans.

pellans. Tu igitur ille es, qui Christum honore suo spolias: Tu es qui sempiterni sacerdotij prærogatiuam illi rapere, tu es qui cum è dextra patris deturbare, tu es qui nobis aduocatum nostrum, & propitiationem nostram è medio tollere conaris, & quod ipse facis impiè, falso nos facere criminaris. Nec enim nos aliū quàm Christum sacerdotem in æternum secundum ordinem Melchisedech: nec aliud in Ecclesia, quàm Christi sacerdotium & sacrificium agnoscimus: nec ei successorem quenquam subrogamus: quod nobis tu per summam calumniam affingis, verum sicut in alijs reconciliationis muneribus, sic in offerendo sacrificio, ministris eū hominib. vti, cū Paulo docem⁹: Sic nos existimet homo, inquit Paulus, vt ministros Christi, & dispensatores mysteriorū Dei. Ministrorum ordinem tenent in Ecclesia sacerdotes nostri: verus autem & propriè dictus sacerdos, non est, nisi sacerdos ille in æternum secundum ordinem Melchisedech Dominus noster Iesus christus. Hic est aduocatus noster: hic est propitiatio nostra: hic est & offerens, & oblatio, & sacerdos, & victima, vnus cum illo
cui

TERTIA.

45

cui offert, vnum in se faciens pro quibus offert, & quod offert. Multis antè Christum incarnatum sæculis, tales futuros nouæ legis sacerdotes prædixit Esaias Propheta. Vos autem, inquit, sacerdotes Domini vocabimini, ministri Domini nostri dicetur vobis. Eosdem & sacerdotes & ministros appellat, neque propterea non sacerdotes, quia ministri sunt: nam & Rex Dei minister est, inquit Paulus, neque tamen propterea non est Rex. Ius omne sacerdotalis potestatis exercet solus Christus, homines verò tantum ministerium adhibent. Quale sit autem hoc ministerium, docet nos Paulus ad Corinthios scribens: Omnia inquit ex Deo qui nos reconciliauit sibi per Christum, & dedit nobis ministerium reconciliationis, quoniam quidem Deus erat in Christo mundum reconcilians sibi: non reputans illis delicta ipsorum, & posuit in nobis verbum reconciliationis. Pro Christo ergo legatione fungimur, tanquam Deo exhortante per nos. Vides quemadmodum Paulus reconciliationem soli Christo tribuit, qui pacificauit omnia per sanguinem crucis suæ, qui reconciliauit nos

E

in

in corpore carnis suæ per mortem. Ministerium autem reconciliationis Episcopis & sacerdotibus : vt sicut ipse fuit legatus Dei patris, sic illi sint ipsius legati : quod munus mandauit illis Christus, cum post resurrectionem ianuis clausis ad discipulos ingressus, post iteratam salutationem dixit illis: Pax vobis. Sicut misit me pater, & ego mitto vos. Quamobrem aut Christus fuit à patre missus, nisi vt inter Deum & hominem pacem conciliaret? Hanc ipsam igitur ad rem, suos quoq; misit in orbem vniuersum sacerdotes & Episcopos, vt eorū ministerio reconciliarentur Deo, qui suis eum peccatis offenderant. Quod ergo dixit Christus, sicut misit me pater, idem est cum eo quod ait Apostolus, Deus erat in Christo mundum reconcilians sibi. Quod verò subiungit, ita & ego mitto vos, idem est cum eo quod Paulus dicit, Posuit in nobis verbum reconciliationis. Pro Christo legatione fungimur. Obsecramus pro Christo reconciliamini Deo. Quamobrem semel dixisse non contentus repetita vice dixit: Pax vobis, vt insinuaret & pacem se fecisse illis, & pacem se per illos mittere nobis. Christus

Itus igitur missus fuit à patre: fungebatur
legatione pro patre. Sacerdotes & Epi-
scopi missi sunt à Christo: funguntur le-
gatione pro Christo: Christus Deus &
homo, est verus reconciliator, per cuius
mortem reconciliati sumus Deo, quin est
ipsa reconciliatio, verus pacificator, verus
& propriè dictus sacerdos in æternū secū-
dum ordinem Melchisedech, solus sanctus
& immaculatus pōtifex, qui & exauditus
est, & exauditur pro reuerentia sua, & per
quem exaudiuntur quotquot exaudiūtur,
qui per proprium sanguinem introiuit se-
mel in sancta, qui sedens ad dexteram pa-
tris, etiam nunc interpellat pro nobis. At
sacerdos ex hominibus assumptus, mini-
ster tantū est reconciliationis. Ministe-
riū reconciliationis datum est illi. Quo-
niam verò totus Christus & caput & cor-
pus est, pro utroq; legatione fungitur sa-
cerdos ex hominib. assumptus, Pro capite,
quando Christi prædicat Euangeliū, quan-
do reconciliationis beneficium annuncii-
at, quando monet populum vt reconci-
liationis huius fructum ad se transferre
satagat. Pro corpore verò Ecclesia lega-
tione fungitur, quando stans ad altare,

corpus illud quod cruci pro nobis affixum, & sanguinem, qui fusus est in remissionem peccatorum nostrorum, Deo patri offert, ac supplex precatur, ut huius reconciliationis in cruce factæ merito, populo suo propitius esse velit, qua tamen & ipsa in parte, non magis corporis quam capitis Christi ministrum agit. Sic apud Hieremiam legimus, quod missus erat ab vniuerso populo, ut oraret pro illis ad dominum Deum suum: & dixerunt ad Hieremiam, Sit Dominus inter nos testis veritatis & fidei, si non iuxta verbum omne in quo miserit te Dominus tuus ad nos, sic faciemus. Voci Domini Dei nostri ad quem te mittimus obediemus. Sic ille populi preces ad Deum deferbat, & vicissim populo Dei voluntatem annuntiabat. Vtroque munere hoc functus est, & fungitur adhuc, & fungetur in æternum Christus Deus & homo. Vtroque fungitur & sacerdos ex hominibus assumptus. Verum hic nihil aliud est, nisi minister, non autem sicut ille falso nos dicere fingit successor. Verus autem & propriè dictus sacerdos, verus mediator noster, quem proposuit Deus propitiationem per fidem in sanguine

guine ipsius, quod iam toties repetitum est, non est nisi ille cui soli dictum est, Tu es sacerdos in æternum secundum ordinem Melchisedech. Ille de quo scriptum est, quod factus est propitiatio pro peccatis nostris: ille est qui docet, ille est qui baptizat, ille est qui Deum patrem pro nobis interpellat, ille est qui consecrat Eucharistiam, ille est qui porrigit sumere volentibus, ille est qui offert suum ipsius corpus & sanguinem in altari longè gratissimum Deo patri sacrificium. Ipse est reconciliator & reconciliatio, & sacerdos & sacrificiū, & oblato & oblatio, minimè diuersum vt sit illis à nostro sacerdotiū & sacrificium. Et sicut Episcopi & eius Vicarij tribunal vnum esse dicitur, sic omniū qui sacerdotes vocantur, & Christi veri sacerdotis, vnū est sacerdotium & sacrificium. Sicut in docendo siue prædicando, non est sacerdotis nisi ministerium, sic enim loquitur Christus, Non vos estis qui loquimini sed spiritus patris nostri qui loquitur in vobis. Sic & Paulus, An experimentum eius queritis qui loquitur in me Christus. Sicut in baptizando non est nisi sacerdotis ministerium, nā

solus ille verè baptizat, Solus ille verè nos
abluit à sordibus peccatorum, de quo di-
xit Ioannes Baptista, Hic est qui baptizat
in Spiritu sancto, Dominus noster Iesus
Christus, quod & Paulus indicat, cùm re-
præhendens eos qui baptismum ex mini-
strorum dignitate metiebantur, dicentes :
Ego quidem sum Pauli, alius autem, ego
Apollo. Quid verò Paulus, Ministri eius
cui credidistis, & vnicuiq; sicut Dominus
dedit, ego plantaui, Apollo rigauit, sed
Deus incrementum dedit. Neq; qui plan-
tat est aliquid, neq; qui rigat, sed qui incre-
mentum dat Deus. Sicut in remittendis pec-
catis, non est sacerdotis nisi ministerium,
cùm rectè dictum sit : Quis potest dimit-
tere peccata nisi solus Deus? sicut in inter-
pellando non est sacerdotis nisi ministe-
rium, nam verus interpellator, qui solus
exauditur pro sua reuerentia, non est nisi
ille qui sedet ad dexteram patris, semper
viuens ad interpellandum pro nobis: sic-
ut in alijs quibuscunque functionibus ad
reconciliationis munus pertinētibus, non
est sacerdotis nisi ministerium: quod aut
virtutis est & efficacix non præstat nisi
solus Christus: sic in Eucharistiæ consecra-
tio-

ne, sic in distributione, sic in oblatione non est sacerdotis nisi ministerium. Quaidem in re concors est omnium sanctorum patrum tam priscorum quam recentiorum sententia, qui per ministros suos fungi sempiterno sacerdotio Christum secundum ordinem Melchisedech, vno ore testantur: quando sub speciebus panis & vini Deo patri suo per sacerdotem sacris operantem corpus & sanguinem offert. Quoniam verò longum esset omnes recensere, vnius aut alterius tantum verba proferemus: Non sunt humanæ virtutis hæc opera, dicit Chrysostomus. Qui tunc in illa cœna confecit, ipse nunc quoque operatur, ipse perficit: Ministrorum ordinem nos tantum tenemus: Qui verò hæc sanctificat & transmutat, ipse est. Multis alijs in locis eadem hæc alijs atque alijs verbis repetit. Sed hunc vnura protulisse sufficiat. Oecumenius explicans illum locum, Tu es sacerdos in æternum, Non dixisset, inquit, de ea, quæ semel est facta oblatio & hostia: in æternum: sed respiciens ad præsentem sacrificos, per quos medios Christus sacrificat & sacrificatur, qui etiã in mystica cœna modum

illis tradidit huiusmodi sacrificij. Eundē locum enarrans Theophilactus: Manifestum, inquit, est, de Christo hoc dictum esse. Solus enim ille pane & vino sacrificiū cōsecrauit, perinde ac Melchisedech. Qui verò dixit in æternum? quia quæ sit in singulos dies, & futura est in perpetuū oblatio per Dei ministros, ipsum habet Pontificem & sacerdotem Dominum, atq; adeo ipsam hostiam; qui seipsum pro nobis sanctificat, & frangitur, & distribuitur. Quoties enim hæc fiunt, mors Domini annunciat. Vides igitur, quod sicut in alijs reconciliationis generibus, sic & in Missæ sacrificio, non est sacerdotis nisi ministerium, per quem ipse Christus offert semetipsum, ad altare quidem in imagine, in coelestibus autem in veritate. Quare re sic aliquando scripsit Ambrosius: Hic, inquit umbra, hic imago, illic veritas. Umbra in lege, imago in Euangelio, veritas in coelestibus. Antea agnus offerebatur, offerebatur vitulus: nunc Christus offertur: sed offertur quasi homo, quasi recipiens passionem, & offert seipse quasi sacerdos, vt peccata nostra dimittat: hic in imagine, ibi in veritate, vbi apud patrem

patrem pro nobis quasi aduocatus interuenit. Hic ergo in imagine ambulamus, in imagine videmus, ibi facie ad faciem, vbi plena perfectio, quia perfectio omnis in veritate est. Haftenus Ambrosius. Vmbra ex Pauli sententia dicit in lege fuisse, cum agnus offerrebat, offerrebat vitulus. Vocat autem vmbra rudia lineamenta, quæ sunt adumbratio veluti viuæ picturæ. Solent enim pictores, antequam penicillo viuos colores inducant, carbone faciem adumbrare, quam expressam sibi proponunt, eam simul ut postea coloribus adhibitis ad viuum repræsentauerint, iam imago dicitur. Vmbra itaque fuisse dicit in lege, quod sacrificijs legis tanquam rudibus & inchoatis quibusdam lineis, fuit adumbratum sacrificium illud, quo se Deo patri Christus obtulit in remissionem peccatorum nostrorum. Cæterum in Euangelio, non vmbra iam est, sed imago. Iam enim viuis coloribus expressum est, quod in lege rudibus lineis fuerat adumbratum. Non amplius iam aut agnus aut vitulus, verum ipse Christus offertur, vel se potius offert ipse. Quoniam verò non recipiens, sed

E s quasi

quasi recipiens passionem offertur, ideo dicitur in imagine offerri, cum non sit in hoc nostro sacrificio vera passio veraque mors, verum imago quædam passionis & mortis, quam Christus pro nobis pendens in cruce sustinuit. Sic ab Augustino quoque scriptum legimus, quod mundationem peccatorum Dominus, oblatione sui holocausti, quod in veteri sacerdotio figurabatur, impleuit: & holocausti eius imaginem suæ passionis in Ecclesia celebrandam dedit, ut esset sacerdos in æternum non secundum Aaron, sed secundum ordinem Melchisedech. Quod autem hic imaginem, id eodem in loco paulo superius vocauit similitudinem, dicens: Ipse est sacerdos noster in æternum, secundum ordinem Melchisedech, qui seipsum obtulit holocaustum pro peccatis nostris, & eius sacerdotij similitudinem in suæ passionis memoriam celebrandam commendauit, ut illud quod Melchisedech obtulit Deo, iam per totum orbem terrarum in Ecclesia Christi videatur offerri. Fuit igitur in cruce veritas passionis & mortis, hic autem quamuis præsens adsit verum corpus, & verus sanguis Christi, passionis

nis tamen & mortis imago quædam est
& similitudo. Nec enim denuo Chri-
stus in hoc nostro sacrificio crucifigi-
tur & occiditur, sed passionis & mor-
tis illius quam in cruce pertulit, memo-
ria quædam fit & representatio: vt il-
lud impleatur quod à Christo præce-
ptum est, hoc facite in meam comme-
morationem. Dicitur autem & alia
ratione quædam in imagine Christus
offerri, nec enim in propria forma, sed
in imagine, hoc est in specie panis &
vini Christus offertur. Apparet enim
imago panis & vini quamuis ibi sit ve-
rum & viuum Christi corpus, verus &
uiuus Christi sanguis. Sic à Cypriano
dictum est: Panis iste, quem Dominus
discipulis porrigebat, non effigie sed
natura mutatus, omnipotentis verbi fa-
ctus est caro. Naturam quidem panis
mutatam esse dicit, & in substantiam
Christi corporis & sanguinis esse con-
uersam, sed remanere nihilominus ef-
figiem & imaginem panis. Sic à Cy-
rillo quoque Hierosolymitano scribi-
tur *ἐν τῷ αἵματι τοῦ αἵματος*, hoc est in figura siue
specie

specie panis dat tibi carnem: *ἐν τῷ πᾶσι* dñs;
 in figura siue speciè vini dat tibi sanguinem. Ac paulò post, *ὁ παίνόμενος ἀπὸ τοῦ* qui
 videtur panis, non panis est, quamuis ita
 gusturi videatur, sed corpus Christi: *ὁ παίνόμενος ὀίνος*, quod videtur vinum, non vinum
 est, etsi gustus ita velit, sed sanguis christi. Quod Ambros. & August. imaginè siue
 similitudinem, hoc effigiè Cyprianus, hoc typum, figuram siue speciem, qui receptissimus est in
 Ecclesia loquendi modus, vocat Cyrillus Hierosolymitanus. De paschate verò verba faciens Gregorius
 Nazianzenus, etiam nunc *τὸ πᾶσι* illud, hoc est in imagine siue figura celebrari dicit,
 etiam si claruisset expressius aliquanto quàm vetus. Nam legalè inquit Pascha
 audeo dicere *τὸ πᾶσι τὸ πᾶσι* figuræ figuræ erit obscurior: paulò post autem perfectius
 erit & illustrius, quando biberit illud nouum vna vobiscum omnipotens verbū
 in regno sui patris, vbi nos manifestius ea docebit, quæ nunc pro captu nostro non
 obscurè nobis demonstrauit. Existimant autem Theophylactus & Oecumenius,
 cū hæc scriberet, ad locum illum Pauli respexisse Gregorium. Vmbra habens
 lex

lex bonorum futurorum, non ipsam imaginem rerū: & hoc dicere voluisse, quod ymbra Apostolus legem vocauerit. Quæ verò nunc in Ecclesia mysteria siue sacra peraguntur, imaginem esse censuerit futurorum bonorum, hoc est, maiorū nimirum coelestium mysteriorū, vt idem senserit Gregorius, quod ab Ambrosio postea scriptum fuit. Vmbra in lege, imago in Euangelio, veritas in coelestibus, hic ad altare per ministros in imagine, hoc est sub speciebus panis & vini, ibi nimirū in coelestibus, vbi ad patrem pro nobis interuenit, per semetipsum se Christus offert in veritate, hoc est, vt Cyprianus loquitur, palam absque vllis integumentis omnibus conspicabilis. Eundem Pauli locū explicans Nicetas, Triplex, inquit Pascha in medium producit Theologus, Iudaicum, nostrum, & futurum. Ac Iudaicū quidem figuram nostri esse dicit: nostrum autem, futuri. Iudaicum porro nostro obscurius esse: nostrum verò, si quidē cum Iudaico conferatur, perfectum esse: si autem cum futuro: comparetur, imperfectum: cuiusmodi autem sit futurum Pascha, sequentibus verbis docet, Quod verò

ro ait: non enim hoc dicere verebor, hoc
ideo adducit, quia nouum atque absur-
dum videri poterat, Pascha nostrum figu-
ram dicere. **P**erfectius autem in altera vita
Paschæ participes erimus, quia nunc in
spe resurrectionis nostræ festum celebra-
mus; tunc autem eam ipsam celebrabi-
mus, cum nimirum ipsius quoq; pollici-
tatio expleta fuerit, quam fecit his ver-
bis: Non bibam posthac ex hoc genimine
vitis vsq; ad diem illum, cum illud bibam
vobiscum in Regno patris mei. Bernhar-
dus verò non dubitauit dicere, quòd &
hic & ibi, hoc est & ad altare & in coele-
stibus veritas est, sed hic palliata, ibi ma-
nifesta. Quod Ambrosius & Augustinus
imaginem, hoc appellat Bernhardus pal-
liatam veritatem. Quicquid igitur facit
in imagine per ministrum ad altare, idem
facit in coelestibus in veritate, per seip-
sum. In altari, manus quidem morta-
lis, lingua mortalis, ministerium ho-
minis est mortale: verum oblatio non est
nisi sacerdotis illius æterni & immor-
talis Domini nostri Iesu Christi, qui
quod in altari per ministrum, idem il-
lud suum corpus glorificatum, nec am-
plius

plius passioni aut morti obnoxium offert
in cælo per seipsum. Quemadmodum au-
tem non propterea non rectè baptizare
dicitur minister, quia Christus est qui
baptizat: non propterea non rectè dici-
tur peccata remittere minister, quia
Christus ipse est qui remittit: non pro-
pterea non rectè dicitur docere siue præ-
dicare minister, quia CHRISTVS ipse
vnus est Magister qui docet nos: non
propterea non rectè dicitur interpellare
minister, quia Christus ipse est qui sedet
ad dexteram patris semper viuens ad inter-
pellandum pro nobis: ita non propterea
non rectè dicitur offerre siue sacerdotio
fungi minister ad altare, quia per eum sa-
cerdotio fungitur, per eum seipsum ho-
stiam offert Deo patri, sacerdos ille inui-
sibilis & immortalis secundum ordinem
Melchisedech Dominus noster IESVS
CHRISTVS. Quæso vos etiam at-
que etiam quotquot hic adestis, est ne
hoc christum honore suo spoliare, & æ-
terni sacerdotij prærogatiuam illi ra-
pere? est ne hoc è dextera patris cum
deturbare? Si quis doceat CHRI-
STVM habere ministros, per quos
quod

quod ipse facit in cœlestibus, nobis nunc inuisibilis, in terris faciat per ministrum visibilem: hoc est, vt doceat, vt baptizet, vt interpellet, vt peccata remittat, vt corpus suum consecret & offerat, & aliud quodcūq; recôciliationis munus per ministros exequatur? An hoc non magis ad illius maiestatem, gloriam, & potentiam amplificandam pertinere videtur, si plures habere ministros dicatur, per quos ea quæ vult exequatur. An & bonitatem illius ineffabilem ea res nō declarat, quod quæ sunt ipsius propria, cum suis creaturis communicare dignatur: & quamuis omnia per se præstare posset absq; vllō medio, tamen quos ipse creauit, eos adiutores & cooperarios suos habere non recusat: Dei enim adiutores sumus dicit Paulus. Quid autem vobis videtur, quod per summam calumniam nos facere Sathanas falso criminatur, an hoc non ipse facit potius: qui cū vnam oblationem illam in ara crucis factam, sic solam vrget ac prædicat, vt nullam aliam velle admittere videatur, an Christum honore sempiterni sacerdotij non spoliatur? an eum etiam è cœlo quò minus pro nobis interpellare possit

fit

fit nō deturbat? Sed videte per Deum immortalem, quorsum ad extremum res reciderit. Cū sacrilegam audaciam hanc & impudentiam, in abrogando externo sacrificio, non infœliciter sibi cecidisse Sathanas animaduerneret, ijsdem rationibus etiam externum in prædicando Dei verbo ministerium, ex Ecclesia per membra quædam sua tollere conatus est, qui & ipsi modò non ijsdem tragicis verbis vociferantur: Intollerabilem Christo blasphemiam & contumeliam irrogari, cui dum successores & vicarij in docendo prædicandoque Dei verbo subrogantur: honore Magisterij sui spoliatur, deque cathedra quam habet in cœlo deturbatur, quasi vel viuere vel docere nos iam desierit, aut quasi parū sit idoneus ad hoc munus per seipsum præstandum. An autem ij non multò grauiores in speciem rationes adferunt, ad externum in prædicando Dei verbo ministerium, quàm isti quibus cum nobis negocium est, ad externum sacrificium abrogandum. Plures namque Magistros, aiunt, fieri, Christus etiam ipse prohibuit. at sacrificio nouæ legis, non modò non interdixit cuiquam

F

ali-

aliquando, verum etiam expressis verbis id fieri præcepit, dicēs: Hoc facite in mei commemorationem. Examina scripturarum proferunt, Nolite fieri plures Magistri, vnus enim est Magister vester in cœlis, Non necesse habetis vt aliquis doceat vos, Vnctio eius docebit vos, Non docebit vnusquisque proximum suum, & vnusquisque fratrem suum dicens, Cognosce Dominum, quia omnes scient me à minimo vsque ad maximum eorum. Has illi cum scripturas sic proferunt, adeò sicut ipsis videtur dilucidas & apertas, cum se ferre non posse dicant, vt Christus honore magisterij spoliatur, & subrogatis successoribus de cathedra sua quam habet in cœlo deturbetur, maiorem habere tamen prætextum erroris sui videntur. Isti verò quam scripturam producant, qua sacerdotium & sacrificium externum prorsus abrogatum esse doceant. Certè Paulus Apostolus non sublatum, sed translatum id esse docet, non abrogatum sed consummatum, & per meliorem sacerdotem in aliud multò melius, augmentius, & perfectius, mutatum: nimirum sicut à sanctis patribus nostris didicimus,
ab

ab eo quod fuit secundum Aaron, ad id
quod est secundum ordinē Melchisedech :
ab eo quod fuit temporarium, ad id quod
est sempiternum ab umbra, ad veritatem.
Quam etiam ob causam explicans illum
Psalmi locum Augustinus, Sacrificium &
oblationem noluiti, *Quid ergo, inquit,*
Nos iam hoc tempore sine sacrificio di-
missi sumus? Absit: corpus autem perfe-
cisti mihi. Ideo illa noluiti, ut hoc perfice-
res: illa voluiti antequam hoc perfice-
res. Perfectio promissorum, abstulit ver-
ba promittentiū. Videtis, charissimi, quē-
admodum externi sacrificij abrogatio,
peperit nobis etiam eius externæ qua
pro Christo sacerdotes funguntur, lega-
tionis abrogationem, quæ in externa Dei
verbi prædicatione consistit: cū nihil
contrà sacerdotium externum dici pos-
sit, quod non similiter ac multò ma-
gis etiam contra externum verbi mini-
sterium dici queat. Contrà quod pha-
natici quidam nostri temporis, tot ha-
bere se tam expressa scripturæ testimo-
nia gloriantur, Theodidactos, hoc est,
à Deo doctos aiunt esse nos oportere,
non ab homine doctos. Itaque frequens

eis est illud in ore: Audiam, non quod omnis homo mendax, sed quod loquatur in me Deus, qui verax est, & ipsa veritas. Beatus vir quem non Petrus aut Paulus, verum quem tu erudieris Domine. Certo sibi persuasum habent, quod & alij persuadere conantur, Spiritum sanctum è supernis delabi, citra omne medium: non per auditum externum, & vocalem prædicationem siue scripturarum lectionem: & æquè nos hodie docere Deum, ac olim Patriarchas & Prophetas, etiam si neq; Magistros aliquos audiamus, neque scripturas vllas legamus. Et sunt plures quàm facile credi queat, quibus hoc tam persuasum est, quàm quod maximè. Quam etiam ob causam in hortos frequenter se conferunt, & in abdita quædam loca, Voces de cœlo quibus erudiantur expectantes. An autem qui non inuitus etiam scripturis vtitur, non rectè potest illud ex Psalmo proferre Sathanas: Funes ceciderunt mihi, in præclaris, adeò tragicæ vociferationes istæ, non modò sacerdotiũ & sacrificium æternũ, verum & prædicationem externã in multis locis omnem sustulerunt, quin & scripturis

pturis Canonici auctoritatem omnem abrogarunt. Prodeunt nunc libelli, quibus non ex Ecclesia modò, verùm & ex Repub. discrimen omne tollitur, nihil vt intersit inter Regem & populum, inter principes & illis subiectos. Neque dubitauit quidam Phanaticus homo in Regni Comitijs, quæ proximo anno superiore Lublini sunt habita, cum ad populum concionem haberet, multis audientibus, palàm dicere: Non habemus Regem, nisi qui spinis pro nobis coronatus, & in crucem actus est. Quibus autem rationibus adductum putatis, vt hæc tam absurda sentiret ac diceret? Non alijs certè quàm tragicis eiusmodi vociferationibus, quibus ad abrogandum sacerdotium Sathanas vtitur. Melchisedech non solùm sacerdos, verùm & Rex fuit, figuram Christi gerens, qui & ipse non solùm sacerdos, verùm & Rex fuit. Et sicut sacerdotium, sic & Regnum ipsius est æternum. Sic enim dicit scriptura: Regni eius non erit finis, cuius Regnum, Regnum sempiternum: Regnum eius, Regnum omnium sæculorum. Hæc itaq; cum non ignorent isti, vociferantur & ipsi, intollerabilem

F 3 blas-

blasphemiam & contumeliam irrogari Christo, quando ei qui Rex est in æternū, sicut & sacerdos in æternum, haud aliter quàm si mortuus esset, aut eise Rex desisset, successores & vicarij subrogātur: qua subrogatione Regia sua dignitate spoliatur, & qui cœlum & terram implet, è folio suo Regio deturbetur. Videtis, quibus rationibus homines isti sacerdotalem dignitatem, quemadmodum iisdem etiam Regiam potestatem euertere conentur: vt non sine causa dixerit, qui longo tempore versatus est inter eos, Erasmus Roterodamū, & mores eorum benè cognitos habebat: Iste populus tam Euangelicus etiam Principi Turcarum dicitur esse detestabilis, quem ait seditioni natum: quos subinde tumultus excitat & quoties quàm leuibz de causis procurrat ad arma, ne suis quidem Ecclesiasticis satis obtemperans, nisi dicant blanda auribus? Hi sunt fructus istius præclari, si Dijs placet, Euangelij, quos nobis attulerunt hoc genus Tragicæ vociferationes. Vidimus bellum seruile contrà Dominos, vidimus & subiectorum Principum contra legitimum suum Imperatorem Carolum V. fortissimum

num Euangelij propugnatorem, seditionem excitatam, quin & in ipso statim initio nascentis huius Euangelij, qui tumultus exorti, quemadmodum loco suo Magistratus moti sunt, etiam in his Prusix terris, qui sunt natu grandiores meminisse queunt. Quamobrem quotquot hic presentes adestis, procul ab hoc genus hominum contagione discedite, & sermones eorum velut pestem fugiendo vitate: quosque Deus ministros elegit, vel ad reconciliandos nos Deo, vel ad gubernandos, & ad politiam conseruandam, eis debitum honorem prestare. Sic futurum est, ut ordine seruato tum in ijs quæ ad Rempub. tum in ijs quæ pertinent ad religionem, optata pace tranquillitateque frui nobis liceat gratia & misericordia, &c. Cætera, si Deus volet, alio tempore prosequemur.

FRIDERICI

BARSCII AD FA-

BIANVM ORA-

TIO.



Ultim te amo, mi Fabiane, qui tuos istos errores, in quibus versatus aliquando fuisti, non modo confiteris tam candidè, tantaque cum eorum detestatione: verumetiā, quæ tua minimè vulgaris est vereq, Christiana pietas, memor illius quod scriptum est, unicuiq; mandavit Deus de proximo suo, tanto studio providere conaris, vt ne vel incidant in eosdem errores alij, vel si fortè iam inciderunt, viam & rationem cognoscant, qua faciliè possint ab illis explicari. Sed quale fuit hoc per Deum immortalem, quod in maioribus Regni comitijs, quæ Lublini sunt habita, non ita pridem accidisse narraisti? Sic ne iam & Regem non agnoscit præclarum hoc, si Dijs placet Euangelium, nisi qui spinis pro

pro nobis coronatus, & in crucem actus
 est? Obstupui cùm hæc audirem. Verùm
 qualis est arbor hæc, alios fructus ferre
 non potest. Equidem sepè mecum animo
 volutans, quænam sit causa, plusquam Ba-
 bylonicæ confusionis huius, quam in ple-
 risq; locis magno cum animorum nostro-
 rum dolore cernimus: vbi sursum deor-
 sum omnia miscentur: ac non solùm Ecce-
 siastici, verùm & ciuilis magistratus nul-
 la ratio ducitur: aliam non reperio, quàm
 quòd ab eius obedientia discessum est,
 cuius ministerio Deus vnitatem, & erga
 quemque magistratum reuerentiam &
 obedientiam conseruatam voluit: cuius
 authoritatem quoad cognoscebant om-
 nes, & vnum sub Christo capite, caput
 Ecclesiæ Romanum Pontificem pro-
 fitebantur: necesse habent hoc ipsi fateri,
 quin & fatentur nonnunquam, qui se per-
 summum nefas ab isto capite disiunxe-
 runt, quòd ciuili quoque Magistratui,
 qui debebatur honos & obedientia sunt
 attributa. Sed posteaquàm illum de gra-
 du suo deturbare nonnulli conati sunt,
 idem non ita multò post de Regia, deq;
 cæteris quæ sunt illa inferiores, pote-

statibus facere sunt aggressi. Nec sunt veritilibris etiam editis dicere, quòd Ecclesia Catholica solum vnum caput, solù vnum dominum, tam in coelis quàm in terris agnoscit, Iesum Christum Dei filium: quæ si caput aliud sub illo capite profiteatur, biceps monstrum potius quàm Ecclesia dici debeat. An autem his verbis non tibi videntur omnem subiectionem erga legitimam potestatem ex animis hominum sustulisse? Quis negat, quin caput Ecclesiæ sit Christus? num propterea nõ erit caput Ecclesiæ Pontifex? Est Rex & dominus noster Iesus Christus: sed num propterea non erit Rex & Dominus noster Sigismundus Augustus? Est quidem ita, quòd solus Christus regit & regnat in Ecclesia, & imperium hoc solo illius verbo exercetur atq; administratur. Sed quoniam is visibili præsentia inter nos nõ habitat, vt voluntatem suam ore suo coram nobis declaret, hominum in hoc ministerium adhibet: non ad eos ius honoremque suum transferendo, sed vt suum tantùm per eos opus agat ipse, qualiter ad opus quodq; faciendum artifex vitur instrumento. Quare manet ipse nihilominus

nus caput Ecclesiæ summus illius Pontifex & pastor: regit, regnat, & imperium exercet ipse nihilominus in Ecclesia, verum opus hoc suum per Pontificem Pium V. agit, ministrum suum. Nōquod nō possit illud per seipsum sine quouis alio vel adminiculo vel organo præstare, sed hoc modo visum est illi suā erga nos dignationē declarare, dum ex hominib. sumit, qui pro se in mundo legatione fungatur, qui sit arcane suæ voluntatis interpret, qui denique personam suam repræsentet. Nec alius illi visus est firmior vnitatis retinendæ nodus, quo suam astringeret Ecclesiam, quàm si vnum aliquem illi præfecisset, cuius in ea gubernandi visibili ministerio pastor inuisibilis vteretur, cui quicquid subiectionis, honoris, obedientiæ deferretur, non tam Pio V. quàm ipsi Christo deferretur. Contrā verò, quisquis eum reijceret, non tam Pium V. quàm ipsum Christum reijceret. Sicut ad Samuelem dixisse Dominum legimus: Nonte reiecerunt, sed me, ne regnem supereos. Ex huius igitur vnus authoritate pendere voluit Ecclesiam, quod aliter nec Ecclesia, nec fides vna retineri possit.

Susci-

Suscitabo super eos pastorem vnum, ait Dominus, Et iterum: Pastor erit vnus omnium. Et in Euangelio: Erit vnus pastor, & vnū ouile. Pulchrè coniunxit vtrunq;. Nec enim esse potest vnum ouile, nisi pastor sit vnus. Quem pastorem Christum libenter agnoscimus & confitemur, verum is pascendi munus hoc in terris, per ministrum suum Pontificem exercet, de quo non dubitauit Hieronymus aliquando scribere: quòd ex eius dignitate, Salus pendeat Ecclesiæ, cui si non exors quædam, & ab omnibus eminens detur potestas, tot in Ecclesia efficientur, inquit, schismata, quot sunt sacerdotes, quod oculis ipsi nostris nunc euenisse videmus. Vocamus autem Pontificem caput Ecclesiæ, quòd cùm capitis munus proprium sit, subiecta sibi membra gubernare, per ministrum hunc suum Christus hoc facit. Nec est in scripturis inusitatum, vt capitis nomen etiam homini tribuatur. Saulo Samuelem dixisse legimus: Caput in Tribubus Israel factus es. De se quoque Dauid, Constituit me, inquit, in caput gentium. Oseas quoq; Propheta, Ponent, inquit, sibi met caput vnū. Et apud

Amos

Amos Prophetam legitur: Optimates capita populorum. Sic à paulo quoque dicitur: Omnis viri caput christus est, caput autem mulieris vir. Mulieris caput virum esse dicit paulus. An autem propterea mulieris caput christum esse negat? Absit vt hoc vnquam sensisse paulum credamus: verum hoc ille significare voluit, quod christus constituit caput mulieri virum, vt eam gubernet: non quod ipse christus eam non gubernet, sed quod per virum hoc facit, cui mulierem subiectam esse vult. Eadem prorsus ratione, cum dicimus, quod Ecclesiae caput est Pontifex, absit vt christum excludamus, qui verè caput illius existens verè gubernat eam: sed sicut mulieri virum, sic huic dilectae sponsae suae caput constituit Petrum, & eius legitimum successorem, cuius ministerio gubernaret illam. Hoc autem tum fecit, quando dixit, Petre pascue oues meas. Ipse caput, ipse gubernator est Ecclesiae, ipse pastor est & Episcopus animarum nostrarum: verum inter eos Petrum elegit, petriq; successorem, cuius in ea pascenda gubernandaque visibili ministerio pastor inuisibilis vteretur.

Hæc

Hæc est Ecclesiæ catholice sana doctrina, de capite suo, quod propriè Christum agnoscit. Sed ei nihil tamen detrahi persuasum habet, si subiectum etiam illi Romanum Pontificem, suum in terris caput esse confiteatur. Vbi locus est huic sanæ doctrinæ, videre licet, quòd omnis animæ potestatibus sublimioribus subdita est, siue Regi, quasi præcellenti: siue ducibus, tanquam ab eo missis: quia sic est voluntas Dei, à quo est omnis potestas: cui qui resistit, Dei ordinationi resistit. Vbi verò, nescio quæ, libertas carnis magis quàm spiritus prædicatur, vbi persuasum est populo, non aliud caput Ecclesiæ: non alium Dominum in terris agnoscendum esse, præter solum & vnum Dominum Iesum Christum: quanta sit ibi rerum omnium confusio, quis est qui non videat & ingemiscat? Reiectum est Ecclesiæ caput Pontifex facta est ab illo discessio: num autem Imperij caput, etiam & Regni caput alibi reiectum non est? Num & ab illis nõ est facta separatio? Attigisti tu nonnulla, quæ facta sunt in quibusdam Prusie ciuitatibus, cum primùm quod quibusdã Euangelium vocare placuit, id quod maximè pugnat

pugnat cū Euangelio Christi, cœpit in his terris peruulgari. Sed ego externa cōmemorare malo. Neq; tamē interea quicquā dicam, de seditione rusticorū cōtrā suos dominos ante 40. annos cōcitata. Ab Augusto. cōfess. sumā exordiū, quæ nōnullis à Christiana min⁹ abhorrere videtur. Annus iam agitur 38. cū illa fuit exhibitā fortissimo puri verbi propugnatori Carolo V. Imperatori: nonne statim subsecutum est fœdus quoddam Smalcaldicum? Quid aūt annis aliquot interiectis per fœdus illud factum sit, quomodo nonnulli contra suum legitimum dominum & Imperatorem arma sumpserint, recens multorum est memoria. Qui suaue Christi iugū per Pontificē Ecclesiā suā gubernantis excusserūt, an idē facere de cæsaris quoq; iugo nō ita multò post aggressi nō sūt? sicut ab ecclesiæ capite, sic ab Imperij capite se disunxerūt, qđ etiā ensē præcidere cogitarūt, ne sicut bicipitē ecclesiā, sic biceps Imperiū habere, & aliud præter Christū caput ac dominū agnoscere videretur. Sed in his quæ sunt nobis viciniora, quandoquidē cū primis odiosa sunt, præstat non immorari. Sed neq; de Scotis meminisse nūc libet, qđ post excussū Pōtificis

iugum, quam fidem erga suam Reginam ostenderint, crebris rumoribus vbiq̃ue iam est peruulgatum. In florentissimo quondam Galliarum Regno, quid factũ sit ante sex plus minus annos, quid nunc etiam fiat, quis est qui sine magno quodam animi horrore vel dicere vel audire queat? Discessum erat ab Ecclesiæ capite, discessum est eodẽ iure à Regni quoque capite. Qui sibi superintendentes creãdi potestatem arrogauerũt, idem in Rege quoque creando sibi licere voluerunt: & in superstitis Regis locum, cui iurisiurandi religione fuerant obstricti, alium elegerunt, cui Ludouici 13. nomen tribuerunt. Sicut non ita multo antè cathedram contra cathedram, sic nunc solium contra solium constituerunt, & sceptrum contra sceptrum erexerunt. Num simile quid auditur apud eos fieri, qui caput Ecclesiæ Romanum Pontificem agnoscunt, vel in Italia, vel in Lusitania, vel in Hispanijs, vel quibuscunque tandem alijs in terris, vbi nulla est ab Ecclesia Dei facta separatio? Vbi pastor vnus est, & vnum ouile, ibi Rex etiã vnus in suo quisque Regno. Princeps v-

nus est in sua quisque provincia. Quæ debetur à Deo constitutæ potestati fides atque subiectio, seruatur integra, nec de ea quicquam detrahitur: vbi verò quæ Christi Vicario debetur fides & obedientia non præstatur, non maior ibi ratio civilis Magistratus habetur: qui suam auctoritatē non retinet, vbi potestatem Ecclesiasticam euersam videmus. Sed hæc de politicis rebus dicta sufficiant. Quod autem ad religionem attinet, in ijsdem illis terris, in quibus vnum Ecclesiæ totius, in quibus & Regni cuiusque caput vnum agnoscitur, fidem etiam vnā retineri cernimus. Contrā, quā verum sit illud, quod non aliunde schismata & hæreses obortæ sunt, quā inde quòd sacerdoti Dei non obtemperatur: dum Episcopus qui vnus est, & Ecclesiæ præest, superba quorundam præsumptione contemnitur, & homo dignatione Dei honorat⁹ ab indignis hominibus iudicatur. Non iā in Cypriani libris magis legimus, quā in his locis, vbi discessum est ab obedientia Romani Pontificis, factum oculis ipsi nostris cernimus. Tot ibi sunt fides, quot voluntates. Nam & Papæ tot ibi sunt, quot hæreses.

G sium

sū magistri: qui se mutuò iam etiam ferre
 non possunt. Graues ea dere philippi Me-
 lanchtonis quærimonias legimus, quem
 cū quidam ex discipulis diris deuouif-
 set, vt pro Ethnico & publicano habere-
 tur, vt nemo pius cum ipso vel sectatori-
 bus eius familiaritatem, consuetudinem,
 amicitiam vllam haberet, in quadam ad-
 monitione ad lectorem, quam præfixit ei
 volumini, quod corpus doctrinæ Chri-
 stianæ vocari voluit, his verbis vtitur:
 Cum isto mirabilium hominum genere
 (Matthiam Flaccum intelligit, & Nico-
 laum Gallum) agi nihil potest, qui suo
 arbitrio damnant quidlibet. Cogunt cō-
 cilia, quando, & vbi ipsis placet, & ven-
 dicant sibi maiorem magisque intollera-
 bilem, & minus excusabilem authorita-
 tem ac potestatem, quàm Papa Romanus
 vnquam: quæ quorsum tandem euasura
 videantur, cogitetur. In præfatione ve-
 rò quæ præcessit admonitionem hanc, in
 Anarchiam quandam euasisse dicit. Huic
 philippi quærimoniæ pluribus verbis re-
 spondens Nicolaus Gallus, Nouos, in-
 quit, Papas nos criminantur, sed certò
 persuasum habeant, quòd magis id in il-
 los

los quadrat. Ac multis rationibus ostendere conatur, quòd Philippus potius pro Papa se gerat quàm ipsi. Vides quorsum res redijt, abiecto suau Christi iugo, per vnum Pontificem Romanum Ecclesiam suam gubernantis, pro vno multo Papæ nati sunt, & illud euenit, quod in libro Indicum legimus: In diebus illis, non erat Rex in Israël, sed vnusquisque quod sibi rectum videbatur hoc faciebat: Quod sibi rectum videtur, hoc facit, hoc scribit, hoc docet quisque. Flaccus ex Ecclesia sua Philippum eiecit, vicissim è sua Flaccum Philippus exturbat: quem adeo pertæsum iam fuisse tot sectarum, tot Paparum constat, vt vir quidam dignus fide dixerit, ex ore se illius audiuille, modò congregaretur aliquando Concilium, se profecturum ad illud, & quicquid Spiritu sancto & patribus in eo congregatis visum esset, in eo libenter acquieturum. Sat scio, mi Fabiane, si quando versatus inter eos fueris, qui suauē CHRISTI iugum, per Pontificem Romanum Ecclesiam suam gubernantis, excusserunt.

G. 2. sum-

summi p[ro]p[ri]i loco tibi ab illis obijcietur, quòd sis Papista. Tu verò caue quicquam eiusmodi sicut illis videtur cōuicio mouearis: quin potius cum primis id tibi gloriosum fore puta, si Papista vocatus fueris. Quid enim aliud est esse Papistam, quàm Christianum esse? Siquidem qui Christi Vicarium agnoscit, & ei se dicto præbet audientem, is demum & non alius verè Christianus dici meretur. Quorsum autem res recidit per Deum immortalem? Virtus probro ducitur, scelèri virtutis nomen tribuitur. Si quem conuicio maximo volunt affectum, Papistam vocant. Quasi verò flagitium hoc sit, quam debes fidem & subiectionem à Deo constitutæ potestati præstare. Videmus autem, quòd quibus in locis infame visum est Papistæ nomen, iisdem Cæsaristas & Registas appellari, paulò pòst non minùs ignominiosum iudicabatur: neque plus ciuili, siue vt nonnulli vocant, seculari, quàm Ecclesiasticæ potestati subiectionis præstabatur. Tu verò si quis te Papistam vocauerit, non modò molestè ne feras, verùm te magno potius affectum honore interpretatus age gratias, quòd integre

tegrè
gitin
dede
Reg
con
Quò
quea
Jeh
fulis
Goe
vnn
mich
rist/
Deb
limi
facer
ampl
la tib
vel à
quor
rū al
appe
maio
neri
la. P
tine

tegrè conseruata fidei, subiectionisq; legitima potestati tuæ, tibi testimonium dederit, & non modò Papistam, verum & Registam, & si fueris è ciuium numero, consulistam esse te clara voce pronuncia. Quò meliùs autem ab omnibus intelligi queas, etiam vernacula lingua dicito: *Ich bin ein Christ/ein Papst/ein Consulst/aller meiner Oberkeit/der mich Gott vnderworffen hat/will ich treuw vnd gehorsam leisten/Aber da behüt mich Gott für/das ich soll ein Lutherist/ein Calvinist/ein Sathanist sein.* Debitam fidem & subiectionē erga sublimiorem potestatem testatam omnibus facere cum primis id ad laudem & gloriā, amplū & illustre tibi fore iudicato, nec vlla tibi res maiori sit abominationi, quam vel à Luthero vel à Caluino, vel ab alio quopiam eiusdē farinae nomē ducere, & eorū alicuius verbū, Dei verbi & Euangelij appellatione dignari, cū nulla possit esse maior quàm hæc idololatria. Memineris eius quod scriptum est; Fugite Idola. Politicis in rebus ciuili: quæ verò pertinent ad religionem, in his Ecclesiastico

F ein regist.


Magistratui pareto, & infixaperpetuò
sint in pectore tuo aurea illa Augusti-
ni verba; In cathedra vnitatis posuit
Deus doctrinam veritatis. Cathedram
autem vnitatis non aliam esse certò per-
suasum habeto, quàm eam, in qua nunc
sedet Pius V. Romanus Pontifex: cui
qui adhærent, vides ipse quàm sit inter
eos admirabilis fidei dogmatum con-
sensio, quomodo multitudinis creden-
tium est cor vnum, & anima vna, fa-
cile vt agnoscere liceat, qualis fuit an-
te turrim Babel ædificatam, terram v-
nius labij & sermonum eorundem.
Qui verò deseruerunt cathedram hanc
vnitatis, in quas sectas mirabiliter in-
ter se disiectas, quàm sint miserandum
in modum disiecti, quamuis & hoc o-
culis ipse tuis videris, cùm inter eos
versareris: tamen hæc quoque tabula,
quam cùm per ocium licuerit legen-
dam tibi trado, te docebit. Huic igi-
tur vnitatis cathedræ semper adhære-
bis, sicut olim Damasum Papam Hie-
ronymus, ita nunc tu Pium Quintum
nihilò sanctitate illo inferiorem allo-
quens dices: Beatitudini tuæ, id est,
Ca-

Cathedræ Petri communione confiteor, super illam Petram ædificatam Ecclesiam esse scio. Quicumque autem extra domum hanc agnum comederit, profanus est. Et quod idem scripsit ad eundem: Non noui Vitalem, Meletium respuo, Paulinum ignoro. Quicumque tecum non colligit, spargit: qui CHRISTI non est, Antichristi est, hoc tu commutatis nominibus ita profer, Non noui Lutherum, Osiandrum respuo, Calvinum ignoro. Quicumque tecum non colligit, spargit: Qui CHRISTI non est, Antichristi est. Vides autem quomodo vir ille sanctissimus iuxta hæc doctissimus, quicumque cum Petri successore Papa non colligeret, eum non ad CHRISTVM, sed ad Antichristum pertinere dicit. Sathanistam liberè pronunciat, qui non vult esse Papista. Quamobrem caue, CHRISTVM alium agnoscas, quàm qui natus est in Bethleem, illius Euangelium, tanquam ipsissimum Dei verbum amplectere & osculare, Eislebiensem

104 FRIDER. BARSE. ORAT.

autem Antichristum , qui suum ver-
bum , Dei verbum appellare , suoque
Euangelio nomen Euangelij tribuere
veritus non est , haud aliter atque vi-
peram & basiliscum , remis , quod a-
iunt , velisque fugito : sic futurum est ,
vt cum firmiter adhæseris Cathe-
dræ vnitatis , nunquam te
deserat lux ve-
ritatis.

R E

R

in q
rem
hon
cle
re,
per
tal
inst
cū
iam
hæc
uer
niu
fici
non
cui
id fa

REVOCATIO

QUARTA.



QUOD vobis promiserim
proximis superiorib. men-
sibus, memoria teneo. Sed
incidi nuper in quandam
epistolam Augustini, quā
ille scripsit ad Ianuarium,
in qua de Sacramentis, duque ritibus & ce-
remonijs tractans ita loquitur: Si quid
horum tota die per orbem frequentat Ec-
clesia, hoc quin ita faciendum sit, disputa-
re, insolentissimæ insanix est: *requidem*
perculsus fui, cum hæc legirem. Nam cum
tale sit hoc, de quo sermo nobis nunc est
institutus, tremendum Missæ sacrificiū:
cum, quā late patet orbis Christianus,
iam inde ab Apostolorum temporibus ad
hæc vsque nostra semper illud frequenta-
uerit, ac nunc etiam frequentat ecclesia v-
niuersa, quam etiam ob causam iuge sacri-
ficiū à Daniele vocatur, non potui
non metuere, ne me quis insolentissimæ
cuiusdam argueret insanix, qui num-
id faciendum sit, de eo disputare nunc ag-

gredior. Nam etsi nihile a de re diuina scripturæ præscriberet authoritas, quam nobis minimè deesse suo loco docebimus, tamen vel hoc solo nomine, quod ab orbe toto Christiano, totis 1500. annis receptum, & in omnibus Ecclesijs perpetuo frequentatum est: ab homine sobrio qui vel micam sanæ mentis haberet, id in disceptationem vocari minimè deberet. cum verè dictum sit ab eodem Augustino, quamuis huius rei è scripturis Canonicis non proferatur exemplum, earundem tamen scripturarum etiam in hac re à nobis tenetur veritas, cum hoc facimus quod vniuersæ iam placuit Ecclesiæ, quam ipsarum scripturarum commendat authoritas, vt quoniam scriptura fallere non potest, quisquis falli metuit huius obscuritate quæstionis, eandem Ecclesiam consulat, quam sine vlla ambiguitate sacra scriptura demonstrat. Fateor quod cum hæc Augustini verba legissem, & quod scripsit alius quidam qui præcessit eum: Traditio est, nihil quæras amplius: non parum ab instituto meo fui retardatus. Quoniam

ve-

verò promissi reus teneor, fidem ut me-
am liberem necesse est. Quamobrem
quando nos huc adigunt insanæ, insa-
ni quidam homines, qui in medio &
perpicio die commentitium lumen in-
quirere conantur, nec nisi quod ipsi sen-
tiunt rectum esse quicquam putant: li-
ceat mihi quæso per vos, una cum illis
insanis insanire paululum, liceat cum
Paulo dicere: Sufferte nos insipientes,
cum sitis ipsi sapientes: ac gravissima
de re differentibus benignas nobis au-
res præbete. Priusquam autem ad rem
aggrediar, paucis vos admonendos esse
putavi, quod Sathanas non ferè sua for-
ma prodit, neque statim quod vulgò
dici solet, ostendit cornua, sed ad il-
laqueandos homines semper abutitur
integumento. Nam si qualis est illicò
se talem exhiberet, quis aspectum eius
non exhorresceret? quis congressum
non expauesceret? quis non vel maxi-
mè refugeret? Itaque transfigurat se in
Angelum lucis, contra Christum, por-
tat signum Christi: contra legem, arma
sumit ex lege: ex Evangelio pugnans,
Evangelium impugnat, & in sui perni-
ciem

ciem de veris mendacia fingit. vt non temerè describens hæreticū dixerit Ambrosius: Hæreticus est, qui per verba legis legem impugnat. Nam proprium sensum verbis astringit legis, vt suæ mentis prauitatem legis autoritate commendet. Sciens enim impietas, multum autoritatem valere, fallaciam sub eius nomine componit, vt quia res mala per semetipsam acceptabilis esse non potest, bono nominis commendetur. Legem Ambrosius vocat scripturam. Nunc quemadmodum legem per verba legis, hoc est scripturam, siue Dei verbum, per verba scripturæ Sathanas impugnet, audiat. Primum autem legem Christi proferemus, Hoc facite, inquit, in meam commemorationem. Nouum Pascha Christus instituit in coena nouissima, de quo dicit Paulus: Pascha nostrū immolatus est Christus. Pascha vetus, fuit agnus, qui prius immolabatur, postea manducabatur. Pascha nouum Christus fuit, qui manducaturus illud cum suis discipulis, prius immolauit sub speciebus panis & vini, deinde manducandum illis tradidit: & quod ipse fecit, vt similiter illi quoque facerent, hoc est, vt prius corpus & sanguis

guinem ipsius offerrent, ac ipsi quoque sumerent, deinde sumere volentibus distribuerent, præcepit. Audiatis igitur, quomodo legem hanc ab Christo ipsa latam, Sathanas per verba legis oppugnat, & ex veris mendacia fingit. Conatur ostendere, quod Missa Christi crucem & passionem obruit & opprimit. Hæc enim sunt illius verba: constat, inquit, ex scripturis, quod Christus in cruce semetipsum sacrificium obtulit, quo nos in perpetuum sanctificaret, & æternam redemptionem nobis quæreret. Quamobrem haud dubie vis atque efficacia huius sacrificij nullo fine perstat: alioqui nihilo honorificentius de Christo sentiremus, quàm de bobus & vitulis, qui sub lege immolabantur, quorum oblationes ex eo inefficaces arguuntur & imbecilles, quod sæpius iterabatur. Quare aut Christi sacrificio quod in cruce implevit, purgationis æternæ vim defuisse fatendum erit: aut vno semel sacrificio Christum in omnia sæcula defunctum esse. Id est quod dicit Apostolus. Summum hunc Pontificem Christum, per immolationem sui apparuisse sub consummatione sæculi ad peccati profligationem. Itē.

volūtatē Dei nos sanctificatos per oblationem Iesu Christi, Semel item Christum vana oblatione in perpetuū consumasse sanctificatos. Quibus insignem sententiam subnectit: acquisita semel peccatorum remissione, nullam amplius restare oblationem. Hoc & postrema sua voce, & inter ultimos spiritus ædita Christus significauit, cum dixit: consummatū est. Solemus extremas morientū voces per oraculis obseruare. Christus moriens testatur, vno suo sacrificio perfectum esse & impletū, quicquid in salutem nostram erat: nos huiusmodi sacrificio, cuius perfectionem luculenter adeo commendauit, quasi imperfecto, innumera quotidie assuimus, quando sacrosanctū Dei verbum, non affirmat modò sed clamat etiā & contestatur, hoc sacrificium semel peractū fuisse, eius vim æternā permanere. Qui aliud postulant, non ne ipsam imperfectionis insimulant & infirmitatis? His ergo verborum fucis, quin deceptus aliquando fuerim, dissiteri non possum. Sed sicut priorem illam, ita & hanc aranearum esse telam postea cognoui, quæ me tenebat irretitum, quādiu mulca sui. Nunc Deo gratias ago, cuius

in-

ingens hoc beneficium agnosco, quòd in
 hos Reuerendos Patres incidi, quorum
 cura, diligentia, labore, perfectum est, vt
 esse Musca desinerem, & hoc genus telæ
 non ita magno negotio perrumperē. Vi-
 distis aut Sathanā in Angelū lucis se trans-
 figurantem, quādo tam piē concionatur
 de vi, efficacia, & perfectione sacrificij,
 quo se Christus in ara crucis Deo patri
 pro nobis obtulit in odorē suauitatis. Au-
 diuistis quemadmodum ex lege sumit ar-
 ma contra legem, & ex veris mēdacia fin-
 git. Quæ profert ex Paulo verba legis,
 quid potest illis esse verius? quod autem
 ex illis colligere conatur, quod potest
 magis crassum esse mendacium? De sacri-
 ficio quod in cruce Christus peregit, ni-
 hiltā dici magnificè potest, quin multò
 virtutem illius excellentiorem esse profi-
 teamur, quā vt eius præstantiam vlla
 verborum vis explicare satis queat. Libet
 autem hac de re cuiusdam S. Monachi
 verba recitare, qui vixit eo sæculo, quo
 volunt isti lucem Euangelij prorsus ex-
 tinctam fuisse. CHRISTVS, inquit,
 pro salute mundi, semel factus est ho-
 stia salutaris, rei reconciliatio generalis,
 omni-

omnibus sacramentis tam præcedentibus, quam subsequenter virtutem dedit & efficaciam, ut tanta & tali hostia sanctificarentur omnes liberandi per illam. Vnde legitur, quia agnus occisus est ab initio sæculi, ijs videlicet, qui fuerunt ab initio, ut per hoc quod dicitur Ab initio, determines non tēpus occisionis, sed salutis. Prius enim mors eius, p̄fuit, quam fuit: prius p̄missio & deinde exhibitio: Ab initio sæculi occisus est. Hactenus ille S. Monachus, cuius tam piā doctrinam cum Pauli doctrina sanctorumque Patrum interpretatione pulchrè consentientē, libenter amplectimur. Nihil enim ab eo prætermisum est, quod ad vim, efficaciam, & perfectionem illius oblationis vnica, qua Paulus consummatos esse dicit omnes qui sanctificati sunt in æternum, illustrandā pertinere videretur. Prius etiam eam profuisse dicit quam fuisse, neq; tum primum cū esset exhibitā, verum etiam ante multa sæcula, cū adhuc esset in mente diuinæ præscientiæ præuisa, reconciliasse sanctificasseque quotquot reconciliati sunt vnquam & sanctificati. Quam etiam ob causam nihil dubitauit Augustinus, eodē

ex

ex Apocalypsi loco producto, quòd agnus occisus est à mundi constitutione: sanctis omnibus, Patriarchis, & Prophetis, qui Christum præcesserunt, Christianorum nomen tribuere, quòd indubitanter crediderint agni illius immaculati, qui pro totius mundi peccatis occidendus, & iam in præsentia patris occisus erat, præcioso Christi sanguine se redimendos, reconciliandos, & sanctificandos esse. Sic ab initio genus fuisse christianorum docet. Vides igitur quisquis es, qui tibi tam prudens in oculis tuis esse videris, vt omnes alios præ te stupidos, bardos, truncos, & adeò cæcos esse persuasum habeas, vt nihil in scripturis videant, quòd de verbis legis quæ profers ex Paulo de vi, efficacia, & perfectione oblationis, quæ Christus vnica consumauit in æternum sanctificatos, nulla sit prorsus nobis vobiscum disceptatio: nec illi quicquam à vobis tribui tantum potest, quin plus etiam vltro concedamus. Nam prius etiam illam profuisse dicimus, quàm fuisse: nec sequentibus modò, verùm & præcedentibus oblationem hanc sacramentis & sacrificijs virtutem & efficaciam dedisse,

H

disse,

disse, nullus ut vnquam ab origine mundi reconciliatus, iustificatus, & sanctificatus fuerit, aut reconciliari, iustificari & sanctificari deinceps etiam possit, nisi per vnā hanc oblationem, extra cuius fidem nulla potest esse sanctificatio, nulla salus. Itaq; nihil est eo verius, quod à Paulo scriptum est: quòd semel oblatus est ad exhaurienda multorum peccata, quòd vna oblatione consumauit in æternum sanctificatos. Nam nec fuit, nec est, nec erit vnquam oblatio, qua sint exhausta peccata, vel deinceps etiam exhauriantur, qua fuerint homines sanctificati, vel deinceps etiam sanctificabuntur, præter vnā illam in ara crucis factam, quæ tam accepta Deo fuit, ut propria sua virtute ac meritò sanctificet quotquot Deo reconciliantur, & reconciliandò sanctificantur. Sed quā vera sunt Pauli verba, tam falsum est quod ex illis colligere conaris, quando quidem per illud sacrificium crucis consumauit in æternum sanctificatos, non debere quotidianum illud sacrificium in Ecclesia frequentari: quòd CHRISTI crucem & passionem obruat & opprimat, & eam imperfe-

ctio-
tum
lūm
præ
ficij
Qua
nem
hibi
prop
rum
pecc
sang
ius v
sacr
latio
bant
exhi
hoc
tat v
fit ob
vtro
sacer
nō ef
caro
lama
ctæ r
quæc

tionis & imbecillitatis insimulet. Certum est, quod hæc oblatio crucis, non solum quæ subsecuta sunt, verumetiam quæ præcesserunt illam, Sacramentis & sacrificijs omnib. virtutem dedit & efficaciam. Quæ, si non sublata sunt per hæc oblationem crucis, præuisam, priusquam esset exhibita, quin etiam grata Deo fuerunt, non propter sanguinem hircorum aut vitulorum, cuius nulla fuit vis ad remissionem peccatorum impetrandam, sed propter sanguinem in ara crucis fundendum, cuius umbra quædam & figura fuerunt illa sacrificia, nec aliò quàm ad vnâ hanc oblationem de qua loquitur Paulus, referebantur: certè multò minus tolli debet per exhibitam oblationem hanc, quotidianum hoc sacrificium, quod Ecclesia frequenter vniuersa, cum in altari nostro non alia sit oblatio, quàm quæ fuit in cruce, idem vtrobiq; sit sacrificium, idem vtrobiq; sit sacerdos Christus, etiâ si modus offerendi non est idem. Nam in ara crucis mactabatur caro, fudebatur sanguis: in ara nostra, nulla mactatio, nulla sanguinis effusio, sed factæ mactationis, & pusi sanguinis, grata quædâ côm memoratio fit, & repræsentatio.

Proponit quæstionem hanc Theodoretus, Epistolam ad Hebræos enarrans, qui vixit ante 1200. plus minus annos. Si & sacerdotium quod est ex lege finem accepit, & sacerdos qui est secundum ordinē Melchisedech obtulit sacrificium, & effecit vt alia sacrificia non essent necessaria, cur noui testamenti sacerdotes mysticam lyturgiam siue sacrificium peragunt? Cui mox ita respondet : Clarum est his qui sunt in rebus diuinis eruditi, nos non aliud sacrificium offerre, sed illius vnus & salutaris memoriam peragere. Hoc enim nobis præcepit Dominus, Hoc facite in meam commemorationem, vt per figurarum contemplationem earum quæ pro nobis susceptæ sunt passionum recordermur, vt in benefactorem beneuolentiam conseruemus, & futurorum bonorum perceptionem expectemus. Idem responsum dedit aliquantò antè Ioannes quoq; Chrysostomus, & posterioribus sæculis Haymo, Theophylactus, & qui sunt eos cōsecuti. Est autem hoc obruere crucem & passionem Christi, si fiat quod à quodam S. Patre scriptum est, vt iugiter colatur per mysterium quod semel offereba-

tur

tur in precium: & quia quotidiana & indefessa currit pro salute hominum redemptione, perpetua sit etiam redemptionis oblatio: & perennis illa victima iuuat in memoria, & semper præsens adsit gratia. Oblatio nostra non est noua redemptio, qualis fuit in cruce, sed est factæ per crucem redemptionis oblatio quædam & commemoratio. Sed obsecro vos, diligentius vobiscum expendite, cuiusmodi sit hæc ratiocinatio: Obtulit se Christus in cruce, non igitur offeramus nos. An ad eundem modum ratiocinari non licebit? Oravit Christus pro nobis, & fuit eius orationis tanta vis & efficacia, nihil ut eorû non obtinuerit, quæcunque nobis necessaria sunt ad salutem, exauditus enim est pro sua reuerentia: nos ergo non oremus, ne videamur orationem eius imperfectionis arguere. Ieiunauit Christus, nos non ieiunemus. Tulit crucem suam Christus, nos igitur non feramus nostram, ne crucem illius obruere, opprimere, & imperfectionis arguere videamur. Fuit bonus & sanctus Christus, non simus ergo nos neque boni neque sancti: ne similiter existimet aliquis, nos illius bonitatem & san-

citatem opprimere, & infirmitatis infirmulare velle. Num autem tale quid Architectus nostri temporis hæreseôn docere non videtur? Nam si quem arrodit propter peccatum conscientia, sic eum respondere iubet: Quid peccatum, peccatum, atamen ego sanctus sum. Si ego probus nō sum, Christus tamen probus est. Sic isti belli homines licere sibi iam putāt, vt extremè sint improbi, quandoquidem Christus non tam probus, quàm ipsa probitas est. Sicuti illius oblationem in cruce, sic illius orationē, illius ieiunium, illius probitatem & sanctitatem ad salutem sibi sufficere putant, nec aliud maiore studio cauent, quàm ne vel micam quidem probitatis in se habere videantur, ne sic perfectioni probitatis, quæ est in Christo, detrahere velle iudicentur: quàm etiam ob causam nolunt, vt quisquam in hærenti sibi, quam à Deo accepit, sed ea tantum, quæ est in CHRISTO iustitia, sibi quæ imputetur, iustus esse censeatur, etiamsi ne micam quidem in se probitatis habeat. An hæc vobis non portentosa videntur? quæ non aliunde quàm ex fidei solius prædicatione proficiscuntur. At non

ita

ita nos Christus, non ita nos eius Apostoli docuerunt, Orare, ieiunare, crucem nostrā ferre Christus nos iussit, & qui princeps fuit Apostolorum, Christus, inquit, passus est pro nobis, relinquens vobis exemplum, vt sequamini vestigia eius: Christo passo in carne, & vos eadē cogitatione armemini. Paulus verò cū Dei filios & hæredes, cohæredes autem christi nos factos esse docuisset, mox addidit: Si tamen compatiatur vt & cōglorificemur. Et alio loco: Si commortui fuerimus, & conuiuemus: si sustinuerimus, & conregnabimus. Compati nos ille, commorari, sustinere vult, si conglorificari, si conuiuere, si conregnare volumus. Sicut autem compatimur, vt passionis illius ac deinceps gloriæ participes reddamur: sic & offerimus, vt oblationis illius in cruce participes efficiamur, & quem illa toti mundo fructum attulit, eum in nos transferamus. Nullus igitur est, qui non libenter confiteatur, quòd CHRISTVS vna crucis oblatione consumauit in æternum sanctificatos omnes. Gustauit enim mortem pro omnibus, factus est saluator omnium, & maxime fide-

lium, factus est propiciatio pro peccatis nostris: non pro nostris autem tantum, verum etiam pro totius mundi. Num autem propterea sanctificati sunt, aut sanctificantur omnes? Præclare Ioannes Chrysostomus, Ipse quidem, inquit, Christus pro omnibus est mortuus, non pro fidelibus tantum, sed & pro mundo vniuerso, quid autem si non omnes credunt? ille quod suum erat impleuit. Quantum igitur ad vim, efficaciam, & perfectionem illius oblationis attinet, certum est quod nihil ei defuit. Fuit illa plus quam sufficiens ad reconciliandos & sanctificandos omnes, verum si non omnes, non solum infideles, verum etiam ex eorum numero qui continentur se nosse Deum, sed factis abnegant, fructum ex ea capiunt, ipsorum culpa fit, non quod illi sacrificio crucis, purificationis æternæ vis, defuerit. Rectè dictum est ab illo S. Monacho, quod Christus pro salute mundi semel factus est hostia salutaris, rei reconciliatio generalis. Generalis, inquit ille, reconciliatio rei, hoc est, vniuscuiusque peccatoris fuit illa salutaris hostia, qua se ipsum in ara crucis Christus pro nobis obtulit. Sed ea sic se habet
ad

ad sanctificandos omnes, sicut se lux habet ad illuminandos omnes. Luci quidem nihil deest, quod ad illustrandos omnes pertinere videatur, cæterum si quis mauult in tenebris & vmbra sedere, si neque foras in aerem prodire, neque fenestras per quas lux ingredi queat velit aperire, iam non lucis, verum ipsius vicio fit, quod non illuminatur. Sic igitur dicit Paulus, Christum vna oblatione consumasse in æternum sanctificatos: Sicut si quis diceret, Deum vna illustratione mundum in æternum illustrauisse, quod reuera facit, cum solem quasi sempiternum lumen accendit, cuius tamen luminis non statim fiunt omnes participes. Monet alio loco Paulus, vt emundemus nos ob omni inquinamento carnis & spiritus, perficientes sanctificationem in timore Dei. Et alius Apostolus: Omnis, inquit, qui habet hanc spem, in eo sanctificat se, sicut & ille sanctus est. Num autem Christi sanguis non emundauit nos ab omni delicto? Præcipit nihilominus Paulus, vt & nos emundemus nos. Et alio loco dicit. Si quis ergo se mundauerit ab istis, erit vas in honorem sanctificatum. An vna Christus oblatione non

consumauit in æternū sanctificatos? & tamen Paulus monet, vt sanctificationem ipsi perficiamus. Et alius Apostolus dicit: Sanctificet se, sicut & ille sanctus est. Quasi non consumauerit sanctificatos Christus? Quin etiam vno & eodem loco dicit Paulus: Deus erat in Christo mundum reconcilians sibi, non reputans illis delicta ipsorum, & posuit in nobis verbum reconciliationis. Obsecramus pro Christo, reconciliamini Deo. Dixerat paulò antè, quòd sibi nos Deus per mortem filij sui reconciliauerit, obsecrat nihilominus Corinthios, vt reconcilientur Deo. Quorsum autem attinet reconciliari, semel iam reconciliatos, & sanctificari semel iam sanctificatos? An illi reconciliationi & sanctificationi, qua per vnā crucis oblationem consumauit omnes, parum fidebat Paulus? an illam, sicut isti loquuntur, imperfectionis & infirmitatis insimulabat? Absit, quin fidebat ille plurimum, sicut & nos omnem spem & fiduciam nostram, non alia magis in re, quàm in vnica oblatione illa positam atque defixam habemus, qua Christus Deo mundum reconciliauit, & consumauit in æternum

ternum sanctificatos. Cæterum intel-
legebat ille spiritu Dei plenus, à nobis eti-
am aliquid adferri oportere, quò fru-
ctum illius oblationis consequi posse-
mus. Nec enim sine causa dixit alio loco,
Dei adiutores sumus. Non quòd ille sit
imbecillior, quàm vt per se nos absque vl-
lo adminiculo reconciliare & sanctifica-
re queat, cum rectè dixerit Propheta,
Qui adiuuit spiritum Domini, sed quòd
cooperarios suos nos esse voluit, & mini-
stros. Si fructum aliquem ex illius ob-
latione, generali quæ reconciliatione ca-
pere volumus, simul vt patiamur, simul
vt offeramus cum illo. Verùm hic alia
proferuntur verba legis. Vbi est peccato-
rum remissio, iam non est oblatio pro pec-
cato. Nihil est his verbis legis verius, ni-
hil est eo sensu, quem ex illis elicere cona-
ris, magis falsum. Iam enim audiuiſtis,
quòd vna illa oblatione consumauit Chri-
stus in æternum sanctificatos, remissio-
ne peccatorum illis obtenta: nihilomi-
nus monet Paulus, vt reconciliemur
Deo, vt perficiamus sanctificationem no-
stram. Generalis illa fuit oblatio, genera-
lis reconciliatio & sanctificatio nostra,
nec

nec alia deinceps generalis vlla requir-
cur: sed si volumus fructum illius ad nos
redundare, speciali quoque nobis opus
est oblatione, quò nostram illam facere
possimus, & vim atq, efficaciam illius nobis
applicare. Quod exéplo planū faciemus:
Illustratus est semel mūdus generali qua-
dam illustratione, quam obré nulla tali de-
inceps nobis opus est: non opus est alio so-
le, alia luna, alijs stellis, verū tamen interea
necesse est quotidie singulas aeris illustra-
tiones interuenire, si terra singulis est di-
ebus illustranda. Tale quid de altaris ob-
latione nobis imaginari licet. Certum
est, quòd iam non relinquitur nobis alia
pro peccatis hostia, non alia crux, non a-
lia passio, non alia mors, non alia sangui-
nis profusio, per quam reconciliari Deo
& sanctificari nos oporteat, quando qui-
dem illius semel in cruce mactatæ hostiæ
oblatio, non minus hodie in conspectu
patris efficax est, quàm eo die quo de sa-
ciolateris sanguis & aqua exiuit, & reser-
uatæ in corpore plagæ semper humanæ
salutis precium exigunt, & obedientiæ
donatium requirunt. Sed si volumus, vt
ea nostra quoque propria sit, & vt obla-
tio-

tionis illius fructum cōsequamur, necesse est, vt illam ipsam, & non aliam hostiā, hoc est, redemptionem, sanctificationem reconciliationem, quam illa nobis attulit, offeramus Deo patri, simul supplices precemur, vt illius contemplatione placatus & propitius esse nobis velit: Quò magis aut̃ intelligi possit, quale sit hoc sacrificiū, de quo sermo nobis nunc est, admonēdos vos esse duxi, quatuor in scripturis oblationū genera reperiri. Fuerunt enim quæ dā ante legē, & sub lege, quæ vocat Apostolus vmbra & figurā, quòd illud in cruce pro nobis immolandum sacrificiū adumbrabant & præfigurabāt. Ac habuerunt illa quoq; reconciliandi vim & sanctificandi, verū non ex propria sua, sed ex illius oblationis in cruce faciendæ virtute, ad quam referebantur: à qua vim sanctificandi mutuabantur, vt illius hostiæ futuræ meritò sanctificarētur, quotquot erant sanctificati. Cæterū adueniente veritate, cesserunt figuræ: adueniente luce, celsit vmbra. Quorsum enim attinebat, vt præfiguraretur & adumbraretur amplius, quod iam exhibitum est omnibus & reuelatum. Nam quod veterum victimæ

& sacrificia promittebant, id vna crucis oblatione perfecit Christus & consumauit. Promittebant autem futurum, vt Dei filius in assumpta carne genus humanum redimeret, Deoque patri per mortem suam reconciliaret, id impletum est in cruce. Quam etiam ob causam exhalaturus animam dixit Christus, Consumatum est. Sublatæ sunt igitur vmbra, sublatae sunt figurae, posteaquam quod adumbrabatur & præfigurabatur perfectum est. Sed num ideo tanti beneficii iam re ipsa nobis præstiti memoria debuit intermitteri? Hoc verò cum illa pugnaret Euangelij voce: Hoc facite in meam commemorationem. Oblationis illius in cruce factæ memoriam hoc quotidiano sacrificio, sacerdos ille secundum ordinem Melchisedech CHRISTVS, in Ecclesia sua perpetuo celebrari præcepit, neque vquam ante sæculi consumationem intermitteri. Succedere voluit hoc omnibus illis veteris testamenti sacrificijs, quæ immolabantur in vmbra futuri, Cuius enim futuræ victimæ Prophetiam suis victimis Hebræi celebrant, eius peracti sacrificij memoriam nos christiani celebrab-

bramus. Sacrificij nostri caro & sanguis, ante Christi aduentum per victimarum similitudinem promittebatur: in passione CHRISTI per ipsam veritatem reddebatur, qua perfecta per memoriz sacramentum celebratur. In veteritamento fuit umbra, figura, similitudo, in cruce veritas. Nam ibi verè mactata fuit caro Christi, verè sanguis illius profusus: in hoc nostro quotidiano sacrificio, memoria. Non quòd in ipso quoque non sit veritas & præsentia carnis, quam pro nobis Christus obtulit in cruce, sed quòd passionis in ea veritas & præsentia non est, verum imago quædam commemoratio & repræsentatio. Iam enim passio præterijt, nec vnquam deinceps amplius iterabitur, cum illa quæ præterijt perpetua virtute consistat, neque minus Deo sit acceptabilis, nec minus efficax in illius conspectu hodie, quàm quo die caro pendentis in cruce mactata, quo die sanguis de faucio latere profusus est. Et sicut illa Iudeorum non propterea non fuerunt vera sacrificia, quòd simulachra quædam erant veri sacrificij, quod erat in cruce per-

peragendum, sic & hoc nostrum, nō propterea non est verum sacrificium, quòd simulachrum est eiusdem illius veri sacrificij iam peracti. Nisi quis fortè sic insaniat, vt magis ad rationem sacrificij pertinere putet, quod rem faciendam signat, quàm quod iam factam commemorat. Certè sicut cœna nostra, non esset commemoratio cœnæ Dominicæ, imagoque illius & exemplar, nisi verè manducaremus: ita nec Eucharistia nostra, verum exemplar & imago foret sacrificij, quod in cruce christus obtulit, nisi verè sacrifici caremus. Habemus itaque iam tria genera sacrificiorū, vmbra, veritatem, & memoriam. Superest quartum adhuc, quo christus fungitur ingressus in cœlum, vt appareat vultui Dei pro nobis, vbi nostrum agit aduocatum & propiciatorē, & sedens ad dexteram patris interpellat pro nobis, patrique suo cœlesti cicatrices offert vulnere suorum, quæ pro peccatis nostris in corpore suo pertulit. Et est hoc idem sacrificium prorsus cum eo quod offertur in altari, idem vtrobique sacerdos, eadem victima, idem offerendi modus, nimirum incruentus. Nisi quòd

in

in cœlo, per seipsum: in altari, per ministrum. Vtrobique corporis quod offertur veritas: verum hic palliata, in cœlo manifestata. Hic in imagine Christus offertur, hoc est, sub panis speciebus & vini, ibi palàm absque vllis integumentis omnibus conspicabilis. An autem & hanc non tollunt oblationem? An autem aduocatum & sacerdotem nostrum, qui sedēs ad dexteram patris pro nobis interpellat, de cœlo non deturbant? qui tantopere contendunt, post illam in cruce factam nullam oblationem pro peccato superesse. Iam igitur habetis quatuor oblationum genera. Cæterum de qua nunc agimus, eam nemo descripsit melius, quàm qui dixit: Passio Christi est sacrificium quod offerimus. Quam etiam ob causam Hermanus Patriarcha Constantinopolitanus, Agnoscite, inquit, oēs sacerdotes qui sacro altari assistitis, & incruentam victimam sacrificatis, quod viuas Christi passiones annunciat. Viuas vocat, tanquam ad viuum veluti coloribus quibusdam expressis, non autem verbis tantum annunciat. Nullam itaque nouam hostiam, nullum nouum sacrificium offerimus,

mus, verum quod in cruce peractum est, id sub oculos astantium subiicimus, vt eorum erga tam beneficium redemptionem affectum excitemus, & patri coelesti, redemptionis nostrae precium repraesentemus, vt illius admonitus peccatis nostris propitius esse velit. Quam etiam ob rem à viro quodam pio & docto scriptum legimus, Missam dici legationem, quia in eius officio nobis legatio repraesentatur, qua pro humano genere patris legatione fungebatur. Porro legatio non erat aliud quam crux illius & passio, ad hoc enim à patre missus erat. Dicitur etiam legatio Missa, quia sacerdos in ea pro Ecclesia legatione fungitur, quæ Christi corpus est, qua tamen ita fungitur, vt capitis quoque Christi legatum agat, quem etiam quibus induitur vestibus repraesentat, vt passionem illius & habitum, & gestum, & actionem, & quibuscunque potest signis exterius, non auribus modò, verum & oculis assistentium ingerat, & sic mentibus eorum imprimat, vt haud aliter afficiantur, quam si nunc in cruce pendentem & morientem Christum aspiceret. Amictus, significat velum quo

quo
alap
stem
pulu
tus:
bus
quan
fula
daei
orna
niue
sit pa
uerse
& d
vuer
quitt
eum
feren
cruc
Euch
num
banti
Leuit
orsun
& m
astan
STV

quo velabantur oculi CHRISTI cum
 alapis cederetur: Alba siue Camisia, ve-
 stem, qua fuit illusus ab Herode: Mani-
 pulus, funes quibus ad columnam liga-
 tus: Chorda siue cingulum, flagella qui-
 bus grauiter fuit afflictus: Stola, crucem
 quam ad Caluariæ locum baiulabat: Ca-
 fula, purpuream vestem, in qua fuit à Iu-
 daeis illusus. Ad hunc igitur modum
 ornatus, non aliter quàm si mundus vni-
 uersus illi conceditus, atque omnium
 sit pater, sic ad Deum accedit, & pro vni-
 uerso terrarum orbe legatus apud illum
 & deprecator intercedit, vt non solum
 viuientium, sic enim Chrysostomus lo-
 quitur, verùm & mortuorum peccatis,
 eum propicium reddat, nihil aliud of-
 ferens Deo patri, quàm CHRISTI
 crucem & passionem. Quam eleuans
 Eucharistiam, quod est sacrificij sig-
 num, (nam & in lege, quæ sacrificia-
 bantur eleuari consueuisse docemur ex
 Leuitico) seorsum etiam corpus, & se-
 orsum sanguinem in sublime tollens,
 & manus expandens, ita sub aspectum
 astantium subiicit, vt sibi tum CHRI-
 STVM in crucem sublatum, & in ea

manus expandentem, sanguinem etiam à corpore separatim videre videantur. Quod etiam ab Hermanno Patriarcha Constantinopolitano legimus annotatum. Quamobrem & rude vulgus cernere liceat, vbi diligentius ad pietatem institutum est, & pectus tundentes, & ora percutientes, & gemitus atq; suspiria quædam ædentes, ac modò in has voces nonnullos ex illis qui liberalius instituti sunt, prorumpentes: Domine Deus virtutum, exaudi orationem meam, auribus percipe Deus Iacob. Equidem indignum esse me fateor, cuius orationem exaudias: verum ò protector noster, aspice Deus, aspice qualis sit hæc victima, quæ tibi nunc offertur: num agnus hic est? num vitulus? num hircus pro peccato? num ex eo victimarum genere quas offerri tibi per Moysen in veteri lege præcepisti? Protector noster aspice Deus, respice in faciem Christi tui, pro nobis in crucem pendentis & morientis: respice quis patitur, & reminiscere benignus pro quo patitur. Nonne hic est mi Domine innocens ille, quem vt servum redimeres filium tradidisti? Nonne hic est author vitæ, qui vt ovis ad occisionem ductus

ctus, & vsq; ad mortē obediens tibi factus,
ignominiosæ crucis non dubitauit graue
subire tormentū? Reduc Domine Deus
oculos tuæ Maiestatis ad hoc opus ineffa-
bilis pietatis. Intuere dulcem natum toto
corpore extēsum. Cerne manus innoxias
pio sanguine manantes. Vide immaculata
vestigia, quæ nō steterunt in via peccato-
rum, sed semper ambulauerūt in lege tua,
diris confixa clauis, & remitte placatus,
quæ manus pedesq; mei scelera patraue-
runt. Considera inerme latus crudeli cu-
spide perfossū, & renoua me sacro fon-
te, quem inde credo fluxisse, specta gratif-
simæ prolis lacerata mēbra, & recordare
benignius quæ sit mea substātia. Conspi-
care Dei hominis poenam, & relaxa con-
diti hominis miseriam: vide redemptoris
supplicium, & redempti dimitte delictū.
Hic est, Domine mi, quem propter pecca-
tā populi tui percussisti, qui iustō pro in-
iustis mortuus, peccata nostra pertulit in
corpore suo super lignum crucis. Utinā
Domine appendas in statera peccata, qui-
bus iram tuam merui, & calamitatem quā
pro nobis passus est hic innocens filius
tuus. Certē grauior hæc apparebit & ma-

gis digna, vt propter ipsam effundas super me misericordiam tuam, quàm fuit illa, vt pro peccatis meis contineas in ira misericordias tuas. Hanc igitur pro peccatis meis tibi satisfactionem offero, filij tui dilecti crucem & mortem interpono inter peccata mea & iram tuam, & cum quæ possim allegare merita mea nulla reperiam, crucis hoc passionis, & mortis illius meritum allego. Meum est hoc meritum, quoniam ille pro sua ineffabili bonitate & misericordia, mecum id communicare, & quasi meum proprium esse voluit. Meum est, quia caro quoque de meo est, quæ fuit in cruce mactata, quia sanguis de meo est, qui de faucibus filij tui latere manauit. Huius itaque passionis & mortis filij tui merito, per quam abundè pro totius mundi peccatis, tibi satisfactum est, quæ sunt à me patrata scelera, clementer mihi condonari supplico. Nec enim aliud habeo quod offeram, vel tibi gratius, vel ad eximendam peccata mea magis efficax, quàm unicam oblationem illam, qua dilectus filius tuus in cruce consummauit in æternum sanctificatos. Sic sacrificium
hoc

hoc offertur à cunctis simul fidelibus, non solum viris, verumetiam mulieribus, licet ab vno sacerdote specialiter offerri videatur. Nam quæ ille Deo offerendo manibus tractat, hæc multitudo fidelium intenta mentium deuotione commendat. Nec absunt ab hoc sacrificio cœlestes quoque virtutes, cum non sine causa superiorum quoque ciuium ordines in præfatione, quæ canonem præcedit, à sacerdote commemorantur: quam etiam ob causam sacrificium Angelorum à nonnullis præfatio vocatur. Qua de re sic aliquando scripsit chrysostomus: cum autem sacerdos Spiritum sanctum inuocauerit, sacrificiumque illud horrore ac reuerentia plenissimum perfecerit, communi omnium Domino manibus assidue pertractato: quæro ex te, quoto illum ordine collocabimus? Per id tempus & Angeli sacerdoti assident, & cœlestium potestatum vniuersus ordo clamores excitat, & locus altaris vicinus in illius honorem qui immolatur Angelorum chorus plenus est. Et alio loco: Papæ mensa mysterijs instructa est, agnus Dei

pro te immolatur, sacerdos pro te agitur, sanguis spiritualis ex sacra mensa refluit, Seraphim astant sex alis faciem tegentia, Omnes incorporeæ virtutes pro te cum sacerdote intercedunt, ignis spiritualis de cœlo descendit, sanguis in cratere ad tuam purificationem ex immaculato latere haustus est, & non erubescis, & non reuereris, non confunderis, neque Deum tibi propicium facis. Et iterum alio loco: Tempore, inquit, illi mi frater charissime, non solum homines clamorem illum horribilem reddunt, sed etiam Angeli Domino genua flectunt, & Archangeli rogāt, habent sibi tempus idoneum, habent sacram illam oblationem in fauore. Itaq; vt homines ramos oliuarū gerētes mouere Reges consueuerunt, eoque arboris genere misericordiam cōmemorant, sic & Angeli tunc pro ramis oleaginis corpus Domini protendentes, rogant pro humano genere, quasi dicant: Pro his Domine oramus, quos tu adeò dilexisti, vt pro eorū salute mortem obires, animam in cruce efflares: pro his supplicamus, pro quibus ipse tuum largitus es sanguinem: pro his oramus, pro quibus corpus

pus hoc immolasti. Etiam Angelos habere dicit Ioannes Chrysostomus hanc oblationem in honore, quam tamen ab hæreticis nunc rideri videmus. Nec tantum fideles omnes, & superni ciues, verum & ipse Christus, qui verus est sacerdos in æternum secundum ordinem Melchisedech: præsens adest in hoc sacrificio, & quod in altari per ministrum, hoc in cælo per se ipsum facit, Deo patri vulnere suorum cicatrices offerens, sic absq; voce, quem admodum à Theophylacto dictum est, re ipsa loquens: Pro humana natura, filius tuus ego sustinui hæc: miserere igitur eorum, pro quibus ego pati & mori sustinui. Si non interpellaret sacerdos hic, si non appareret vultui patris pro nobis, si non ageret aduocatum nostrum apud illum, frustra preces & à populo, & à clero tenderentur vniuerso. Sed per hunc sacerdotem petimus, quicquid impetratum cupimus. Quam etiam ob causam, omnes orationes, quas vulgò collectas vocant, ita ferè concludimus, per Dominum nostrum Iesum Christum, & post absolutum sacrificium hoc populo dicitur, Ite missa est. Quæ verba sic ante 700. annos quidam ex

SS. Patribus interpretatus est, singularis legatio, Christus missa est pro nobis ad patrem, habens indicia secum suæ passionis, ut patri pro nobis supplicans, quale genus mortis pro mortalium vita pertulerit, semper ostendat. Hic videre licet, quàm verè dictum sit à quodam S. patre, In ipsa immolationis hora coelos ad sacerdotis vocem aperiri, in ipso Iesu Christi mysterio angelorum choros adesse, summis ima sociari, terrena cœlestibus iungi, vnum quoq; ex inuisibilibus atque visibilibus fieri, dixit Augustinus, quòd sacrificium sit omne opus quod agitur, ut sancta societate in hæreamus Deo. An autem esse potest opus vllum, quo magis in hæreamus Deo sancta societate, quàm sit hoc quod in Missa peragitur, per quod sic & inter nos & cum Christo coniungimur, ut vnum corpus, vnus panis esse videamur. Nec in quoque alio, quàm in hostia crucis, qua consumauit in æternum sanctificatos, omnem spem & fiduciam nostram collocatam habeamus. Quamobrem Cyrillus Hierosolymitanus de Missa, quam Lyturgiam Græci vocant, verba faciens appellat eam, τὴν πνευματικὴν

κὴν θυσίαν, τὴν ἀναίμακτον λατρείαν, hoc est, sa-
 crificiū spūale, & incruentū cultum. Chri-
 sti verò corpus quod præsens adest in al-
 tari vocat ibidem τὴν θυσίαν τῷ ἱλασμοῦ, hoc
 est, sacrificium propiciationis. Gei manus
 quoq; Patriarcha Constantinopolitanus,
 θυσιαστήριον, hoc est, altare, vocat, ἱλαστήριον,
 hoc est, propitiatorium: propter præsenti-
 am illius in ipso, qui est propiciatio no-
 stra. Ioannes verò Chrysostom. pulchram
 quandam similitudinem adfert de rege. Si
 quando trophæum illius celebratur, quòd
 illo tempore captiui dimituntur è vincu-
 lis, & multa licet impetrare, quæ, postea-
 quā solennitas est peracta, frustra petūtur.
 Sic fieri dicit etiam, cū horrendum hoc
 sacramentum celebratur, quo pro mundo
 dedit se ipsum Deus, quòd hoc tempus op-
 portunū sit adeorum qui peccauerūt me-
 moriā faciendā, & veniā illis impetrandā.
 Sic à Cypriano, vel quisquis fuit author
 sermonis de cœna Domini, fuit autē cū pri-
 mis pius & doct⁹, & ex priscis patrib. scri-
 ptū legim⁹, q̄ in huius victimæ præsentia,
 nō superuacuae medicāt lachrymæ veniā,
 neq; vnq̄ patitur cōtriti cordis holocau-
 stū repulsā. Hinc manasse mos iste videtur,
 qui

qui nunc etiam obseruatur in Ecclesia, si quod grauius impendat periculum, quod propulsatum, aut si quid maiore studio cupimus impetratum: verbi gratia, vel vt pestilentiam à nobis Deus repellat, vel ab imminente ceruicibus nostris hoste nos protegat, vel aeris temperiem donet, vel si quid est eiusdem generis, vt ad hac impetranda non aliud magis opportunum tempus existimetur, quàm sub eleuatione Eucharistiæ, quo tempore præsens adest realiter in altari, qui sacerdos & victima pro nobis factus est Dominus noster Iesus Christus. Cui victimæ vsq; eo soli tribuitur omnis propiciatio, nihil vt referre putetur, quo vitæ meritò, iustus an iniustus sit sacerdos: sicut nihil refert qui igne accendit, & ad stipulam aut lignum comburendum admonet, frigidus ille sit an calidus, tantum quippe calor impertiet, non quantum habet ipse, sed quantum habet ignis ad motus, quâdoquidem ex opere operato, hoc est, ex vi rei factæ fit illa combustio. Sic proximis superioribus sæculis ab Innocentio III. dictum est: Non ergo sacerdotis iniquitas effectum impedit sacramenti, sicut nec infirmitas medi-

ci,

ci, medicinæ virtutem corrumpit. Quam-
uis opus operans aliquando sit immun-
dū, semper tamen opus operatum est mū-
dum. Opus operans ab Innocentio voca-
tur sacerdos, qui sacris operatur: op^o ope-
ratū, res immolata, victima quæ præsens
adeſt in altari. Huius virtute, non merito
vel actione sacerdotis fieri dicit, vt cum
Deo recōciliemur, peccatorum remissio-
nem, & ea quæ petimus præ salute nostra,
consequamur. Nec aliter docuerunt, qui
secuti sunt eum scholastici Doctores oēs,
virtute sacrificij, & operis operati valere
Missam, productis illis Christi verbis, Pa-
nis quem ego dabo, caro mea est, pro mū-
di vita, probauerunt. Quando Christus vt
summus sacerdos offert, ait Schotus, caro
eius est mundi vita, qualiscunq; tandē sit
minister per quē offert. cū igitur in hoc
sacrificio non alijs agnoscat^r sacerdos,
nec alia victima, quā Christ^o, qui semet-
ipsum in cruce pro nobis obtulit, cū nō
alia sit legatio, sic enim appellare Missam
quibusdam sanctis patribus visum est, quæ
per ministrum ad patrem cōlestem ab Ec-
clesia mittitur vniuersa, quā ille ipse Chri-
stus pro nobis apud patrem interpellans,
&c

& vulnere suorum cicatrices, quæ pro salute nostra pertulit, Deo patri offerens, cum quicquid est propiciationis, illi soli tribuatur hostiæ, quæ pro nobis in cruce mactata est, qua vna consumauit in æternum sanctificatos: iam vos ipsi quotquot hic adestis iudicate, num hoc sit obruere & opprimere crucem & passionem Christi? num hoc sit eam imperfectionis & infirmitatis insimulare? Quid autem est aliud, bonum dicere malum, & malum bonum, ponere lucem tenebras, & tenebras lucem, ponere dulce in amarum, & amarum in dulce, cuius generis hominibus vix sempiternum per Prophetam Deus comminatur, quàm quod isti faciunt, qui quod est quàm maximè clarum, testatum omnibus & illustre facere, vocant obruere & opprimere: quod est summam virtutem & efficaciam tribuere, vocant imperfectionis & infirmitatis insimulare. Scilicet hoc est obruere Christi crucem & passionem, eam sub aspectum omnium subijcere, perennem illius memoriam esse velle. Denique sic mentibus hominum eam imprimere, vt à quo se sic amatos esse vident, non possint vicissim eius amore non inflam-

flammari? Hoc est imperfectionis eam im-
simulare, illam ad patrem coelestem alle-
gare, in illa spem & fiduciam omnem col-
locare, illam inter peccata nostra, quibus
Deum grauitè offendimus, & iram eius
interponere: ab illa propiciationem, ab
illa salutem omnem expectare. Quæso
vos per Deum immortalem, quale sit hoc
genus hominum, vobiscum expédite. Sub
horum persona dixisse videtur aliquando
Propheta, Posuimus mendacium spem no-
stram, & mendacio protecti sumus. Quod
ipsi facere conantur, vt Christi crucem
& passionem obruant & opprimant, vt
illius memoriam prorsus omnem dele-
ant, id nobis per summam calumniam im-
pingere non verentur. Quid aliud est hoc
tremendum de quo nunc agimus Missæ sa-
crificium, quàm omnium Christi benefi-
ciorum breuis quædam côm memoratio, &
quasi sub oculos subiectio? præsertim il-
lius immensi mortis & crucis beneficij,
quo nullum præstari nobis maius potuit.
Hoc igitur dum isti abolitum esse volût,
quis est qui dubitare queat, quin Christi
crucé & passioné sempiterna quadâ ob-
liuione obrutam & oppressam cupiant.

Sed

Sed ego longior sum, quàm initio proposueram. Quamobrem hic dicēdi finem faciam, si prius vos admonuero, quanto maiore studio contendit & elaborat Sathanas, vt redemptorē nostrū, & redemptionis nostræ pretiū sacrosanctū Christi corporis & sanguinis iuge sacrificium nobis eripiat: vt id vos tanto crebrius maioreq; pietate frequentetis. Nec alia magis in re, quàm in assidua crucis & passionis huius, quæ per sacerdotem sacris operantē sub aspectum nostrum subijcitur, cogitationes vestras, spem etiam & fiduciam vestrā omnem defixam habeatis, & eadem, sicut Petrus admonet, cogitatione armemini, Ita futurum est, vt, si compassi fueritis & congorificemini, & sempiternā bona consequemini, gratia & misericordia Domini nostri Iesu Christi.

R E

145

REVOCATIO

QVINTA.



Vas araneorum telas, quibus captus eram, quamdiu musca fui, sic mihi dissoluif se videor, vt bona spe sim, non facile quenquam vestrum deinceps illis irretitum iri. Sed si quis tamen adhuc in animo cuiusquã scrupulus restat, is ad Reuerendos Patres & præceptores nostros. adeat, qui facile sunt ei dubitationem omnem sublaturi. Nunc ad reliquas dissoluendas vestris precibus adiutus aggredior. Vos quod hæcenus fecistis, benignas aures, grauissimis de rebus differenti præbeatis. Idolatriam aiunt esse cultum extra Dei verbum instituire: quod clarè testetur hoc dictum: Frustrà me colunt mandatis hominum, Et prophetæ vocant, inquit, idolatriam sacrificia, quæ fiebant extra verbum & mandatum Dei, qualia fuerunt sacrificia excelsorum, & in lucis & cultus idolorum in Betauen, & cultus ænei serpentis. Sed si verum est quod isti dicunt,

cūt, quis poterit SS. Patriarchas ab idololatriæ grauissimo crimine vindicare? Quod enim habuit mandatum Abel, de suis primogenitis & adipibus offerendis? Num autem quia faciebat id extra Dei verbum, quod asserere videntur isti, reus idololatriæ pronunciabitur? At non ita scriptura, verū has oblationes gratas Deo fuisse testatur, cū ait, Respexit Deus ad Abel, & ad munera eius. Quod habuit mandatum Dei Noe de altari aedificando, & holocaustis in eo offerendis? quod Abraham, quod Iob, & alij nonnulli, quos in odorem suauitatis obtulisse Deo sacrificia scriptura testatur? An hos omnes tu reos fuisse idololatriæ dices? Vides igitur quantum sit absurditatis in hoc argumenti genere. Sed scripturam profers? Recte scriptura, sed sensus quem adfers rectus non est, quin à veritate longissimè remotus est. Nihil minus cogitabat Spiritus sanctus, quàm quòd ex hac scriptura tu colligere conaris, Idololatriam esse cultum omnem extra Dei verbum institutum. Sed quem adfert Basilius, hic verus est huius scripturæ sensus. Traditionibus humanis ad manda-

tum

tum Dei reprobandum vtendum non esse. Sensus hunc etiā ipse CHRISTVS attulisse videtur, cū in eodem capite paulò superius dixisset: Irritum fecistis Dei mandatum propter traditionem vestram. Non igitur his verbis cultus extra Dei verbum prohibetur, sed ne propter traditionem humanam irritum faciamus Dei mandatum. Quòd autem exemplum adfers de sacrificijs excelsorum, & alijs: quis potuit ad id melius respondere, quàm ille celeberrimus Ecclesiæ Doctor Augustinus, Qui christianas, inquit, literas vtriusque testamenti sciunt, non hoc culpant in sacrilegis ritibus paganorum, quòd construunt templa, & instituant sacerdotia, & faciant sacrificia: sed quòd hæc idolis & dæmonijs exhibeant. Videtis quemadmodum vnum & idem opus, & sacrificium sit in odorem suauitatis, si quis Deo: & abominandum sacrilegium, si quis illud exhibeat Idolis atque dæmonibus. Antè 1200. annos congressurus cum Augustino Maximinus Arianus, hūc ipsum

K 2 scri-

scripturæ locum, eodem quo nunc isti sensu protulit : Si quid, inquit, de diuinis scripturis protuleris, necesse est vt audiamus : hæc verò voces, quæ extra scripturam sunt, nullo casu à nobis sulciuntur, cum ipse Dominus moneat nos & dicat : Sine causa colunt me docentes mandata & præcepta hominum. At Augustinus ne respondere quidem ad hæc illius verba dignatus est, quòd ea nihil ad rem pertinere iudicauerit. Sed vt ad causam veniatur, fidem suam profiteri Maximinum iubet. Si quis historiarum Ecclesiasticarum scriptores legat, si Conciliorum Oecumenicorum acta, non alio rationis genere frequentius vlos fuisse Hæreticos reperiet, quàm hoc, Non est scriptum, non est itaque recipiendum : vetus vt hæc eorum cantilena semper fuerit, nihil esse recipiendum præter scripturas, quas & earum intelligentiam vsque eò sibi solis arrogabant, vt earum possessione cæteros excluderent. Quam etiam ob causam scriptor ille vetustissimus Tertullianus, qui non ita longo interuallo fuit à temporibus Apostolorum disiunctus, huc

po
en
de
ni
Ar
ext
pte
sio
rir
int
no
Sin
tan
pro
pfi
mu
do
ced
Ph
con
voc
in I
nul
voc
spō
den
nul

potissimum gradum obstruendum illis
esse docet, vt non admittantur ad vllam
descripturis disputationem, quòd eis mi-
nimè competat possessio scripturarum.
Arius cum suis sectatoribus, nullam vocē
extra S. Scripturam recipiebat, atq; pro-
pter eam causam non admittebat Homou-
sion, quòd ea vox in scripturis non repe-
riretur. Sed eos ex non scriptis piè tamen
intellectis sermonibus in Concilio Nice-
no damnatos fuisse, Theodoretus narrat.
Similiter in Concilio Constantinopoli-
tano, cùm Spiritum sanctum Deum esse
proferi nollet, quandoquidem id his i-
psis verbis expressum in scripturis non
inueniretur, ex Patrum Theologorumq;
doctrina confirmatam veritatem, & Ma-
cedonium esse condemnatum, scribit
Photius. Nec secus actum est in Ephesino
concilio. Cùm enim tragicè Nestorius
vociferaretur, semel & iterum Iesu matrē
in Euangelio vocari, Dei verò matrem
nusquam in scripturis appellari: non esse
voces extrà scripturam recipiendas, re-
spòsum hoc à Cyrillo tulit: Hāc nobis fi-
dem Diuini tradidere discipuli, & licet
nullam fecerint dictionis huius mentio-

nem, ita tamen sentire à SS. patribus edocti sumus. Fatetur hic nusquam in scripturis vocem hanc reperiri, sed quia sic Patres docuerunt, in eorum placitis acquiescendum esse cēset. In Concilio Calcedonensi quærebat Eutiches, in qua scriptura iacent duæ naturæ. Ego, inquit, in SS. scripturis non didici de duabus naturis. Solas inquirere se scripturas iactabat, tâquam SS. Patrû doctrinis & expositionibus firmiores. Quid ad hæc Reuerendissimi Episcopi in illo Concilio congregati? Clamauerunt, vt in actis eius Concilij legimus, Ea quæ sunt patrum teneantur. Sequentes SS. Patres ita docemus, qui non cōsentit expositioni SS. Patrum, seipsum alienat ab omni sacerdotali communione, & à Christi præsentia. Sed quorsum attinet, quæ sunt in alijs quoq; synodis ad eundem modum aduersus hæreticos acta cōmemorare? Quamobi ē vnum tantum canonem adhuc ex actis septimæ synodi œcumenicæ quæ fuit habita Nicææ protulisse contēti erimus. Qui doctrinas SS. Patrû, & Ecclesiæ Catholicæ cōtemnunt, quiq; causantur, & voces Arii, Nestorij, & Dioscori iactāt dicētes: Qd nisi
 satis

satis ex veteri & nouo testamēto instructi
essemus, sanctorū Patrū, sacrarū sex syno-
dorū, doctrinas & Cathol. Eccles. tradi-
tiones nō sequeremur: execratio: semper
eos Ecclesia Cathol. fuit execrata, q̄ rei-
ciendū esse censerent, si quid iisdē verbis
in scripturis expressū nō reperiretur, &
cū Apostolo suos est hortata: State & te-
nete traditiones, quas didicistis siue per
sermonē, siue per epistolā nostrā. Sicut il-
le Thessalonicen. ita suos illius exēplo pia
mater Ecclesia, nō magis ea quæ scripto,
quàm quæ sermone tradita sunt, obserua-
ri voluit. Sed videte per Deū immortalē,
quorsum tandē res reciderit, cū ab istis
persuasi quidā, Idololatriā esse censerēt,
cultū extra Dei verbū instituere, doctri-
nis quibusdā alijs nouis & peregrinis ab-
ducti, nec paulò longius q̄ eorū præcep-
tores progressi, ceperūt & ipsi quærere,
quodnā Dei verbū sit illud, quo Deū trinū
in personis, & vnū in essentia colere iube-
amur, & vbi scriptum hoc inueniatur. Et
cū nec Trinitatis, nec essentiæ, nec per-
sonæ nomen vsquam illis in toto canone
scripturarum ostendi potuerit, sicut eti-
am ab Augustino scriptum legimus: Per-

sonam dicimus, non quia scriptura dicit, sed quia scriptura non conti adicit: in SS. Trinitatē, in Deū trinū & vnū, in essentiā Diuinam, tot phra, tot maledicta, tot blasphemias iaculati sunt, vt rectē cum Propheta nobis exclamare liceat: Misericordiæ Domini, quia consumpti non sumus, Misericordia Domini, quia terra nō dehisceat, & blasphemātibus, & has tam horrendas blasphemias æquis aurib⁹ audiētibus. Verū grauiora tantis flagitijs supplicia Deus destinasse videtur. Quid autē adhuc isti, qui docent Idololatriam esse cultum extra Dei verbum instituere? molestē quidem ferre se, quòd eorum discipuli tam longē progressi fuerint, ostendunt, cū doctrinæ suæ, quam purum Dei verbum & Euangelium vocari volunt, ea re detrahi plurimū, & ab ea multos alienari videant. Sed cū ad ipsos in eam quam volunt viam reducendos, & ad eorum tetros errores confutandos aggrediuntur, non eis alia succurrunt arma, quibus vt rectē possint, quā quibus à catholicis prius oppugnatos se fuisse meminerunt. Intelligunt in scriptura sibi parum aut nihil esse præsidij, quamobrem Patres, Con-

Concilia, vetustatem, perpetuum totius
Ecclesiæ consensum, blasphemis istis op-
ponūt. At boni Trideistæ, malorum cor-
uorum oua pessima: Non imponant, in-
quiunt, nobis Patres, Concilia, vetustas.
Vetusti sunt isti panni, quos primi vos la-
cerastis in alijs articulis fidei. Vnus sit ma-
gister noster christus, Os Iehouæ con-
sulendum, non hominum. Sunt etiam hic
plerique Gabaonitæ, qui vobis imponūt,
amicos se profitentes, & nihil interea op-
tant, quàm vt populum ad Aegyptum re-
ducant, varijs modis & Confessione Au-
gustana. Iamne videtis, charissimi, quò tã-
dem ventum sit, qui cùm de sanctorum
inuocatione, de satisfactione, de purga-
torio, de tremendo Missæ sacrificio, de-
que cæteris eiusdem generis disceptaba-
tur, nihil minùs ferre poterant, quàm vt
sibi Patres, Concilia, vetustatem, quisquã
obijceret: quandoquidem idololatriam
esse docebant, instituere cultum extra Dei
verbum. Os Iehouæ consulendum esse
non hominum: ecce nunc ij discipulis
suis longius quàm volebant progressis,
opponunt eadem illa, quæ cùm olim à ca-
tholicis obiecta sibi fuissent, atres corū

audire non sustinebant. Sed surdis, quod aiunt, fabula. Irritus cadit labor eorum omnis. Audiunt enim ab illis, vetusti sunt isti panni, quos primi vos lacerastis in alijs articulis fidei. Licuit vobis cum alia multa, quæ paulo antè commemorauimus, tum quotidianum Ecclesiæ sacrificium, tanta priscorum Patrum & Conciliorum autoritate firmatum, tot sæculorum incredibili totius Ecclesiæ consensu roboratum, vt semper hætenus fuerit habitum sacrosanctum : Licuit vobis illud hoc solo nomine reiicere, quòd nihil in scripturis Prophetarum & Apostolorum de eo reperiatur, & idololatria sit, cultum extrà Dei verbum instituere: cur & nobis non liceat, quandoquidem semel Papatum omnem, hoc est, Christianam religionem omnem euertere decretum est, quæ via vos alij tectum illius diruistis, alij parietes disiecistis, eadem ad fundamentum etiam illius aggredi, quo sic & illud ab Antichristi sordibus repurgetur. Nam quoad in illo putridum aliquid remanserit, metuendum est, ne putrefacto fundamento, totum ædificium inclinatum paulatim ruat. Cum autem fundamentum sit

Papa

Papatus Trinitas, Deus trinus in personis, vnus in essentia; hoc nobis imprimis repurgandum est. Faceffant igitur voces quæ non reperiuntur in scripturis: faceffat cultus Trinitatis extra Dei verbum institutus: faceffat illa precatio, quæ neq; Caluino placet, quòd eam barbariem sapere dicit, Sancta Trinitas vnus Deus miserere nobis: cum puluisculo tollantur omnia quæ sunt extra Dei verbum: & ne vestigium quidem vllum doctrinæ de Trinitate relinquantur. Videtis charissimi quorsum impietatis ventum sit ad extremum, posteaquam hominibus persuaderi coeptum est, quòd nihil sit recipiendum præter scripturas, quòd Idolatria sit, cultum extra Dei verbum instituere. Simul & hoc intelligitis, quàm verè dictum sit à Basilio, si consuetudines, quæ scripto proditæ non sunt, tantumquam haud multum habentes momenti reijcere conemur imprudentes, etiam præcipuis Euangelij partibus plurimum detrahemus, vel potius ad nudum nomen fidei prædicationem contrahemus. Quamobrem perpetuo mentibus vestris infixæ sint ea verba, quæ

quæ proxima superiore Declamatione ex
 Augustino recitauimus. Insolētissimæ cū
 iudā est insanix, de eo disputare, qd̄ per
 orbē vniuersum tota frequentat Ecclesia:
 nec vnq̄ excidat ē memoria vestra saluber
 rima S. Patris alterius admonitio, Tradi-
 tio est, nihil quæras amplius. Si traditio-
 nes tot sæculorum Hæretici nostri tem-
 poris non contempsissent, nunquam in
 hoc tam profundum totius impietatis ba-
 ratrum incidissent. Iam igitur & hac ara-
 nearum tela dissoluta, multò minus illam
 habere virium demonstratum est, quàm
 vt ea teneri facilè quisquam possit, qui nō
 prorsus omnis Ecclesiasticæ doctrinæ ru-
 dis est. Sed nos tamen hoc loco minimè
 consistemus, non quòd aliquid addere
 necessarium ducamus, quandoquidē suf-
 ficit illud, Traditio est, nihil ampli⁹ quæ-
 ras: verum vt quorundā curiositati, quo-
 ad eius fieri poterit, satisfaciamus. Ita que
 sicut falsum esse docuimus, Idololatriam
 esse, cultum extra Dei verbum instituire:
 Nam alioqui sanctos etiam illos Patriar-
 chas, grauissimi criminis huius condem-
 nare necesse foret: Sic & illud falsum esse
 demonstrabimus, quòd extra Dei verbū
 sit

fit institutus cultus hic, hæc, sicut Augu-
stinus loquitur, propriè soli Deo debita
seruitus, quod Missæ sacrificium voca-
mus. Nisi fortè Dei verbū nō est, quod ab
ipso filio Dei pronuntiātū est, qui dixit:
Hoc facite in meam commemorationem.
Quid hac scriptura clarius & apertius es-
se potest? Quid enim tunc Christus facie-
bat? Pascha cum discipulis suis manduca-
bat. Quale Pascha? Pascha de quo paulò
antè dixerat, Desiderio desideravi hoc Pa-
scha manducare vobiscum. Non verueci-
num fuit hoc Pascha, sicut loquitur Ter-
tullianus, indignum enim erat, vt verue-
cinum Dei filius tanto desiderio mandu-
care desideraret. Illud igitur Pascha man-
ducare desiderabat, de quo scripsit Pau-
lus: Pascha nostrum immolatus est Chri-
stus, quod Pascha paulo post verè fuit im-
molaturus in ara crucis, vbi sanguinem
suū pro nobis fudit, id in mysterio tūm
obtulit in illa cœna nouissima. Duplex e-
nim Pascha celebrabat, duplicem agnum
eadem vespera cum suis discipulis mandu-
cabat, Iudaicum vnum, nostrum alterum:
Agnus ille Iudaicus, quem in lege Moyse
manducari præceperat, agni futuri typus
fuit

fuit, sanguis ille, sanguinis Dominici, sicut apud Chrysostomū legimus, monstrabat aduentum, & ovis illa, fuit spiritalis ovis exemplū. Agnus ille umbra fuit, hic veritas. Sed postquam sol iustitię radiauit, umbra soluitur luce, & ideo in ipsa mēsa, vtrumq; Pascha, & typi, & veritatis celebratum est. Nam sicut pictores pingendā tabulā vestigijs quibuscū adumbrare cōfueuerunt, & sic varietate colorū perficeret, ita & Christus fecit in vna mensa, & typum Paschæ descripsit, & Pascha veritatis ostendit. Vbi vis paremus tibi manducare Pascha? Iudaicum Pascha fuit, quod discipuli pręparabant, sed oportet vmbra euanescere apparente sole, & figurā cedere adueniēte veritate. Sic de duplici celebratione Paschæ loquitur Chrysostomus, à quo non diuersum sentit Hieronymus. Postquam typicum, inquit, Pascha fuerat impletum, & agni carnes cum Apostolis comederat, assumit panem, qui confortat cor hominis, & ad verum Paschæ transgreditur sacramentum, vt quomodo in pręfiguratione eius Melchisedech summi Dei sacerdos, panem & vinum offerens fecerat, ipse quoque veritatem sui

cor-

cor
ver
scip
illis
corp
quod
mus
duca
CH
est,
rum
suo
pse,
& co
stoli
hoc
res o
stus v
mere
quā
signi
quen
facer
dum
facer
Leuit
altare

QVINTA

159

corporis & sanguinis repræsentaret. Si
 verum Pascha tum Christus cum suis di-
 scipulis celebrabat, & verum agnum cum
 illis manducabat, nimirum suum ipsius
 corpus & sanguinem, constat autem,
 quod ex præscripto legis agnus ille pri-
 mus immolabatur, & immolatus man-
 ducabatur: cui dubium esse potest quia
 CHRISTVS verum agnum, hoc
 est, suum ipsius verum corpus, & ve-
 rum sanguinem, prius obtulerit patri
 suo cœlesti: deinde & manducaverit ip-
 se, quandoquidem & convivia fuit
 & convivium, & manducandum Apo-
 stolis dederit. Unanimitè testantur
 hoc omnium sæculorum sancti Docto-
 res omnes, quin & ipsa vocula, qua Chri-
 stus usus est, Hoc facite, satis id expri-
 mere videtur. Nam non Latina magis
 quàm Hebræa & Græca lingua facere
 significat, idem quod offerre, cum fre-
 quens illud sit in scripturis: Facere agnos,
 facere hircum, facere turtures, facere hæ-
 dum, facere holocaustum, facere arietes,
 facere vitulos. Citat Hieronymus ex
 Levitico iuxta septuaginta: Accede ad
 altare, & fac pro peccato. Ac paulo post,
 De-

Descenditque cū fecisset pro peccato. Quod est in Græco *ποίνσον & ποίνσας*, hoc ille sic ex Hebræo vertit: Accede ad altare, & immola pro peccato tuo. Et rursus: Completis hostijs pro peccato descendit. Quin & ipse verborum Christi contextus, quemadmodum Græcè scripta leguntur, satis indicat, quòd in illa cœna se Christus obtulit. Præsentis enim temporis, non futuri verbis utitur. Hoc est, inquit, corpus meum, quod pro vobis datur & frangitur. Hic est sanguis meus, qui pro vobis, vel pro multis effunditur in remissionem peccatorum. Iam tum in illa cœna dari, hoc est, immolari Christi corpus: iam tum in mysterio, sicut fit ad altare sacris operante sacerdote, sanguis eius in remissionem peccatorum effundi videbatur. Quò respexisse videtur etiam Gregorius Nissenus, magni Basilij frater, cū non dubitaret dicere, quòd Christus in illa cœna præoccupauerit œconomia quadam violentium impetū Iudæorum, & iuxta quendam ineffabilem sacrificij modum, & qui ab hominibus cerri nequit, seipsum obtulerit oblationem & hostiam pro nobis. cuius sententiam

Theo

The
detu
mag
offe
dein
Apo
quo
pit:
mon
ente
cœl
hun
ben
te.
me
fert
illu
colē
dun
est
nec
feri
Pra
lis,
& i
sua
offe

Theophylactus quoque sequutus esse videtur. Ex quibus omnibus, vel ipsa luce magis perspicuum esse potest, quod prius offerebat seipsum in illa cœna Christus, deinde verò cum ipse manducabat tùm Apostolis manducandum porrigebat, quodque fecerat ipse, etiam illis præcepit: Hoc, inquit, facite in meam commemorationem, hoc, quod me vidistis facientem, qui prius obtuli Deo patri meo cœlesti, corpus hoc meum, & sanguinem hunc meum, deinde manducandum & bibendum Apostolis dedi, hoc & ipsi facite. Corpus hoc meum, sanguinem hunc meum, gratissimum Deo sacrificium offerre, cum gratiarum actione, summum illud redemptionis vestræ beneficium recolêtes, deinde cum edetis ipsi, tùm edendum alijs exemplo meo præbeatis. Hic est germanus Christi verborum sensus, nec pro sacrificio quod à nobis nunc asferitur, apertiùs dici quicquam potuit. Præcepit enim his verbis Christ⁹ Apostolis, vt qđ ipse fecit in illa cœna sacrosancti sui corporis & sanguinis hostiam, in suæ passionis & mortis recordationem offerrent, quò sic iugiter coleretur per

mysterium, quod semel offerabatur in precium. Sicut Iudæis mandatum à Deo fuerat, vt immolarent agnum illum typicum: sic Apostolis & eorum successoribus idem præcepit, vt immolarent verum illum agnum, quem designans Ioannes dixit: Ecce agnus Dei, ecce qui tollit peccata mundi. De quo scripsit Esaias, Sic vt ouis ad ad occisionem ducetur, & sicut agnus coram tudente se obmutescet, De quo loquitur agnº per ipse Hieremiã: Ego quasi agnus mansuetus qui portatur ad victimam. Et sicut Iudæis Deus præceperat, Cum dixerint vobis filij vestri, quæ est ista religio? vel vt est apud Septuaginta: Qui cultus hic est? dicetis eis. Victima transitus Domini est, quando transiuit super domos filiorum Israel in Aegypto, percutiens Aegyptios, & domos nostras liberans. Sic & nunc præcipit Christianis: Si dixerint vobis filij vestri, quænam hæc religio? qui cultus hic est? quid sibi vult, quod sacrosanctum corpus & sanguis Christi sub panis & vini specie offertur in altari? Dicetis eis: Victima transitus Domini est, Gra-

Gra
præ
Dei
patr
ex v
tem
cruc
capt
tem
liber
tres
effic
figur
ptun
in cr
in E
quoc
sima
quoc
lius
præ
cord
ipsa
illa
facit
non

Grata quædam fit illius nunquam satis prædicandi beneficii recordatio, quo Dei filius homo factus, victimam Deo patri seipsum obtulit, quo suum corpus ex virgine sumptum pro nobis in mer-tem tradidit, quo suum sanguinem in cruce fudit, ut nos erutos à Diaboli captiuitate, patrique cœlesti per mortem suam reconciliatos, non tantum in libertatem assereret, verumetiam fratres, Regni que sui cœlestis cohæredes efficeret. Hic videre licet, quod agni figura, quem Iudæi iuxta legis præscriptum offerebant, magis in cœna, quam in cruce fuit repræsentata. Nam sicut in Paschate Iudæorum, sic & in eo quod cum suis discipulis in illa nouissima cœna CHRISTVS celebrabat, quod nunc etiam à sacerdotibus ex illius institutione quotidie celebratur, præteritæ tantum redemptionis fit recordatio, cum in cruce præsens fuerit ipsa redemptio. Quod etiam enarrans illa verba Ioannis Chrysostomi, Hoc facite in meam commemorationem, non obscure videtur indicare, cum ait:

L. 2 Vides

Vides quomodo à Iudaicis abducit & auocat moribus. Nam sicut illud, inquit, in miraculorum rememorationem, quæ in Aegypto patres vestri viderant, faciebatis: sic & hoc in meam facite commemorationem. Habetis itaque iam tale præceptum de cultu hoc soli Deo propriè debito præstando, nullum vt euidentius requiri possit. Facit nihilominus omnia per membra sua sathanas, vt huic tam claræ luci tenebras offundere queat. Negat præcepisse Christum Apostolis, vt offerant, verùm vt manducent & bibant, & idem facere volentibus ministrent. Quid autem? An optima non magis humanæ quàm diuinæ legis interpret cōsuetudo non est? Ante 1500. & amplius annos, hæc semper totius Ecclesiæ praxis fuit, quotidianum hoc & iuge sacrificium, nunquam in ea celebratum non est, nec per tot sæcula quisquam repperit, aut ex prisca aut ex recentioribus Theologis, quos quidem Catholicos esse constaret, qui contrarium his verbis affingere sensum auderet. Habemus Missæ Canonem, quem Romana recitat Ecclesia, simul vt sub Christi perfor-

na dixit sacerdos, Hoc facite. &c. statim subiungit, in sua & cuius minister est Ecclesie persona: Vnde & memores nos Domine serui tui, huius tam beatæ passionis. &c. offerimus, &c. De Christo quoque loquens Ambrosius in sua Missa: Qui formam, inquit, sacrificij salutis perennis instituens, hostiam se prius obtulit, & primus docuit offerri. Et in libro de sacramentis, quantum sit sacramentum cognosce: Quotiescunque hoc feceritis, totiens commemorationem mei facietis, donec iterum adueniam. Et sacerdos dicit: Ergo memores gloriosissimæ eius passionis, & ab inferis resurrectionis, & in cælum ascensionis, offerimus tibi hanc immaculatam hostiam, rationabilem hostiam, incruentam hostiam, hunc panem sanctum, & calicem vitæ æternæ, & petimus & precamur, vt hanc oblationem suscipias in sublimi altari tuo per manus Angelorum tuorum, sicut suscipere dignatus es munera pueri tui iusti Abel, & sacrificium Patriarchæ nostri Abrahamæ, & quod tibi obtulit summus sacerdos Melchisedech, &c. Quis

potest melior esse verborum Christi interpretres, quàm sponsa sit eius Ecclesia? Ne verò putet aliquis Latinam tantum Ecclesiam hæc verba Christi sic intellexisse, Græca quoque, quin & Hebræa minime diuersam eorum interpretationem adfert. Extat Missa Iacobi Apostoli fratris Domini. In ea post recitata verba, Hoc facite in meam commemorationem, subiungitur *mox*: Memores igitur & nos peccatores passionum eius viuificarum, crucis salutaris & mortis, &c. offerimus tibi Domine hoc sacrificium verendum & incruentum. Extat quoque Liturgia Basilij, in qua similiter his verbis recitatis, Hoc facite in meam commemorationem, subiungit è vestigiò, Memorantes igitur & nos salutarium passionum, &c. tua de tuis tibi offerimus, &c. Ac aliquantò superius, Tu Domine, inquit, ostendisti nobis magnum istud salutis mysterium. Tu idoneos nos fecisti fieri ministros sancti altaris tui. Ministros altaris, inquit, non verbi tantum. Extat Liturgia Chrysostomi. Recitantur ibi quoque verba cœnæ, subiungitur *mox*

mox: Memoriam igitur agentes salutaris huius mandati, & omnium pro nobis factorum, crucis, &c. tua de tuis tibi offerentes. Quæ verba Germanus Patriarcha Constantinopolitanus explicans, Dominus, inquit, noster Iesus preciosum suum corpus & sanguinem nobis dedit, inquit, Hoc facite in mei commemorationem. Nos autem memores eius mandati *ἀντίστα*, hoc est, figuralia, sic enim vertit interpres, offerimus, inquentes tua ex tuis tibi, &c. Ac aliquid *quod rectius* *poterat* *sacramenta* liquanto superius: Fac nos dignos ut offeramus tibi sacrificia immaculata pro populo tuo, & idoneos nos redde, quos in hoc tuo ministerio posuisti. Ac paucis interiectis: Summus pontifex noster, sacrificiorum ritum instituísti, ac sollemnis huius & immaculati sacrificij celebrationē nobis mandasti. Extat Aethiopum quoque Missa. In ea, postquam dixit Sacerdos, Quoties hoc feceritis, &c. subiungit: Nunc autem recordamur mortis tuæ, & resurrectionis tuæ, offerimusque tibi hunc panem, & hunc calicem, tibi que gratias agimus, quod per hoc sacrificium, dignos nos feci-

sti standi in conspectu tuo, & sacerdotale coram te officium exercendi. Extat apud Clementem quoque Lyturgia similiter ibi recitatis verbis his, Hoc facite, Memores igitur, inquit, passionis eius & mortis, offerimus tibi Regi & Deo, secundum ipsius ordinationem, panem hunc, & calicem hunc &c. Et aliquanto superius, ubi tractat de ordinatione Episcoporum: Placeat, inquit, tibi, laudabiliter offerendo tibi mundam & incruentam hostiam, quam pro Christo instituisti mysterium noui testamenti in odorem suauitatis. Et in fine eiusdem libri, Primus, inquit, natura Pontifex, & vnigenitus Christus, qui non sibi ipsi honorem arripuit, sed constitutus est à patre, qui propter nos factus homo, & spirituale sacrificium offerens Deo & patri suo, ante passionem nobis solis præcepit hoc facere, quam præsentibus nobiscum essent alij, qui in ipsum crediderunt. Sed non omnino omnis qui credit, continuo sacerdos est, & pontificium consequitur honorem. Post autem assumptionem ipsius, nos oblatum secundum ordinationem eius sacrificio,

ficio
&c. I
reop
dem
nem
isse p
hoc
tus in
set. E
quit
nem
salut
fat se
dixi
ratio
re M
pus
mol
ra al
sanct
lo r
mor
min
men
por
stan
in c

ficio, puro & incruento constituimus,
&c. Idem Dionysius quoque sentit A-
reopagita, qui fuit æqualis eius. Is iti-
dem vt Clemens discipulos ad functio-
nem sacerdotalem à Christo in cœna fu-
isse promotos indicat, iterum ita, ne prius
hoc officio fungerentur, quàm assump-
tus in coelum, Spiritum sanctum eis misis-
set. Et aliquanto antè, Hoc facimus, in-
quit, vt eloquia aiunt, in eius recordatio-
nem. Et paucis interiectis, Quòd hostiam
salutarem quæ supra ipsum est litet, excu-
sat se decenter ad ipsum exclamans, Tu
dixisti, Hoc facite in meam commemo-
rationem. Et qui vixit eodem tempo-
re Martialis, Quòd, inquit, Christi cor-
pus Iudæi per inuidiam in ara crucis im-
molauerunt, putantes se nomen eius à ter-
ra abolere, nos causa salutis nostræ in ara
sanctificata proponimus, scientes hoc lo-
lo remedio nobis vitam præstandam, &
mortem effugandam. Hoc enim ipse Do-
minus noster iussit nos agere in sui com-
memorationem. Proximus horum tem-
porum Irenæus, disertis verbis, Noui te-
stamenti nouam oblationem Christum
in cœna docuisse scribit. Nec minus a-

pertè Cyprianus id indicat, patres hos nō
 ita longè sequutus, cū dicit, quòd sacrifici-
 ficiū Deo patri Christus ipse primum
 obtulit, & hoc fieri in sui commemorati-
 nem præcepit. Sed nec illud obscurius est
 quod ab Eusebio scriptū legimus: Sacri-
 ficiū eximium patri suo Christus ope-
 ratus pro nostra omnium salute obtulit,
 eiusq; rei memoriā vt nos ipsi Deo pro
 sacrificio offeramus instituit. An autem
 & hæc Ambrosij verba non æquè clara
 sunt? Accedo ad altare tuum, vt offeram
 tibi sacrificiū quod tu instituisti, & of-
 ferri præcepisti in commemorationem
 tui pro salute nostra. Num autem obscu-
 riora sunt quæ profert æqualis eius Gau-
 dentius. Discipulis eius, inquit, fidelibus
 mandat, quos primos Ecclesiæ suæ con-
 stituit sacerdotes, vt indefinenter ista vi-
 tæ æternæ mysteria exercerent, quæ ne-
 cesse est à cūctis sacerdotibus per singulas
 totius orbis Ecclesias celebrari, vsquequo
 Christus iterū de cœlo adueniat, quò &
 ipsi sacerdotes & omnes pariter fidelium
 populi exemplar passionis Christi ante
 oculos habentes quotidie & gerentes in
 manibus, ore etiam sumentes, ac pectore,
 redem-

redemptionis nostræ incredibilem memoriam teneamus. Chrysostomus verò cum dicit, quòd pro brutorum cæde seipsum offerendum præcepit: an minus apertè idem asserit? Verumetiam apertius Leo Pontifex, Iesus, inquit, discumbentibus secum discipulis, ad edendam mysticam cœnam corporis & sanguinis sui ordinans testamentum, docebat qualis hostia deberet offerri Deo. Nec minus perspicuè Theodoretus: Clarum est, inquit, nos non aliud sacrificium offerre. Hoc enim nobis præcepit ipse Dominus: Hoc facite in meam commemorationem. Sed longum esset omnium hac de resentiâ proferre. Quamobrem ijs contenti nunc erimus, quos vixisse constat antè mille annos. Nam qui sunt cæteris recentiores, Leo Pontifex ac Theodoretus, vixerunt Calcedonen. Concilij tempore, quod habitum est ante mille centum annos. Qui verò postea sunt ad hæc vsq, nostrâ tēpora consequuti, quin idem senserint cum istis, dubium est nemini. Itaque superuacaneum prorsus fuerit, eorum hac de resentiâ recensere, cum & vnus dies ad id non sufficeret. Habetis igitur iam ex
vna

vna parte sanctas illas aquilas, quæ ex
 varijs, & longo locorum interuallo dis-
 iunctis totius orbis Christiani partibus,
 in vnam hanc sententiam conuolarunt,
 quodd his verbis: Hoc facite in meam
 commemorationem, noui testamenti no-
 uam oblationem CHRISTVS insti-
 tuerit. Habetis ex altera parte coruum
 vnum, Monachum vnum apostatam,
 qui cum interposito iureiurando per-
 petuam professus continentiam, voto
 se castitatis obstrinxisset, posteaquam ei
 Monacha quædam adlubescere cœpe-
 rat, cæstro numinis quam venerem vo-
 cant percitus, contra iurisiurandi sui re-
 ligionem perfractis pudoris repagulis,
 ac ruptis pudicitiae claustris, cum ea se
 nefaria turpitudine contaminauit, &
 quod semper fuit habitum incoestum sa-
 crilegium, id honorabile coniugium &
 thorum immaculatum vocari voluit, &
 vt ita vocaretur, à multis obtinuit. Hoc
 igitur tale monstrum habetis ex altera
 parte viris illis totius orbis christiani
 celeberrimis oppositum. Non agitur de
 scriptura, quæ profertur à Catholicis,
 nec reijcitur ab hoc monstro; verum a-
 gitur

gitur
 terpe
 bis C
 adfer
 & nu
 tus e
 dam
 men
 quid
 gitur
 Et e
 uifsi
 quon
 cœce
 ctato
 nape
 dere
 tem
 no n
 una
 nebr
 vt vi
 nus,
 Bren
 sex, L
 tullia
 Nall

gitur de eo, num sit ea potius illius interpretatio recipienda, quam totius orbis Christiani lumina, tot sancti Patres adferunt, an ea quam heri, quod aiunt, & nudiustertius à cerebro suo commentus est vnus ab omnibus dissentiens, quidam excuculatus frater, quem verè semen adulteræ dicere possis: quandoquidem nulla parentum reuerentia tangitur, & eis obstrepere non veretur. Et erit quisquam, qui sanctissimos, grauissimos, doctissimosque patres illos, quorum sententias protulimus, fuisse cæcos: hunc verò solum cum suis sectatoribus oculos habuisse, quibus à senaper inuentum scripturæ sensum videret, persuaderi sibi patiatur. An autem & nobis exclamare cum Augustino non licebit: Usqueadeò permiscuit una summis longus dies, usqueadeò tenebræ lux, & lux esse tenebræ dicuntur, vt videant Cœlestius, Pelagius, & Iulianus, dicemus nos, Lutherus, Philippus, Brentius: & cæci sunt Clemens Pontifex, Dionysius Areopagita, Irenæus, Tertullianus, Cyprianus, Basilus, Gregorius Nissenus, Eusebius, Ioannes Chrysostomus,

mus, Ambrosius, Gaudentius, Leo Pontifex, Theodoretus, & alij sexcenti. Quid fuerit aliud tenebras lucem, & lucem tenebras dicere, quàm illis tribuere scripturarum intelligentiæ lucem, istis autem adimere. Scilicet illa tetra portenta viderūt, quod hæc tam clara totius orbis Christiani lumina non viderunt. Dixit quidā ex huius mundi sapiētibus, Errare se male cum Platone, quàm cum obscurioribus quibusdā Philolophis benè sentire: quanto rectius à nobis dici potest, quodd præstat errare cum illis, ad quos proculdubio pertinent illa Christi verba, Vos estis lux mundi, quàm cum tenebrionibus his rectè sentire. Sed nec errare facile potest, qui lucem sequitur, nec rectam viam insistere, qui tenebras insectari mauult. Sed iam tempus est, vt receptui canamus, ne quid nobis molestiæ longior asserat oratio. Quāobrem in aliud tempus, quæ restant reijciemus, ac euidentioribus etiā argumētis, modò nos Deus incolumes cōseruet, Christum in vltima cœna sacerdotio functum, sacerdotium & sacrificium instituisse planum faciemus. Vnum tantum Canonem adhuc proferemus à Patribus in Trullo

Impe-

Imper
const
inqu
script
excita
ri, quā
Docto
iorem
si quæ
quanc
uenit
menti
tiam a
Sic

Imperialis Palatij Constantinopolitani
constitutum, qui fuerunt, 227. Oportet
inquiunt, eos qui præsunt Ecclesijs, si ad
scripturam pertinens controuersia aliqua
excitata fuerit, non eam aliter interpreta-
ri, quàm quomodo Ecclesiæ luminaria &
Doctores suis scriptis exposuerunt: & ma-
iorem ex his laudem assequuntur, quàm
si quæ à se dicuntur componant, ne dum
quandoq; ad id hæsitant, ab eo quod con-
uenit excidât, Canonê hunc, vt perpetuò
mentibus vestris infixum habeatis, e-
tiam atque etiam vos hortor & moneo.

Sic enim futurum est, vt nunquam
in perniciosum aliquem er-
rorem incida-
tis.

R E

REVOCATIO

SEXTA.



Droxima superiore declamatione tam clarè tamque dilucidè demonstrasse videmur, quòd in illa nouissima cœna seipsum oblationem & hostiam Deo patri Christus obtulerit, & ab Apostolis eorumque successoribus eandem perpetuò deinceps offerri præceperit, ut apud quos vel ratio vel authoritas aliquid valet, satis factum eis esse minimè dubitemus. Docuimus enim, quòd in cruce paulò post facturus erat Christus, quòd prius id in cœna repræsentauerit, & à suis discipulis, quos tum noui sacrificij nouos instituerat sacerdotes, idem fieri voluerit. Quid autè in cruce fecit Christus? Obtulit se Deo patri sacrificium acceptabile. Si quis igitur manducat & bibit modò, non autem offert, cœnam quidem ille Dominicam repræsentat, sed sacrificium crucis non repræsentat, ac verbis modò, non autem symbolis Christi mortem annunciat. At-

qui

qui n
Hoc f
tùm,
ce, m
mand
stra,
oblat
quòd
empl
obren
cij, st
sacer
ficij,
mus,
ab H
tam c
videa
dos,
ijcia
latus
itaqu
vide
Sed
vos
cruce
quod
myf

qui non dixit Christus, Hoc dicite, sed,
Hoc facite: symbolis ille, non verbis tan-
tum, sacrificij quod oblaturus erat in cru-
ce, memoriam celebrari voluit. Quod si
manducatio est tantum Eucharistia no-
stra, sicut quidam contendunt, non autē
oblatio, quid aliud consequetur, quā
quod exemplar & imago coenæ erit: ex-
emplar & imago sacrificij non erit. Quā-
obrem vt sit exemplar & imago sacri-
ficij, statim vt consecrauerit Eucharistiam
sacerdos, eleuat illam. Signum enim sacri-
ficij, quod ex Leuitico paulò antè docui-
mus, fuit eleuatio: quam etiam ob causam
ab Hæreticis nostri temporis eam subla-
tam cernimus, ne sacrificium agnoscere
videantur. Eleuat igitur hostiam sacer-
dos, quò sic sub aspectum hominum sub-
ijciat, quomodo Christus in crucem sub-
latus Deo patri se sacrificium obtulit. Cū
itaque Christus dicit, Hoc facite, dicere
videtur, Hoc quod ego faciā, vos facite.
Sed ego faciā in cruce cruēto sacrificio,
vos in illius cruenti memoriam facite in-
cruento. Mysticè facite sicut ego nunc,
quod paulò post reipsa palam & sine vllō
mysterio sum facturus in cruce. Voluit

M

Chri-

Christus, ut quæ mensa est, eadem sit nobis & altare, quod non tantum cœnaremus, verum & sacrificaremus. Voluit ut Eucharistia nostra, non modò sacramentum esset, verum & sacrificium, quorum alterum cœnæ Dominicæ, alterum mortis Dominicæ foret symbolum: quasi diceret: Nolite putare, quod iam satisfeceritis legi, si manducaueritis & biberitis: ad commemorandam quidem cœnam hoc suffecerit, sed ego volo mortem quoque meam commemorari, quod non tam fit manducando quàm sacrificando. Quamuis enim inter manducandum & bibendum aliqua fit mortis commemoratio, quando sanguis à corpore quodammodo separari videtur, tamen oblationis & hostiæ commemoratio non fit: ego verò non qualiscunque mortis, verum eius mortis commemorationem fieri volo, qua Deo patri meipsum in ara crucis oblationem & hostiam pro vobis in odorem suauitatis obtuli. Quamobrem hoc idem facere vos, quomodo fuit à me factum in cœna mystica, nec verbis magis quàm symbolis oblationem in cruce factam commemorari volo. Quin hæc verborum Christi

sti gen
dubit
tem, s
moran
etiam
vnus d
eorum
stia. P
fuerin
alij sa
ra pro
tiones
lum et
& ho
camus
ille Po
Domi
sit mo
propie
sti, no
nostra
ster le
ciatio
qua no
ribus
clesia
quam

ſti germana ſit interpretatio, nemo ſanus dubitare poteſt. Non qualemcumq; mortem, ſed oblationem & hoſtiam commemorari Chriſtus præcepit. Mortui ſunt etiam duo latrones in cruce pendentes, vnus à dextris, alter à ſiniſtris: neq; tamen eorum corpora fuerunt oblationes & hoſtiæ. Plus dicam aliquid, quamlibet ſancti fuerint Apoſtoli, vel quicumque tandem alij ſancti Martyres, eorum tamen corpora propriè loquendo non fuerunt oblationes & hoſtiæ pro peccatis noſtris: ſolum eſt Chriſti corpus, quod oblationem & hoſtiam pro peccatis noſtris rectè vocamus. Veriſſimum enim eſt, quod ſanctus ille Pontifex dixit. Quamuis in conſpectu Domini multorum ſanctorum præcioſa ſit mors, nullius tamen inſontis occiſio propiciatio fuit mundi: acceperunt iuſti, non dederunt coronas. Propiciatio noſtra non eſt alius, quàm Dominus noſter Ieſus Chriſtus. Hanc igitur propiciationem, hanc oblationem & hoſtiam, quæ nos in cruce Chriſtus redemit, & auribus & animis fidelium, pia mater Eccleſia ſemper eſt inculcare conata, nunquam vt ex eorum pectoribus eius elabi

moria posset. Quamobrem etiam pueri panem ad consecrandam Eucharistiam præparatum, hostiam & oblatam vocatam esse meminimus, ac nunc etiam vocari sci mus, idque non Latina magis, quàm vernacula cuiusque gentis lingua: quin & in festis Natalicijs mos hic fuit obseruatus, & obseruatur adhuc apud Catholicos, vt custodes templorum, quos Campanatores vocant, strenuè loco ferrent in domos ciuium panem ad consecrandum præparatum, quas hostias & oblatas vocabant, quò sic admonerentur eius rei, quòd iam natus est ille, qui semetipsum Deo patri traditurus est oblationem & hostiam in odorem suauitatis. Priscos quoque Doctores omnes ferè, quoties Eucharistiæ meminerunt, sacrificium, oblationem, & hostiam illam appellasse legimus. Cœnæ non ferè vocant, nisi cùm cœnæ Domini cæ verba explicant. At in hæreticorum nostri temporis oculis, fides est oblationis, hostiæ, sacrificij nomen, nec aliud ferè quàm cœnæ nomen Eucharistiæ tribuunt: & hæc est admirabilis eorum audacia quædam & impudentia, quòd cùm sæpè Cypriani testimonium proferant,

ex

ex epistola quam scripsit ad Cecilium, in qua frequentem oblationis & sacrificij: nullam cœnæ fieri mentionem legimus: adulterare S. patris verba non verentur, quodque vocat ille sacrificium, cœnam appellant: adeò non alia de re quàm de cœna, deq; manducando & bibendo perpetuò cogitant. Libet autem paucis commemorare, qualem illi cœnam celebrant. Quando suam cœnam Corinthij manducabant, scribit Paulus, quòd alius quidem esuriebat, alius autem erat ebrius: & apud istos tales cœnas celebratas esse scimus, vix vt quisquam in eis reperiretur, qui nò esset ebrius: Postquam poculis certatum est, armis quoque non raro dimicari cœptum est: & qui sacrificium incruentum respuunt, ab illis cruentas victimas Diabolo non Deo mactatas & oblatas esse scimus, vt quod ab illis celebratur Lapytarum conuiuium, quale describitur à Luciano, quàm cœna Dominica dici rectius queat. Non tales igitur cœnas, verùm oblationem & hostiam inuitis etiam omnibus inferorum portis, oblationem & hostiam propitiationem nostram, redemptionem nostram in cruce factam perpetuò

tuò mentibus hominum infixam Deus esse voluit. Hoc igitur nomé semper in Ecclesia retentum est, & ipsi panis, nó solum consecrato, verum & consecrando tributū, planū vt omnibus fieret, q̃ non magis ad manducandū, quàm ad offerendum à sacerdote iuxta Christi mandatū cōsecratur. Mirū est aut, ita grauiter quosdā ferre, quòd non cōtenti Christi mortē verbis annūciasse, symbolis etiam & rebus ipsis eam ad altare cōmemoramus. Num idē in Baptismo quoq; non fit? Num & ibi Christi mors, sepultura, resurrectio, solis verbis, & non symbolis quoq; repræsentatur? Quid enim sibi vult, quòd mergitur baptisandus, idque ter : quòd paulò pòst ab aquis eleuatur : quid aliud ea re, quàm quomodo Christus mortuus & sepultus tertio die resurrexit : & quomodo qui baptisatus est illi commortuus & consepultus vnà cum eo resurrexerit repræsentatur? Et audet blasphemare lingua de tremendo sacrificio dicere, quòd quædam theatra sit actio & hystrionica repræsentatio. Quid auem prohibet, quin idem etiam de Baptismo dicat : certè qui dixit Baptizate, idem dixit, Hoc facite, offer-

te,

te, sacrificate. Sicut illud, sic & hoc externis quibusdam symbolis fieri voluit, nec manducationis tantum, verum oblationis & hostiæ pro nobis in ara crucis factæ iugem recordationem fieri præcepit. Ego verò non dubitauerim affirmare, quòd ex Apostolica traditione manauerit, vt non solùm consecratus, verumetiam consecrandus panis, oblata, vel hostia vocaretur: vt oblationis in cruce factæ memoria nunquā ex pectoribus nostris elaberetur. Verum hac de re satis. Nunc alium scripturæ locū producemus, ex quo magis etiam cuius perspicuum esse queat, quòd Christ⁹ in illa nouissima cœnā sacerdotis munere funct⁹, noui testamenti nouā oblationē instituit. Christum sacerdotem in æternum secundū ordinem Melchisedech fuisse, manifestius est, quàm vt alicuius demonstrationibus indigeat. Testatur hoc Paulus, testatur ante Paulum quoque Dauid Propheta, nec eunt inficias illi ipsi, qui discesserunt à nobis, qui per summū sacrilegiū redemptionis nostræ preciū, propiciationē nostrā, oblationē & hostiā pro peccatis nostris, auferre nobis conantur. Hic quæritur, v-

bi sit functus hoc sacerdotio Christus? Certè neque locus, neque tempus aliud reperietur, præterquam in illa nouissima cœna. Nam quale fuit sacerdotium, quale sacrificium illud Melchisedech, scribitur in Genesi, quod panem & vinum obtulerat: erat enim sacerdos Dei altissimi: Melchisedech oblatio fuit panis & vinum, Christi verò sub speciebus panis & vini corpus eius & sanguis. Tunc igitur & nō aliàs, sacerdotem secundum ordinem Melchisedech esse se declarauit. Nam in illa oblatione, quæ facta est in ara crucis, quod etiam Thomas Aquinas annotauit, quin & res ipsa loquitur, magis expressa fuisse videtur figura sacerdotij secundum ordinem Aaron, quàm secundum ordinem Melchisedech, cum ibi cruentam victimam obtulerit, & semetipsum verè manducandum tradiderit. At eiusmodi victimas offerebant sacerdotes secundum ordinem Aaron, in illa verò nouissima cœna, quamuis eandem hostiam corporis & sanguinis sui, non tamen palam & absque integumentis, sed sub his quæ Melchisedech obtulerat, antea, panis & vini speciebus obtulit: nihil aliud Melchisedech

decli
corpu
& sic
Christ
Aaron
cœna
crifici
institu
dicūt
lumi
elabi
de ve
omni
& sa
quod
obre
crifici
bui n
ter se
subla
causa
abro
fustu
ant,
dici
ijs q
eos

deh quàm panem & vinum: at Christus corpus & sanguinem sub illis speciebus: & sicut in ara crucis, qui finis legis est, Christus, sacrificijs secundum ordinem Aaron finem imposuit, sic in nouissima cœna nouum sacerdotium & nouum sacrificiũ secundum ordinẽ Melchisedech, instituit. Quid aut ad hæc isti? Protulisse dicũt Melchisedech, nõ aut obtulisse: nulum igitur sacrificium fecisse. Cũ aliter elabi se non possẽ videant, controuersiam de verbo nobis mouent. Atqui sacerdos omnis & Pontifex ad hoc vt offerat dona & sacrificia pro peccatis constituitur. quod ipse quoque Paulus testatur. Quãobrem si nullum obtulit Melchisedech sacrificium, sacerdotis nomen illi rectẽ tribui non possit. Sic enim connexa sunt inter se sacerdotium & sacrificium, vt vno sublato tollatur & alterum. Quam etiã causam videmus, quod qui sacrificium abrogarunt, ijdẽ & sacerdotij nomen sustulerunt, quod certe persuasum habent, absque sacrificio, sacerdotem aliquẽ dici non posse. quare quorum opera in ijs quæ pertinent ad religionem vtuntur, eos ministros, non sacerdotes appellant.

Verum quale genus hoc est ratiocinandi? Scribitur in Genesi, quod protulerit panē & vinum, ergo non obtulit. An contraria sunt inter se proferre & offerre? certe nemo potest offerre, nisi prius proferat quod offerat. Sed non ad offerendum eis protulit, verum ad manducandū & bibendum. Qui probas hoc? Sicut nō dixit scriptura, quod protulerit ad offerendū, ita nec hoc dicit, quod protulerit ad manducandum. Atqui tu nihil dici vis, quod in scripturis expressè non inueniatur, dicamus igitur quod protulerit ad inspeciedū, vt videret Abraham panis & vini copiam, & admiraretur, neque tamē quicquā de ijs gustaret. Huc absurditatis tandē vt isti veniant necesse est, dū nihil recipiendū esse putant, quod in scripturis nō habetur. At Iosephus historiā hanc tractans, non obtulisse Deo, sed his qui cum Abraham fuerunt, in cibū & potū panē & vinū suppeditasse Melchisedechum scribit. Posteriorius quidem hoc scribit Iosephus, prius autē illud nequaquā. quin contrariū ex illius verbis elici potest. Quemadmodum nō pugnat inter se proferre & offerre, ita non pugnat inter se, proferre ad manducan-

cand
uis au
tauit
prius
lactur
& iā
huius
labat
duca
seph
ta. St
erch
copi
Abra
qui
Iose
quo
inst
qd
quo
ne p
Gra
mē
que
ner
est
pan

candū, & pferre & offerendū. Quin gra-
uis author Gregorius Nyssenus nō dubi-
tauit dicere, q̄ nemo comedit, nisi quod
prius immolatū sit. Quæ verba Theophy-
lactus quoq; scribens in Matthēū repetit,
& iā docuimus, q̄ agnus Paschalis, qui fuit
huius nostri sacrificij figura, prius immo-
labatur iuxta legis præscriptū, deindē mā-
ducabatur. Cæterū expendamus verba Io-
sephi quēadmodū habētur in Græco tex-
ta. Suppeditauit, inquit, Melchisedech ex-
ercitui Abrahā xenia, & magnā comeat⁹
copiā, & instituto sacro conuiuio ipsum
Abrahā in hoc laudare, et benedicere Deū,
qui inimicos ei subiecit, aggressus est. Hic
Iosephus, nō qualecūq; sed sacrū cōuiuū,
quod epulū Latini vocāt Melchisedechū
instituisse dicit: est. n. in Græco *ἐσθίων*,
qđ à Latinis epulū vocatur. Quamuis autē
quoduis etiā prophanū epulū hoc nomi-
ne possit appellari, tamē vtrāq; lingua tā
Græca quā Latina, nō ferē tribuitur nō-
mē hoc, nisi publico solenniūq; conuiuio,
quod vel in dedicatione templi, vel in fu-
nere magni alicuius viri, vel sicut factum
est à Melchisedech, in honorē Dei propter
partam de hostibus victoriam, institutum
fit,

fit, & præerant etiam apud Ethnicos huic epulo sacerdotes, qui Latinè vocabantur epulones, qui solennem ritum in sacrificio peragebant. Præcedebat itaque sacrificium, sequebatur epulum, siue sacrum conuiuium, prius offerebatur, postea manducabatur. Sic igitur & Melchisedech, quandoquidem erat sacerdos altissimi, sicut scriptura dicit, prius offerebat Deo, postea dabat epulum his qui cum Abrahamo venerant. Quod clarius etiam Philo demonstrat, qui fuit æqualis Iosephi, cum eadem tractans historiam ita loquitur: Conspicatus magnus ille Pontifex Dei Max. redeuntem Abraham, reuertentemque, ad vnum suos incolumes & victores, attonitus tanti facinoris magnitudinem, simul id quod verum erat, cogitans, præsentem eius opem diuinam adfuisse, manus ad cælum tendens, illi fausta precatus est, & epulum victorale sacrificauit, sociosque certaminis eius excepit splendidissimo conuiuio. Quod Iosephus ἐνόςιον, hoc Philo dixit, τὰ ἐπὶ νίκῃς βύειν, hoc est, epulum victorale sacrificauit. Prius itaque cum esset sacerdos, epulum sacrificauit: postea socios certaminis,

nis refecit. Qui verò melius potuerunt
explicare Mosis verborum sententiam,
quàm hi duo, quos fuisse constat eiusdem
Hebreæ gentis viros doctissimos diser-
tissimosque, qui non tantum ad mandu-
candum, verùm & ad offerendum protu-
lisse Melchisedech panem & vinum diser-
tis verbis ostendunt. Verùm isti, quibus
ministris ad oppugnandum hoc tremen-
dum sacrificium Sathanas vtitur, cùm hoc
illis commentum suum non successerit,
aliud inueniunt. Aiunt Paulum de sacer-
dotio Melchisedech accuratè singula tra-
ctare, ac propemodum scrupulosè excute-
re nomen hominis, sedem Regni, perpe-
tuitatē vitæ, ius decimarū, benedictionē
prosequi, in quibus omnib. minus momē-
ti sit, quàm in oblatione panis & vini,
de qua tamen verbum fecerit nullum. An
existimandum sit, obliuione lapsum esse
Dei spiritum, vt dum rebus minutis im-
moratur, quod erat præcipuum, & ad cau-
sam maximè valebat, id omiserit. Videte
quale sit hoc ratiocinandi genus. Non
scripsit in illa tota epistola, Christum esse
conceptum de Spiritu sancto, natum ex
Maria virgine, num ideo verum id esse ne-
gabi-

gabimus? Non est obliuione lapsus Dei spiritus, ô Sathana, sed fecit quod faciendum admonuit Propheta, Disposuit sermones suos in iudicio, fecit quod antea Christum fecisse cognouerat, cum diceret: Adhuc multa habeo vobis dicere, sed non potestis ea portare modò. Vis autem ipsum Paulum audire modò non hæc eadem verba proferentem. Is verò statim vt melchisedech mentionem fecit, de quo nobis, inquit, grandis sermo & ininterpretabilis ad dicendum. Quid hoc aliud est, quàm habeo multa vobis de eo dicere? Quod verò sequitur, Quoniam imbecilles facti estis ad audiendum, quid aliud est, quàm, sed non potestis ea portare modò. Magistrum itaque suum secutus Paulus, illorum ad quos scripserat imbecillitatis rationem habebat: cumque videret, quòd opus illis adhuc lacte, nec solido cibo vti possent, quæ de melchisedech dicenda caput illorum excedebant, ea non putauit oratione sua persequenda. Quod pluribus etiam verbis ad Euagrium scribens docet Hieronymus, cuius verba ne sit sermo prolixior nunc omitto. Cum ita-

itaque Paulus Iudæis scriberet, non iam fidelibus, non illis prodenda mysteria, sed quod alios etiam Apostolos fecisse narrat Basilus, eorum reuerentiam & authoritatem silentio conseruandam esse putauit, ne si vulgò forent omnibus cognita, in contemptum venirent: quin & inde vocata sunt mysteria, quòd ea occulta esse, nec in vulgus prodi oporteret: quam etiam ob causam neque literis mandabantur, sed per manus tantum tradebantur, quemadmodum de hoc ipso sacrificio loquens Basilus indicat, quin & excludebantur ab illis nondum initiati. Quod Ioannes quoque Chrysostomus testatur dicens. Ideo mysteria clausis ianuis celebramus, & eos qui nòdum initiati sunt adesse prohibemus, non quia mysteriorum infirmitatem aliquam depræhendimus, sed quia ad participationem eorum illi quos arcemus adhuc infirmi sunt. Cum Augustinus hunc ipsum Psalmi locum explicaret, Tu es sacerdos in æternum, Vident, inquit, Iudæi, perijsse sacerdotium secundum ordinem Aaron, & non cognoscunt sacerdotium secundum ordinem Melchisedech.

Si

Si qui non intelligunt Catechumeni auferant pigritiam, festinent ad notitiā. Non opus est mysteria prodere, scripturæ nobis intiment, quod est sacerdotium secundum ordinem Melchisedech. Si non putauit Augustinus, passim omnibus esse prodenda mysteria, quo tempore maior terrarum orbis pars Christum aperte confitebatur, quanto minus id à Paulo factum oportuit, cum Iudæis persuaderet, ut Hieronymi verbis utar, nō iam fidelibus. Prudenter admonet Ambrosius, quod qui tractat, debet audientiū considerare personas, ne prius irrideatur, quā audiatur. Quando enim Athenien. crederent, quia verbum caro factum est, & de spiritu virgo concepit, qui ridebant quia mortuorum resurrectionem audiebant. Et est celebris illa Gregorij Nazianzeni sententia, quod non omnia, nec omnibus, nec ab omnibus nec omni loco & tempore dici oporteat. Habes igitur iam causam, quā obrem scribens ad Hebræos Paulus, cum de Melchisedech sermonem instituisset, nullam oblationis panis & vini mentionem fecerit, nimirum quod non poterant adhuc portare, quod erant imbecilles ad au-

audien
& in
Non s
hæret
antem
confer
num d
quoti
niuer
Sic in
sancti
clesia
temer
cās ill
ternū
né M
pter
& vi
sit à l
liquor
tem d
in vo
tas m
ante
ord
sanē
huc

audiendum. Cum primis itaque ridiculum
& ineptum est hoc ratiocinandi genus.
Non scripsit Paulus, ergo non est. Quod
hæreticis quidem fuit vſitatum, ſemper
autem à Catholicis reiectum, qui magno
conſenſu dõcuerunt, quòd panem & vi-
num obtulit Melchifedech, figuram fuiſſe
quotidiani ſacrificij, quod per orbem v-
niuerſum Catholica frequentat Eccleſia.
Sic in Aſia, ſic in Africa, ſic in Europa
ſancti patres docuerunt. Qui præfuit Ec-
cleſiæ Conſtantinopolitanæ, Ioannes nõ
temerè Chryſoſtomus appellatus, expli-
cās illum Pauli locū, Tu es ſacerdos in æ-
ternū, quærit quare dixit, ſecundum ordi-
nē Melchifedech: Reſpõdit mox, Et pro-
pter ſacramenta, quòd ille quoq; panem
& vinum obtulerit, & quòd ſacerdotium
ſit à lege liberum, ac alijs quoque locis a-
liquot eiufdem rei meminit. Aequalis au-
tem eius Epiphanius, Viſum eſt, inquit, vť
in veteri ſacerdotio ſacerdotālis digni-
tas non conſtituatur, verū ad id quod
ante Leui & ante Aaron fuit, ſecundum
ordinē Melchifedech, trāſferatur. Quod
fanē nunc in Eccleſia viget à Chriſto &
hucusq; Clarius autem, qui vixit eodem

N

tem-

tempore, Cæsariensis Eusebius: Sanè, inquit, oraculi exitus admirabilis ei qui contempletur: quemadmodum saluator noster Iesus, ipsius Melchisedech ritu, ea quæ ad sacerdotium in hominibus gerendum spectant, per suos ministros perficiat. Nam quemadmodum ille qui sacerdos gentium erat, nusquam videtur sacrificijs corporalibus functus, sed vino solo & pane, dum Abraham benedicit: Ita sanè primus ipse saluator noster, deinde qui profecti sunt ab eo sacerdotes, in omnibus gentibus spirituale secundum Ecclesiasticas sanctiones sacerdotij munus obeuntes, vino ac pane & corporis illius & sanguinis mysteria repræsentant, quæ sanè mysteria Melchisedech tanto antè spiritu diuino cognouerat, & rerum futurarum imaginibus vsus fuerat. Sicut etiam scriptura Moyse testificatur, vbi ait: Melchisedech protulit panem & vinum, erat autem sacerdos Dei altissimi. Sed nec Eusebius Emisenus minus disertè: Melchisedech, inquit, oblatione panis & vini hoc sacrificium Christus præfignavit, de quo Propheta pronunciat, Tu es sacerdos in æternum. Theodoretus
quo-

quoq; Cyrensis Episcopus psalmum hunc explanans, exorsum esse dicit CHRISTVM sacerdotium in nocte, qua crucem subiuit. Cum accepit, inquit, panem, &c. Similiter & calicem, &c. Inueni autem, Melchisedech sacerdotem & Regem esse. Figura igitur erat sacerdotis & Regis, & offerentem Deo non sacrificia ratione carentia, sed panem & vinum: sacerdos autem nunc est Christus, qui ex Iuda secundum carnem ortus est, non ipse aliquid offerens, sed vocatur caput eorum qui offerunt, quandoquidem eius corpus Ecclesiam vocat, & propterea sacerdotio fungitur homo, recipit autem ea quæ afferuntur, vt Deus: offert autem Ecclesia corporis eius & sanguinis symbola. Sic senserunt de hoc sacrificio Patres Asiatici. Num autem diuersa fuit Africanorum opinio? quin illi pedibus in eandem currunt sententiam. Clemens Alexandrinus, Origenis præceptor, non ita longo fuit interuallo disiunctus ab Apostolorum temporibus, Melchisedech, inquit, sacerdos Dei altissimi, vinum & panem sanctificatum dedit in typum Eucharistiæ.

Non qualemcumq; panem dedisse scribit Melchisedech, sed sanctificatum, hoc est, oblatum, sicut etiam apud Ioannem dixisse Christum legimus: Ego pro eis sanctifico, hoc est, offero me ipsum. Quem secutus Cyprianus, Quod Melchisedech typum, inquit, Christi portaret, in Psalmis declarat Spiritu sanctus, ex persona patris ad filium dicens, Tu es sacerdos in æternum secundum ordinem Melchisedech, qui ordo utique hic est, de sacrificio illo veniens, & inde descendens, quod Melchisedech sacerdos Dei summi fuit, quod panem & vinum obtulit, quod Abraham benedixit. Nam quis magis sacerdos Dei summi, quam Dominus Iesus Christus? qui sacrificium Deo patri obtulit, & obtulit hoc idem quod Melchisedech obtulerat, panem & vinum, suum scilicet corpus & sanguinem? Ac paucis interiectis: Vt ergo in Genesi per Melchisedech sacerdotem, benedictio circa Abraham posset ritè celebrari, præcedit antè imago sacrificij in pane & vino constituti. Quam rem perficiens & adimplens Dominus, panem & calicem vino mixtum obtulit, & qui est plenitudo verita-

tem

tem
Qui
critu
latu
fede
hun
ba,
tur:
cere
ord
nun
Pos
inq
Do
ang
tot
nit
cia
& l
Mo
de
nu
un
ron
Me
rep
pu

tem præfiguratam imaginis adimpleuit. Quid clarius dici potuit? Imaginem sacrificij, quod in cœna Christus erat oblaturus, præcessisse dicit, quando Melchisedech panem & vinum obtulit. Post hunc Arnobius enarrans illa Psalmi verba, Tu es sacerdos, ita de Christo loquitur: Hic qui per mysteriũ panis & vini sacerdos factus est in æternum secundum ordinem Melchisedech, qui panem & vinum solus obtulit in sacerdotibus, &c. Post quem Augustinus: Nondum erat, inquit, sacrificium corporis & sanguinis Domini, quod fideles nõrunt, & qui Evangelium legerunt, quod sacrificium nũc toto terrarum orbe diffusum est. Proponite ergo vobis ante oculos duo sacrificia, & illud secundum ordinem Aaron, & hoc secundum ordinẽ Melchisedech. Melchisedech protulit panem & vinum, de quo alio dicit, Tu es sacerdos in æternum, & nisi de illo cuius nosti sacrificium. Sublatum est enim sacrificium Aaron, & cœpit esse secundum ordinem Melchisedech. Pluribus in locis eadem repetit. Hactenus patres Africani. Quàm pulchrè verò conuenit illis cum Asiaticis.

Quid autem Europa nostra? Num aliter quam isti de sacrificio hoc docuit? Idem prorsus. Pluribus in locis eandem sententiam confirmat Hieronymus. Sed nos paucula verba quædam adferemus. Melchisedech, inquit, in typo Christi panem & vinum obtulit, & mysterium Christianum in saluatoris sanguine & corpore dedicauit. Et alio loco: Quod autem ait, Tu es sacerdos in æternum, &c. mysterium nostrum in verbo ordinis significatur, nequaquam per Aaron irrationabilibus victimis immolandis, sed oblato pane & vino, id est, corpore & sanguine Domini. Scripsit autem is ad Euagrium epistolam, in qua pluribus verbis ex Origenis, Didymi, Hypoliti, Irenæi, Eusebij Cæsariensis, & Emiseni, Apollinarij, & Eustathij sententia, doctrinam hanc Ecclesiæ confirmat: ex quo perspicuum cuius esse potest, quod ex magna parte prisci patres omnes, in eadem hac sententia fuerunt. Ambrosius in missa sua, Dominus inquit Iesus Christus, sacrificandi ritum instituit, dum panem & vinum, quod Melchisedech in præfiguratione futuri mysterij sacerdos obtulerat, in sacramentum sui

cor

corpo
forma
Episc
plicat
ui, sec
bu ni
vtiq;
Chri
non
victi
corp
in sa
mū
stian
Sed
niur
funt
pser
Pas
mu
igin
run
Eu
orl
str
en
no

S E X T A.

199

corporis & sanguinis celebrandum trāsf-
 formauit. Eucherius quoq; Lugdunen.
 Episcopus, vbi locum hunc Genesios ex-
 plicat, Christus, inquit, non ex tribu Le-
 ui, sed ex tribu Iudæ ortus est, ex qua tri-
 bu nihil de sacerdotali præcepto accepit,
 vtiq; propter mysteria sacramenti, quod
 Christianis celebrari præceptum est, vt
 non secundum ordinem Aaron pecudum
 victimas, sed oblationem panis & vini. i.
 corporis & sanguinis eius sacramentum
 in sacrificium offeramus. Ibi quippe pri-
 mū apparuit sacrificiū, quod nūc à Chri-
 stianis offertur Deo, toto orbe terrarum.
 Sed ne dies prius defecerit, quā vt om-
 nium ea de re verba recitare queam, qui
 sunt patres istos consecuti, cū plura scri-
 pserint in eandem sententiam, Haymo,
 Paschasius, Rabanus, Albinus, Ansel-
 mus, Rupertus, & alij sexcenti. Videtis
 igitur charissimi, quomodo conuola-
 runt sanctæ ille aquilæ ex Asia, Africa,
 Europa, hoc est, ex vniverso terrarum
 orbe, ad veritatem huius doctrinæ no-
 stræ de sacerdotio Melchisedech adstru-
 endam. Et erit quisquam, apud quem
 non plus valebit eorum autoritas, quā

nescio cuius obstreperico rui, qui sensu
carnis suæ inflatus. Posteaquam semel e-
uolauit ex arca, non modò nulla sollicitu-
dine tangitur, vt ad illam, extra quam sa-
lus non est, redeat, verum etiam alijs euo-
landi segregandique semetiplos autor est.
Quid autem si docuerimus etiã Rabino-
rum testimonijs, qui comprimis apud Iu-
dæos celebres fuerunt, hanc doctrinam
nostram esse confirmatam. Difficile
quidem id fore videtur, sed periculum
tamen faciemus. Qui legit historiam
Antonini, reperiet in ea librum vel e-
pistolam Rabbi Samuelis Israelitæ, ad
Rabbi Isaac ante annos propè 600. scri-
ptam, in qua sic ille loquitur: Attende
Domine mi, quanta sit differentia inter
sacerdotium Aaron, & Domini iusti illi-
us sacrificium. Aaron fuerunt carnes, &
sacrificium istius iusti Domini fuit panis
& vinum, quod est secundum ordinem
Melchisedech: in quibus verbis Deus per
prophetam manifestè ostendit, quòd sa-
crificium finiretur, quando inciperet i-
stud sacrificium in æternum: & ordina-
tio sacrificandi secundum Aaron ex to-
to cessaret, quando inciperet sacrificium

in pan
Rabb
chise
tinere
per ill
place
Hebr
Erit f
Erit
thas v
etiã
ump
& a
& an
gent
& n
cebi
inin
vive
per
rita
vol
rils
stos
coe
cer
Ca

in pane & vino æternaliter duraturum. Rabbi quoque Hadarzan & Pinas de Melchisedech narrationem ad Messiam pertinere docentes, q̄ panē & vinū obtulit, id per illa Psalmi verba interpretantur. Erit placenta frumenti. Sic enim habetur in Hebræo textu: Septuaginta ytererunt, Erit frumentū in terra, Hieronymus autē, Erit memorabile triticū in terra, Ionathas verò Chaldaus & Onchelus apertius etiam explicarunt dicentes, Erit sacrificium panis in terra. Quemadmodum hæc & à Petro Galatino superioribus annis, & ante triennium à Petro Galefimo diligentius annotata videre licet. An autem & nobis exclamare cum Propheta non licebit, Stupor & mirabilia? quod qui sunt inimici, qui sunt hostes Euāgelij, Iudæi, vi veritatis coacti negare non audent, hoc per summam impudentiam negant, & veritatem Evangelicam oppugnant, hi qui volunt Evangelici cenferi. Vos verò charissimi tanquam viperam & basiliscum istos fugite, quos eò perduxit amentia cæcus amor sui, suum vt sensum pluris facere non dubitent, quàm totius Ecclesiæ Catholicæ sensum & consensum. Nihil

vobis maiore studio cauendum existima-
te, quàm vt scripturæ singulares quosdā
intellectus exquiratis, vt insolitos & ha-
ctenus inauditos sensus excogitetis, vt no-
uas & solitarias opiniones proferatis, aut
his qui talia faciunt aures vestras accom-
modetis, & assensum præbeatis: verum
quod ab Eusebio Emiseno præclarè scri-
ptum est, id perpetuò fixum in vestris pe-
ctoribus hæreat, Fides, inquit ille, religi-
onis Catholicæ, lumen est animæ: ostium
vitæ: fundamentum salutis æternæ. Qui-
eunq; hæc derelicta velut pessimum ducē
propriū sequitur intellectum, quicunq;
per sapientiæ suæ sensum ad mysteriorū
cœlestium se putat posse peruenire secre-
tum: sic facit, quomodo si absq; fundamē-
to ædificet domum, aut si prætermisso o-
stio velit intrare per tectum, vel si nocte
sine lumine inferat gressum: totum se clau-
sis oculis vrgeat in profundum. Pessimus
dux est proprius intellectus, de quo dixit
etiam Propheta: Væ Prophetis insipien-
tibus, qui sequuntur spiritum suum & ni-
hil vident. Non hunc igitur, verum Eccle-
siam sequamini Ducem: Ecclesiam autem
cū dico, sanctos illos Patres, sanctas il-
las

las ac
mand
tem,
nobis
aud
se

las aquilas intelligi volo, quas ad confir-
mandam huius doctrinæ nostræ verita-
tem, ex toto terrarum orbe conuolasse,
nobis eorum sententias recitantibus, iam
audiuistis. Hos duces & magistros si
secuti fueritis, promitto vobis &
spondeo, quòd nunquam
in errorem aliquem
incidetis.

R E

REVOCATIO

SEPTIMA.



Vòd ab Hæreticis nostri temporis tam audacter asseritur, cultum illum, vel vt Augustini verbis vtar, illâ soli Deo propriè debitam seruitutem, quod Missæ sacrificium vocamus, extrâ Dei verbum institutum esse, quàm longè sit ab omni prorsus veritate remotum, cùm ex lege, tùm ex psalmis, quin & ex ipsius Christi non verbis magis quàm factis, adeò planum & perspicuum fecisse videmur, nihil vt iam in animo cuiusquam scrupuli residere persuasum habeamus. Quamquam etiamsi nulla per nos producta fuisset scripturarum auctoritas, vel vnum id fidei cuique sufficere deberet, quòd hoc ita per orbem Christianum vniuersum, ea quæ firmamētum est & columna veritatis, tota frequentat Ecclesia, quam credere, cui fidere in cuius institutis aquiescere, nec ab illius vniuersi consensu nos vnquam discedere velle, Symbolum Apostolicum recitantes

quo-

quotidie profitemur. Verumtamen, vt ne
quid etiam his desit, qui curiosius hæc
indagare conantur, & vt quoad eius fieri
poterit satis omnibus faciamus, vnum aut
alterum adhuc ex Prophetis testimonium
ad hoc, de quo sermo nobis nunc est pro-
bandum, adferemus. Vos quod hætenus
fecistis, faciles & benignas aures nobis
præbete. Sic apud Malachiam Prophetam
locutum esse Dominum exercitus legi-
mus: Non est mihi voluntas in vobis, &
munus non suscipiam de manu vestra. Ab
ortu enim solis vsque ad occasum magni
est nomen meum in gentibus, & in omni
loco sacrificatur, & offertur nomini meo
oblatio munda. In quibus verbis tria no-
bis consideranda veniunt: primum quod
vetus illud sacrificium, quod erat secun-
dum ordinem Aaron, quo solus Israel po-
pulus utebatur, Deus reiecerit, quod an-
tè Malachiam quoque prædictum ab E-
saia legimus: deinde quod novum & æter-
num quod illi succederet, quod est secun-
dum ordinem Melchisedech institutum
voluerit, ad quod peragendum, non ex v-
na familia, qualis illa fuit Levi, sed ex om-
ni gente sacerdotes eligerentur: tertio,
quod

quòd oblatio per nouos nouæ legis sacer-
dotes offerenda munda futura sit, nec a-
liquo certo loco circumscribenda, sed in
omni loco totius orbis eam offerre lice-
ret. Hæc igitur Prophetæ verba, si quis ad
eam oblationem quæ fuit in cruce facta
referre voluerit, satis constat, quòd nec
inter gentes, nec in omni totius orbis lo-
co, sed in vna tantû Iudææ parte, nimirû
in Caluariæ monte, semetipsum Christus
victimam obtulerit, vt huic Prophetæ lo-
co nulla ratione sensus hic quadrare pos-
sit. Si quis autem de contriti cordis & hu-
miliati sacrificio, dequæ puræ mentis &
bonæ voluntatis officijs accipi malit, du-
bium non est, quin ea Deo placeant, & pos-
sint in omni loco rectè offerri. Sed quis e-
rit qui se mundum cor habere gloriari
queat? vt sic eius oblatio munda censea-
tur, apud eos præsertim, quibuscum res
nobis nunc est, qui sacrificium hoc no-
strum, quod est precium redèptionis no-
stræ, sacrilega quadam audacia, nobis eri-
pere conantur, cùm nihil habeant in ore
frequentius, quàm quod apud Esaiâ scri-
ptum est: Vniuersæ iustitiæ nostræ pan-
nus menstruatæ: nec dubitent asseueran-
ter

ter affirmare, quòd etiam in omni bono opere iustus peccat. Potest autem oblatio munda dici, quæ peccatum est, siue panus menstruatæ? Huc accedit, quod idē illi Pharisaicum esse docent: opus nostrum Deo, tanquam mundam oblationem offerre velle. Verum detur hoc illis, de sacrificio contriti cordis & humiliati locum hunc intelligi rectè posse, certè sacrificium hoc non magis huius Ecclesiæ, quæ Christi passionem & mortem est secuta, quàm illius quæ præcessit propriū, nec sub lege minus quàm hoc tēpore gratiæ frequentatū esse, nec plus ad sacerdotes, quàm ad laicos pertinere manifestum est, vt non minùs fœminā, quàm qui legitimè vocatus est ad munus hoc, tali sacerdotio & sacrificio fungi possit. Verum isti producunt nobis Tertullianū, Irenæū, Eusēbium Cæsariēsem, & alios nōnullos, qui de spiritualibus sacrificijs locū hunc interpretātur, qualia recensent prædicationis celebritatē, benedictionē, laudem, hymnum, Orationem de conscientia pura, cor contritum, & humiliatū, gloriæ ad Deum relationē, & id genus alia. Quis asit est, q̄ neget hæc quoq; rectè sacrificia vocari?

vocari? nec absurdè facere, si quis de illis Malachiae locum hunc interpretetur. Sci licet nouum hoc est, quòd idem scripturæ locus diuersas expositiones quandoq; recipit, vt & secundum historiam siue litteram, & secundum Allegoriam, & secundum Tropologiam, & secundum Anagogiam, eum interpretari liceat. Quod non vno loco faciunt, cum alij nonnulli, tum Origenes, Hieronymus, Augustinus, & Eucherius. Verùm interea proprius & germanus est scripturæ sensus, quem vulgò litteralem vocant, quem Regium sensum vocat Hieronymus, ac solidissimum & firmissimum esse dicit. Hoc itaq; Regio & litterali sensu Malachiae locum hunc nō de alio sacrificio SS. Patres intelligunt, quàm quod per orbem viuersum tota frequentat Ecclesia. Neque tamen ea res impedit, quòd minus per Tropologiam etiam de spiritualibus & internis sacrificijs exponatur. Mirum est autem, quòd qui non admittant in scripturis tropum, & ad eum confugere nihil aliud esse doceant, quàm omnem scripturarum vim labefactare, id ipsos facere, quod vt fiat à catholicis, nulla ratione ferendum esse censent,

sent, vt excluso sensu litterali, ad tropum
cōfugiant. Nos verò tropum libenter ad-
mittimus, quo Paulum etiam vsum esse
scimus, modò seruetur illud, quod ab Hie-
ronymo scriptum est, In Prophetis Hi-
storix veritas quærenda primùm, deinde
Allegoria. Vt autem Regius propterea
scripturæ sensus excludatur, id verò mi-
nimè ferendum esse iudicamus. At exclu-
sit alium quemcunque sensum Ioannes
Chrysostomus, cùm enarrans illa Pau-
li verba: Per eum sacrificium offerimus
Deo, fructum labiorum, ita loquitur.
Quale sacrificium dicit? Fructum labio-
rum, inquit, confitentium nomini eius.
Illi offerebant pecudes, vitulos, & dabant
Pontifici: nos autem nihil horum offeri-
mus, sed solam gratiarum actionem, hanc
labia nostra germinent. Talibus, inquit,
sacrificijs placatur Deus. Demus illi ta-
lem hostiam, vt etiam ipse eam offerat pa-
tri, aliter autem non offertur, nisi per fili-
um. Hoc loco maximè quidam triumphat,
quòd solam gratiarum actionem offeren-
dam esse Chrysostomus ex Pauli senten-
tia docuerit. Non igitur offerre debem⁹
corpus & sanguinem Christi, quem man-

O

ducare

ducere tantum & bibere, non autem offerre iussi sumus. At quanta, per Deum immortalem, & huius hominis cæcitas, qui non videt, si nullum aliud offerri debet sacrificium præter solam gratiarum actionem, quod non hoc modò de quo sermo nobis nunc est sacrificium, verùm & alia excluduntur omnia, de quibus Malachiæ locum hunc Tertullianus & alij præfati patres interpretabantur. Sed idem nunc isti de sacrificio faciunt, quod olim de fide fecerunt. Legerunt apud præfatos patres non vno loco, sola fide iustificari, sola nos fide saluari, mox omne genus operum excluderunt. At sanctis patribus nunquam hoc cogitare venit in mentem, ut excludere vellent opera, quæ forent in fide facta, sed ea tantum, quæ sunt legis cæremonialia, aut quæ facta essent extra fidem. Ad eundem planè modum agunt etiam nunc de sacrificio, cum tamen Chrysostomi mens ea nunquam fuerit, ut cum alia spiritualia sacrificia, tum hoc, quod verè proprièque sacrificium dicitur, exclusum vellet, cum ex ipsis verbis colligere liceat, quod pecudes tantum & vitulos, de quibus mentionem

nem fecerat, exclusos voluerit. Sed quis nobis melius mentem suam, quam ipse Chrysostomus explicabit? Is Psalmum illum enarrans: Cantate Domino omnis terra, posteaquam hunc Malachiæ locum produxit, in hæc verba prorumpit: Vide quàm dilucidè, quamque luculenter mysticam interpretatus est mensam, quæ est incruenta hostia. Thimiama verò purum, appellat sacras preces quæ post hostiam offeruntur. Hic seruat illud Chrysostomus, quod ab Hieronymo præceptum est. Primum historie profert veritatem, deinde Allegoriam. Iuxta germanum scripturæ sensum, de mystica mensa, quæ est incruenta hostia, locum hunc interpretatur: iuxta Allegoriam verò siue Tropologiam, de precibus. Ac paucis interiectis. Vides ut ubique concessum est, Angelicum illud sacrificium inclarescere: vides nullis finibus circumscriptum, neque altare, neque canticum. In omni loco Thimiama offertur nomini meo. Est igitur hostia pura, prima quidem mystica mensa, cœlette summeque venerandum sacrificium. Est autem & in

nobis varia sacrificiorum differētia: mox enumeratis veteris testamenti multis hostijs, Habemus autem & nos inquit, in nobis ipsis varias immolationes, non quæ iuxta legem incedunt, sed quæ decent Evangelicam gratiam. Vis ne has cognoscere victimas, quas habet Ecclesia? Mox enumerat: Primum est, inquit, sacrificium, quod antè dixi, spirituale illud ac mysticum donum: Alterum est, martirium, Tertium precationis, Quartum laudis, Quintum iustitiæ, Sextum eleemosynæ, Septimum iubilationis, Octauum spiritus contriti & humiliati, Nonum prædicationis, Decimum fructificationis. Hæc singula recenset ex scripturis. Inter omnes autem has primum locum tribuit incruentæ hostiæ, quæ offertur in mystica mensa, quam vocat hostiam salutaris, vocat Angelicum, cœleste, summeque venerandum sacrificium, vocat vnā ac veram hostiam, cum reliquæ non verè neque propriè, sed per Allegoriam hostiæ vocentur. Tantum igitur abest, vt cum dixit Chrysostomus, solam gratiarum actionem nos offerre Deo debere, exclusa voluerit alia sacrificia, vt alias præterea de-

decem etiam hostias recensuerit. Qui vero præcessisse Chrysostomum videtur Eusebius Cæsarien. interpretatur & ipse locum hunc de orationis incenso & sacrificio: sed num ideo propriè dictum sacrificium excludit? Quin ille præterquã quòd aliud etiam ex Esaia vaticinium producit, Erit altare Domini in terra Aegypti, & cognoscent Aegyptij dominum, & facient sacrificia. Malachia quoque locum hunc in eiusdem libri fine proferens ita loquitur: Sacrificamus igitur Deo sacrificium laudis, sacrificamus Deo plenum, & odorem asferens, & sacrosanctum sacrificium, sacrificamus nouo more secundum nouum testamentum hostiam mundam. Et paulò post explicans quod sit illud sacrificium, quod nouo more sacrificamus: Sacrificamus, inquit, & incendimus, aliàs quidem memoriam magni illius sacrificij, secundum ea quæ ab ipso tradita sunt mysteria celebrantes: & gratias Deo pro salute nostra agentes, religiososque hymnos & orationes sanctas illi offerentes: aliàs nos ipsos totos ei consecrantes. Facit & hic mentionem sacrificij gratiarum actionis, & hymnorum, si-

ue laudum, & precationis. Sed interea
primum locum tribuit ei sacrificio, cu-
ius memoriam, sicut aliquanto antè dixe-
rat, signis quibusdam in mensa celebra-
dam corporis illius salutarisq; sanguinis,
vt noui testamenti institutio habet, acce-
pimus. Sed & Hieronymus locum hunc
Malachiæ, de sanctorum orationibus do-
mino offerendis interpretatur: verum in-
terim addit, offerri mundam oblatione,
vt in cæremonijs Christianorum: quibus
verbis quid aliud innuere voluit, quàm
quod offertur in mystica mensa, propriè
dictum Christi corporis & sanguinis sa-
crificium? Quod clarius etiam Theodo-
retus explicat cùm dicit? Diuinus Mala-
chias planè nos, inquit, ex his docet eam
pietatem, quam nunc profiteamur in om-
ni loco obitum iri. Nam circumscriptio
loci ad sacra obeunda deleta est. Omnis
locus accommodatus ad Dei cultum est
existimatus, & victimarum ratione caren-
tium cædes immaculatus agnus, & tanquã
signum virtutis odoratum incensum exi-
stit, Hic non obscure Theodoretus indi-
cat, se de sacrificio agni immaculati, quẽ
sacerdos offert ad altare, locum hunc in-
telli-

telligere, qui successerit in locum cædis
victimarum ratione carentium. Irenæus
verò facit ille quidem primitiarum obla-
tionis mentionem, sed interea tamen ver-
ba cœnæ proferens, Noui testamenti, in-
quit, nouam docuit oblationem, quâ Ec-
clesia ab Apostolis accipiens, in vniuerso
mundo offert Deo, de quo in Prophetis
12. Malachias sic præsignificauit: Non est
mihi voluntas in vobis, &c. Certè laudis,
orationum, eleemosynarum siue primi-
tiarum, contriti cordis, & id genus alia
sacrificia minimè noua, verùm & in vete-
ri lege fuerunt vsitata. Nunc Irenæus
noui testamenti nouam oblationem in
cœna Christum docuisse dicit, quam Ec-
clesia ab Apostolis accipiens in vniuerso
mundo offert Deo. Qui verò fuit Irenæo
vetustior Iustinus Philosophus & Mar-
tyr, disertis verbis locum hunc interpre-
tatur de sacramento Eucharistiæ. Quod
offertur, inquit, in omni loco à nobis gen-
tibus, tum pane, tû poculo, quo nos clari-
ficamus nomen Dei, quod à Iudæis pro-
phanatum est. Quorsum autem attinet,
vel Remigij Antisiodorensis, vel Ioannis

Damasceni, vel Ruperti Tuitiensis, vel Rabbi Samuelis Iudæi, vel aliorum lexcentorum, qui posteriores his fuerūt, sententias producere, quos vnanimis vno ore de corporis & sanguinis Christi sacrificio, Malachiae locum hunc exposuisse constat. Porro D. Augustinus, incensum de quo Malachias loquitur, sanctorum orationes interpretatur: hoc ipsum tamen dicit ab Ecclesia sacrificium immolari, sed secundum ordinem Melchisedech, subiungit mox: Nouerunt qui legunt, quid protulerit Melchisedech, quando benedixit Abraham: & si iam sunt participes eius, vident tale sacrificium nunc offerri Domino in toto orbe terrarum. Ac paulò post productis Malachiae verbis, Non est mihi voluntas in vobis, hostiam non accipiam de manibus vestris. Ecce, inquit, quod est secundum ordinem Aaron, ac mox: In omni loco offertur incensum nomini meo, & hostia pura. Ecce, inquit, quod est secundum ordinem Melchisedech. Quid his verbis clarius esse potest? Ex hoc Malachiae loco probat Augustinus, quod sacerdotium secundum ordinem Aaron Deus reiecerit, & in eius locum

locum aliud instituerit, secundum ordinem Melchisedech, quem panem & vinum obtulisse constat. Ex his omnibus facile quiuis perspicere potest, quòd nihil impedit, quò minus de alijs quoque sacrificijs, malachiæ locus hic exponatur, dummodò quod vnum est & verum proprièque dictum corporis & sanguinis Domini sacrificium, non excludatur. Cùm & illud certè constitutum sit, quicquid habent in se puritatis, quæcunque sunt alia spirituales hostiæ, quòd non habeant aliunde quàm ex hoc primo & omnium summo proprièque dicto sacrificio. Nihil est puritatis & mundiciei vel in sanguine Martyrum, vel in precibus, vel in laude, & gratiarum actione, vel in iustitia nostra, vel in primitijs & eleemosynis, vel iubilatione, vel in Euâgelij prædicatione, vel in quibuscûq; tandè alijs oblationibus nostris: nihil est in eis omnibus mundiciei, nisi quatenus partem eius aliquam ex hac oblatione verè mûda, quæ pro nobis in cruce fuit oblata, quæ præfens etiam adest in altari, mutantur, extra quam verè dixit. Propheta, quòd panus menstruatae sunt omnes iustitiæ nostræ.

stræ. Nam quicquid est splendoris in virtutibus nostris, & in omnibus spiritualibus hostijs quas offerimus, non alia puritas, non alia iustitia splendet in illis, quàm illius nunquam satis prædicandi Christi meriti iustitia, quando corpus suum tradidit pro nobis iustus pro iniustus, quando sanguinem suum in ara crucis fudit in remissionem peccatorum nostrorum, cuius rei memoria quædam & representatio fit ad altare. Sicut gemmæ magis rutilant in præsentia Solis, in absentia verò contenebrantur: sic in huius victimæ, qua nihil splendidius esse potest, præsentia, magis rutilant quæcunque tandem aliæ visibiles, vel inuisibiles hostiæ, quæ per nos offeruntur. Hoc est quod Petrus monet, vt accedamus ad offerendas spirituales hostias acceptas Deo per Iesum Christum. Per hunc acceptæ sunt hostiæ nostræ Deo, quin & offeruntur per hunc, qui simul est & offerens & oblatio. Sic & Paulus hortatur nos, vt per Christum offeramus hostiam laudis Deo. In Christo opera nostra æstimantur, quæ in scriptis nihil merentur. In omnibus quorumcunque tandem operum

rum nostrorum sacrificijs nunquam ea puritas reperietur, vt per se Deo grata sint, cum rectè scriptum à D. Thoma: Si consideretur opus hominis meritum, secundum substantiam operis, & quatenus ex libero proficiscitur arbitrio, vita æterna, in quam nihil coinquinatum ingreditur, dignum non est. Nunquam integra est plena cordis nostri contritio, nunquam ita syncerus est, vt oportet affectus præcandi, nunquam tam ardentè & strenuè incumbimus ad offerendos vitulos labiorum, & spirituales hostias: quin aliquid in illis vitij sit. Sed quæ præsens adest in altari victima, pro nobis in cruce mactata, quæ præsens adest CHRISTI sanguis emundans conscientias nostras ab operibus mortuis, ille est per quem accepta Deo sunt sacrificia nostra, per eum lauantur, per eum fiunt munda, quæ natura sua nihil erant aliud, quàm pannus menstruatus. Cum igitur eleuat Christi corpus & sanguinis eius calicem sacerdos, & sub oculos astantium subiicit, quomodo Christus in crucem sublatu, & per fosso latere sanguis eius, per què lauat nos à peccatis nostris, à corpore fuit
sepa-

separatus, tùm qui præsentes adsunt, & ad pietatem accuratius instructi sunt, solliciti quomodo possint reconciliationis in cruce factæ fieri participes, in eiusmodi verba cum Bernardo prorumpunt, Pauperes sumus, parum dare possumus, attamen reconciliari possumus pro paruo illo si volumus. Totû quod dare possum, est miserum corpus istud, illud si dederò, satis est, si quò minus, addo & corpus tuum, ô Domine. Nam & illud do meo, & meum est. Paruulus enim datus est nobis, & filius datus est mihi. De te Domine suppleo, quod minus habeo in me, ô dulcissima reconciliatio, ô suauissima satisfactio, ô verè facilis reconciliatio, sed perutilis. Et ante Bernardum Anselmus Cantuarien. Episcopus, Quid misericordius, inquit, intelligi valet, quàm cùm peccatori tormentis æternis damnato, & vnde se redimat non habenti? Deus pater dicit: Accipe vnigenitum meum, & da pro te: & ipse filius, Tolle me, & redime te. Sic videtis: quòd quicquid est in alijs oblationibus nostris vitij siue defectus, illa supplet sacra victima, quæ præsens adest in altari. Illam tollimus, quemadmodum

nos

nos isti S. Monachi docuerunt, illam Deo patri sistimus, vt redimamus nos, hoc est vt redemptionis per illam in cruce factæ fructum consequamur. Per eam fit, vt accepti sint vituli labiorum nostrorum, vt acceptæ sint spirituales hostiæ quas offerimus, in quibus quod minus est, id supplet corpus illud Christi, quod per Ecclesiæ ministrum offertur. Quam etiam ob causam Ioannes Chrysostomus, cuius rei meminimus in superiore declamatione nostra, diligenter hortatur, vt quo tempore proposita sunt mysteria, quando mors Domini perficitur, & horrendum sacrificium, & ineffabilia sacramenta peraguntur, quasi Domino præsentem, nos attentius geramus, atque tempus id adea quæ petimus impetranda cum primis opportunum existimemus. Sicut enim, inquit, quando Regum trophæa statuuntur, tum & quicumque socij fuerunt victoriæ celebrantur, & qui sunt in vinculis per tempus id liberi dimittuntur, quod vbi præterierit, qui neglexerit, nihil obtinet: sic, inquit, & in hoc tremendo mysterio, trophæa quædam celebrantur, quomodo morte sua mortem Christus

de-

destruxit, & vitā resurgēdo reparauit, simul inferni claustra perfregit, & ex Diaboli potestate prædā insignē eripuit. Quāobré illo tēpore, quasi sedente Rege, trophæaq; sua celebrante, facilius quæcunq; petita fuerint obtinētur. Tempus enim illud propiciationis tēpus est, quādo quidē præsens adest in altari propiciatio nostra; præsens adest illa victima, quæ pro nobis in cruce fuit mactata, per quam acceptæ redduntur omnes aliæ, cuiuscunq; tandem generis oblationes nostræ, quodq; minus in illis est, de ea suppletur. de qua Cypriani quoq; dictum hoc antea recitauimus, quod in huius victimæ præsentia non superuacue mendicant lachrymæ veniam, nec vnquam patitur cōtriti cordis holocaustum repulsam. Obsecrat Paulus fieri obsecrationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitate constituti sunt, vt quietam & tranquillam vitam agamus. Quæ Pauli verba dum enarrat Augustinus, multa, inquit, hic dici possunt, quæ improbanda non sunt, sed eligit in his verbis hoc intelligere, quod omnis, vel penē omnis frequen-

quantat Ecclesia, vt preces siue oblationes accipiamus dictas, quas facimus in celebratione sacramentorum, antequam id quod est in Domini mensa incipiat benedici: orationes, cum benedicatur & sanctificatur, & ad distribuendum communiatur. Quam totam petitionem ferè omnis Ecclesia Dominica oratione concludit. Ad quem intellectum etiam verbi Græci origo nos adiuuat. Nam eam quam dicunt *ευχην*, rarò ita scriptura ponit, vt intelligatur oratio, sed plerunque & multò vsitatus votum appellat *ευχην*: *προσευχην* verò, quod verbum ita positum est, vnde tractamus, semper orationem vocat. Cum igitur vsitatus in scripturis votum appelletur *ευχη*, ea propriè intelligenda est oratio, quam facimus, *προσευχην*. Vouetur autem omnia quæ offeruntur Deo, maximè sancti altaris oblatio, quo sacramento prædicatur nostrum aliud votum maximum, quo nos vouimus in Christo esse mansui os, vtique in compage corporis Christi, cui rei sacramentum est, quod vnus panis & vnum corpus multi sumus. Ideò in huius sanctificatione existimo Apostolum propriè iussisse *προσευχας*, hoc
nos

est, orationes ad votum, quod vsitatius in scripturis nuncupatur *ευχαι*. Postulationes fiunt, cum populus benedicitur. Tunc enim Antistites velut aduocati susceptos suos per manus impositionem offerunt misericordissimæ potestati. Quibus peractis, & participato tanto sacramento, gratiarum actio cuncta concludit. Videtis quemadmodum hic Augustinus, quem ritum obseruat Ecclesia, cum ab Apostolo traditum esse, non obscure indicat, & quod eas propriè dici vult orationes, quæ tùm fiunt, cùm benedicitur & sanctificatur Christi corpus, & sancti altaris oblatio celebratur, quæ non alio tempore possunt esse magis efficaces. Ab Augustino minimè dissentit Ambrosius, qui & ipse locum hunc Apostoli tractas, Prima, inquit, oratio debet habere laudē Dei, secunda supplicationem, tertia postulationem, quarta gratiarum actionem. In suis autem in Epistolas Pauli commentarijs explicans hæc illius verba: Hæc regula, inquit, Ecclesiastica est tradita à magistro gentium, qua vtuntur sacerdotes nostri, vt pro omnibus supplicent, deprecantes pro regibus huius sæculi, vt subie-

ctas

etās habeant gentes, vt in pace positi, in tranquillitate mentis, & quiete Domino Deo seruire possimus. Hic & Ambrosius indicat, quòd præcandi formulam qua vtimur in canone, quē hæretici nostri temporis tantopere detestantur, non aliunde quàm à Magistro gentium Paulo traditam acceperimus, & adeò non excludunt SS. Doctores hi, per ea quæ trāslatè sacrificia nuncupantur, nimirum obsecrationes, orationes, postulationes, gratiarum actiones, & id genus alia, verum illud & propriè dictum, quod altaris oblationem siue sacrificium non vno loco vocat Augustinus, vt absque eo minus ea perfecta, minus etiam Deo grata, quin ab illo mutare vim omnem & efficaciam existiment. Verùm & altaris oblatio non prodest, si quis vitulos labiorum, & spiritales alias hostias non obtulerit, cùm falso nobis hoc ab hæreticis impingatur, qd sacrificium prodesse doceamus absq; bono motu vtentis. Sed est hoc adeò clarū atque testatum omnibus, etiam his qui sacrilega quadam audacia, redemptionis nostræ præcium auferre nobis conantur, quòd Malachiæ locus hic quem tractam⁹,

P

de

de quotidiano Ecclesiæ sacrificio rectè intelligatur, vt quamlibet inuiti, fateri tamen quod res est cogantur. Itaque cùm aliam elabendi viam reperire non possunt, eò tandem ad extremum confugiant, vt dicant: Interpretari quidem priscos illos patres locum hunc de celebrati-
 one Eucharistiæ, sed non de sacerdotis actione, & histrionica (sic enim loquuntur homines blasphemæ) repræsentatione. Quasi verò quisquam theologorum tam insigniter stultus fuerit, vt quod est expiationis in hoc sacrificio sacerdotis, actioni tribuendum id esse putauerit. Sed neque temerè quenquam repertum iri credimus, qui sacrificium altaris expiatorium vocauerit, cùm non aliud sit expiatorium, quàm vnicum illud, quo posteaquam se Christus in ara crucis obtulerat, consummavit in æternum sanctificatos, cuius merito cum Deo patre reconciliationem, peccatorumque nostrorum remissionem consequimur. Propiciatorium quidem sacrificium hoc altaris, non rarò scimus appellatum fuisse: quandoquidem in altari præsens adest illa propiciatio, præsens adest illa victima, quæ fuit

in cruce pro nobis mactata, per quam ut propicius esse velit populo suo, qui pro CHRISTI corpore Ecclesia legatione fungitur sacerdos, Deum supplex precatur. Quamobrem nulla fit hic oblatio, nulla noua redemptio, reconciliatio, vel expiatio, sed ut oblationis, redemptionis, & expiationis in cruce factæ fructum in nobis iugiter sentiamus, & illius hostiæ merito, quæ præsens etiam adest in altari, propiciū nobis Deum habere queamus: id verò cum sacerdote populus, quo summo potest studio contendit & elaborat. In eum finem fiunt obsecrationes, orationes, postulationes, gratiarum actiones, de quibus iam diximus. In eum finem & vitulilabiorum, & aliæ spirituales offeruntur hostiæ, quæ non aliunde tamen, quàm ab illa crucis hostia vim & efficaciam suam habent. Ita quicquid est expiationis, & propiciationis, non actioni sacerdotis, verum oblationi, quam in cruce Christus fecit, per nos tribuit, non quod non profit nobis ad propiciū reddendum Deum etiam sacerdotis oratio, sed quod ea non per alium prodest, quàm per Christū oblata.

Quamobrem nō in homine sacerdote, pe-
nes quem solum est ministerium, verū
in solo Christo, qui verus est sacerdos se-
cundum ordinem Melchisedech, spem
nostram & fiduciam omnem defixam ha-
bemus, qui nisi quod facit in altari per
ministrum Ecclesiæ, faceret ipse quoque
per semetipsum in cœlo, nisi preces no-
stras Deo offerret, nisi cicatrices etiam
vulnerum suorum exhiberet, quibus pro-
pter iniquitates nostras vt nobis propici-
um redderet Patrem suum cœlestem affe-
ctus est: nullum prorsus ex actione sacer-
dotis ministerioque fructum caperemus.
Præclare dictum est ab Ambrosio, quod
ipse est oculus noster, vt per illum videamus
patrē: ipse vox nostra, per quā loqua-
mur ad patrem: ipse dextera nostra, per
quam Deo patri sacrificium nostrum of-
feramus. Quicquid ad altare sacerdotis
ministerio vmbiliter agitur, hoc inuisibi-
lis ipse virtute sua facit efficaciter. Quam-
obrem vanissimum hoc istorum commē-
tum, qui per summam audaciam & impu-
dentiam affingere nobis non verentur,
quod actioni sacerdotis propiciationem
nostram tribuamus. Verū ita malitia
cor

eorum istorum excœcauit, ut videntes non videant, & audientes non audiant, neque intelligant. Nam etiam apud eos quos vocant scholasticos Theologos legimus isti proculdubio non vno loco, quod homini sacerdoti ministerium tribuunt: quicquid autem est virtutis & efficaciar, non ad aliud quam ad illum, qui sacrificium idem & sacerdos est secundum ordinem Melchisedech, ad Christum Deum & hominem referunt. Quorum autem attinet omnium ea de re sententias proferre, quorum pleni sunt ea de re libri? longum id foret, minimeque necessarium. Vnius tantum testimonium produxisse contentus ero. Multi scholastici Doctores ritum & ordinem sacrosanctæ Missæ diligenter explicarunt, inter quos adeo non postremus est Alexander de Ales, ut vel inter primos rectè numerari queat. Nam præterquam quod alios ætate præcelsit, excellenti quadam doctrina præditus fuisse videtur, ut non sine causa nomen irrefragabilis Doctoris obtinuerit. Is ubi de fine verba facit, quod claudi consueuerint orationes, quas vulgò collectas vocant, Non per aliam, inquit, viam æterna Dei beneficia possunt ad nos

decurrere, quàm per eum qui est mediator Dei & hominum, homo Christus Iesus: per illum enim exaudiuntur preces fidelium, qui in diebus carnis suæ preces supplicationesq; ad Deum, qui posset illum saluum facere à morte, cum clamore valido & lachrymis offerens, exauditus est pro sua reuerentia. Vides quemadmodum hic non per hominem sacerdotem, qui ministerio tantum reconciliationis fungitur, sed per verum reconciliatorem, verum Dei & hominum mediatorẽ, verum & æternum sacerdotem secundum ordinẽ Melchisedech, cui petenti, nihil à Deo patre negari potest, preces fidelium exaudiri docet. Nam quod ad ministrũ sacerdotem attinet, non suum ille sed Christi meritum, non suam sed Christi gratiam Deo repræsentat, non suum illi sed Christi sanguinẽ qui redẽptionis nostræ precium est, offert. Itaq; sicut si quis ignem faceret, & ad vrendum admoueret, calidus ipse foret siue frigidus, nihil interesset, quandoquidem vi sua nihilominus ignis vreret: sic & homo sacerdos, quocumque sit vitæ merito, siue charitate ferueat, siue prorsus frigeat, quod ad cõsecrationem
nem

nem Christi corporis attinet, nihil refert.
Conficit ille nihilominus in altari Christi corpus & sanguinem, & eius meritum ex fide uiuentibus & charitate feruentibus applicat, ut quem optat ex ea re fideles fructum consequantur, cum verè dictum sit à Ioanne Scoto, quòd quando-
cūq; Christus ut summus sacerdos offert, panis quem dat, id est, caro eius, nō actio sacerdotis, dat vitam. Sed quoniam longius aliquanto progressa est oratio nostra, quàm initio nobis fuerat propositum, proxima in sequenti declaratione pluribus hac de re differemus.

Finis septimæ & ultimæ
Reuocationis.

STÆ

STANISLA-
VS HOSIVS, CARDI-
NALIS VVARMIIENSIS, SE-
NATV CIVITATIS CO-
lonienſis, S.



Euersus ad nos isthinc
Ecclesiæ nostræ Cano-
nicus Iacobus Tym-
mannus, multa nobis
narravit de singulari
vestra cura & vigilan-
tia, qua priscam fidem
& religionem in Ciuitate vestra tueri &
conseruare studetis, tum quales vos gesse-
ritis cū ingressum in eam, qui redibat
Antuerpia, quendam hæreticum cogno-
uissetis, à quo meritò vobis metuendum
existimabatis, ne quod cū Antuerpiæ
tum alibi factum audimus & ingemisci-
mus, apud vos quoque noui motus ali-
qui per eum excitarentur. Credibile non
est, quantam ex illius hoc sermone volu-
ptatem acceperimus. Etenim quò maio-
rem animo nostro perturbationem attu-
lit

lit horrenda calamitas illa, qua pridem superiorem, nuper autem admodum inferiore quoque Germaniam grauitè afflictam esse renunciabatur: hoc magis recreati sumus & exhilarati, posteaquam Dei primùm benignitate, vestra deinde prudentia, diligentia, vigilantia, perfectum esse cognouimus, ut is adhuc esset Ciuitatis vestrae status, ut rectè de illa dici possit, sicut lilium inter spinas, sic amica mea inter filias. Verè amica Dei Ciuitas, quæ non temerè sanctam se vocari nuper adedè demonstrauit. Nam cum spinis & vepribus hæreticorum vndique sit circumsepta, nihil tamen eorum aculeis offenditur, nec de statu suo dimouetur: & quamlibet oppugnetur, non expugnatur tamè, quin fortior indies & robustior sit, ac quo semel est imbuta recens odore sancti Euangelij, quod à Diuo Materno Petri discipulo, qui primus vobis odorem notitiæ Christi manifestauit, sibi per manus traditum accepit, eum mille iam quadringentis & amplius annis retinet: & cum inimicis ex omni parte vestris Euangelium Christi haud aliter quàm florentium vinearum odor serpentibus, factum sit odor

mortis in mortem, vobis nihilominus, quoniam quale fuit ab initio traditum, tale nunc etiam illud conseruatis, nec in aliud cuiusuis potiùs quàm CHRISTI Euangelium transferimini, sicut ab origine semper fuit, sic & nunc est odor vitæ in vitam. Sed nec virginem temerè se vestra Ciuitas esse gloriatur, quandoquidem non illorum tantùm, qui sub aspectum cadunt, hostium armis oppressa nunquam fuisse dicitur, sed nec eorum est insidijs expugnata, qui quantò sunt hostes occultiores, & minus patent obtutibus hominum, tantò maius ab illis periculum impendere videtur, cùm præsertim contra CHRISTVM, CHRISTI signum portent & contra Euangelium de ipso Euangelio, quod non intelligunt, gloriantur. Reuerà vos estis illa virgo casta, quam posteaquàm vni viro despondit exhibere CHRISTO, cuius paulò antè meminimus Apostolus ille vester Petri discipulus Maternus, virginitatem vestram integram & incorruptam seruastis semper, nec ab eo cui
semel

semel spirituali coniugio per eum estis
copulati, vos vnquam diuelli sustinui-
stis, quod ab illo didicistis, in eo con-
stanter adhuc permanetis: in qua fide
vos ille CHRISTO virginem castam
despondit, eam integram in hunc vsque
diem & inuiolatam conseruatis, ac sum-
ma cura prouidistis haecenus, ne sic-
ut Euam, & sicut hoc nostro saeculo
infelices multos Euae filios astutia sua
seduxit serpens, ita corrumperentur sen-
sus quoque vestri, & exciderent à sim-
plicitate, quæ est in CHRISTO
IESU. Quæ simplicitas fuit in san-
ctis maioribus vestris, qui non man-
ducauerunt de sensu scripturæ elato,
quorum cor non fuit exaltatum, nec
elati sunt oculi eorum, nec ambularunt
in magnis & mirabilibus super se, ve-
rùm Paulum dicentem audiuerunt, Non
plus sapere quàm oportet, sed sapere
ad sobrietatem. Eam simplicitatem
vos haecenus retinuistis, nec vt exci-
derent ab ea sensus vestri, deque li-
gno vetito scientiæ quæ inflat gusta-
retis, vnquam adduci quamlibet cal-
lidi

lidi serpentis astutia potuistis, nunquam doctiores & sapientiores, quàm Ecclesia sit vniuersa videri voluistis: verùm illius iudicio quam in symbolo credere nos profiteamur, quotquot Christianorum appellatione gaudemus, quæ mater est & magistra fidelium omnium, iudicium vestrum, summa cum animorum vestrorum submissione semper subiecit, & eam qua par erat pietate venerati, illi vos permisistis, illam audiuiistis, illam secundum Deum ipsum reueriti: quâdo quidem fundamentum est & columna veritatis, quæ de Diuinis rebus ipsa sentiret sentienda, quæ de humanis præscriberet facienda, quæ prohiberet fugienda esse sine vlla dubitatione tanquam obediens illius filij semper censuistis: & cùm sciretis, quòd Regnum Dei non est in contentione sermonis, sed in simplicitate fidei, de occultis fidei mysterijs non disputandum, non ea discutienda, nec esse quærendum quomodo iudicastis. Verùm eius memores quod scriptum est, Iustus ex fide viuit, non ex argumentis aut rationibus, cœlestibus mysterijs, quam sanctissima parens nostra Ecclesia docuit, fidem adhibendo,
hæc

nec eā curiosius perscrutando, quando-
quidem scrutator Maiestatis opprimetur
à gloria: non alta sapientes, verum humi-
libus consentiētes, ad fidei præmia perue-
nistis, & eā estis in orbe toto Christiano
laudem & gloriam consequuti, vt quod
Philippensibus olim dixit Apostolus, id
nunc non minus verè vobis dici queat,
quòd in medio nationis prauæ & subuer-
sæ lucetis sicut luminaria in mundo ver-
bum vitæ continentes. Quantò magis au-
tem tetræ sunt illæ tenebræ, quibus estis
vnde quaq; circumfusi, quibus finitimas
vobis ex omni parte nationes grauitè op-
pressas non sine magno dolore nostro cer-
nimus, tantò clarior lucis vestræ splendor
effulget, ac sicut stellæ quantò fuerit nox
obscurior, tantò splendidiore emicant:
ac tantum abest, vt earum splendori no-
ctis caligo quicquam detrahat, magis e-
tiam vt illustres per eam reddantur, sic &
vestræ fidei lux, quæ nunc annuntiatur in
vniuerso mundo, tantò clarior fit & illu-
strior, quantò lumen illius in his natio-
nibus, quibus estis vndique cincti, magis
est obsecuratæ, vt si minus lux mundi totis,
certè lux & superioris & inferioris Ger-
ma-

manix verè dici possit. Ac si quid adhuc superest luminis in Rheni Prouincia, si plus adhuc in ea quàm septem millia virorum à Deo relicta videre licet, quæ non curuarunt genua antè Baal vel Illebiū vel Tygurinū, vobis id acceptum ferri meritò debet. In vos enim oculos multī coniectos habent, ad vos tanquam ad Cynosuram respiciunt, & quò magis hoc luminare vestrum quo lucetis in medio nationis prauæ & peruersæ, conspicuum esse cernunt, hoc ab istis plus quàm Cimmerijs tenebris, quibus vicinas nationes immerfas esse vident, magis abhorrent, & eas hoc amplius detestantur. Quàm est autem insignis, per Deum immortalem, quàm vobis gloriosa lux hæc vestra? Quamlibet eam exosam habeant hæretici, nec fulgorem eius lippientes eorum oculi ferre queant, quidam tamen ex ipsi non postremi nominis, ingenti quadam illius admiratione stupefactus; tenere se non potuit, quin eam in cælum laudibus ferret. Nihil est necesse nomen illi usædere. Tenetis procudubio memoria quis ille fuerit, qui cū Antuer-

uerpia non ita pridem religionis ergo motus esse factos accepisset, occasionem sibi datam esse ratus, qua Lutheranismum siue Sathanismum suum in Ciuitate propagare posset, eo profectus est, ubi cum aliquandiu commoratus nullum operæprecium fecisset, nam neque cum collega suo satis ei conueniebat, ad suos rediens in Ciuitatem vestram diuertit, ac ad Magistratum venire iussus, & per eum quid haberet in Ciuitate negotij rogatus, & qua de causa in eam se contulisset, cum hospitem & peregrinum se esse respondisset, nec aliud quam ad suos reditum cogitare, admonitus est, vt meminisset eam esse Ciuitatem hanc, quam cum semel despondisset vni viro virginem castam exhibere CHRISTO Diuus Maternus Petri discipulus, nunquam se fornicationibus vllis polluerit, sed semel datam sponso suo CHRISTO fidem in hunc vsque diem integram semper & illibatam conseruaerit. Quamobrem cauere sibi diligenter, nequarum in ea Ciuitate fornicationum esset author, hoc est, ne quem do-

doctrinis varijs & peregrinis à sponso suo Christo abduceret, & in aliud cuiusvis potius, quàm Christi Euangelium traduceret, sed ex vrbe primo quoque tempore faceretur. Quod si quid fecus ab eo factum Senatus comperisset, certò sciret id impunè se non esse laturum. Cui dubiù esse potest, quin hic illi sermo parum gratus acciderit? Intereà tamen ille (tanta fuit huius virtutis vestræ admiratio) facere non potuit, quin hanc vestram in prisca fide religionēque tuenda & seruanda curam & vigilantiam pleno, quod aiunt, ore laudaret. Inter alia prorupisse dicitur in hanc vocem: Atque vtinam, inquit, par studium in eadem causa ceteræ quoque Germaniæ ciuitates adhibuissent, plurimùm nobis malorum effugere licuisset, nec vnquam patriam nostram tot & tantis procellis ac tempestatibus iactatam & agitatam, tamque grauibz istis calamitatibus miserādum in modum affectam vidissemus. Deum immortalem quanta est veritatis vis, vt etiam per hostium veritatis iugula nonnunquam vel inuitis illis erumpat? Quid enim dici potuit verius, quàm quod ab hoc dictum est

hoste

hoste veritatis? Certè si par cura & sollicitudo fuisset aliarum Germaniæ Ciuitatum in tuenda prisca religione, quam à Christo & Apostolis eius per longam succelsionem Episcoporum & sacerdotum per manus nobis tradita accepimus, nec rusticos contra suos dominos incredibili non magis corporum quàm animarum suarum iactura seditionem excitantes, nec principes contra suum legitimum Imperatorem verbiq̃ue Dei fortissimum propugnatorem, arma sumentes, nec Aegyptios contra Aegyptios concurrentes, ipsosq̃ue Principes mutuis vulneribus se concidentes, mutuis cædibus inuicem conficiètes, nec virum contra fratrem & cõtra amicum suum pugnante, nec tot infortunijs mactatam Germaniam vidissemus: vt si quamlibet potens & truculentus hostis eam grandi cum exercitu peruasisset, maiorem ei cladem afferre nõ potuisset. Me verò factum hoc hominis huius hæretici sic affecit, vt quamlibet à vobis longo locorum intervallo sim disiunctus, nulla tamen ratione tenere me poterim, quin & ipse tantum hoc studium

Q

ve-

vestrum conseruandæ priscæ religionis, tantumque zelum & ardorem, quandoquidem coràm non licet, saltem absens per litteras vobis gratularer. Maçti igitur estote hac virtute vestra, viri clarissimi. Confirmet hoc Deus, quod operatus est in vobis: fortem hunc & constantem animum vestrum, tantam curam ac prouidentiam ac zelum verè Christianis viris dignum, sera posteritas magna cum laude vestra perpetuò celebrabit, nec vnquam est intermoritura vestri nominis gloriosa memoria: nec erit iniustus Deus, vt obliuiscatur huius operis vestri tam boni, qui cùm in hoc sæculo vos omnì foelicitatis genere cumulabit, tum in futuro ea præmia largietur, quæ nec oculus vidit, nec auris audiuit, nec in cor hominis ascenderunt.

Hortarer autem vos ad perseverantiã, vt quemadmodum cœpistis, ita deinceps etiã pergatis, & memores illius quod scriptum est, Non qui cœperit, sed qui perseverauerit vñq; in finẽ saluus erit, extrema cum primis contexere studeatis: nisi vereretur, ne quis in eã partẽ id acciperet, quasi
vñq;

virtuti vestræ diffiderem. Currentibus,
 quod aiūt, nihil est necesse calcar addere.
 A quibus, & quàm leuibus exordijs quor-
 sum progressa res, & cū error quo nihil
 est fœ cūdius aliū alium gigneret, ad quā
 horrendas abominationes ventum sit ad
 extremū, obscurum vobis proculdubio
 non est. Quod suo sæculo quidam è SS.
 Patribus euenisse queritur, vt quisque lin-
 gua esset ad maledicendum & blasphemā-
 dum procacissima, ita præ cæteris cum i-
 doneum esse iudicatum, qui verbi mini-
 sterio fungeretur: hoc nunc etiam vsu ve-
 nisse magno cum animorum nostrorū cru-
 ciatu cernimus. An est vllū religionis no-
 stræ dogma, quod à nostri temporis hære-
 ticis conuulsum & labefactatū non sit? Sa-
 cramenta sublata, sacerdotium & sacrifi-
 cium abrogatum, & ita Deum in ordinē
 quodammodo coactum esse videmus, dū
 nullus ei cultus peculiaris tribuitur, qui
 non sit cum eo communis, quē hominibus
 aliqua dignitate præcellentibus præstare
 solemus. Iam in his etiam locis, quorū ego
 sine lachrymis meminisse nequeo, sanctis-
 sima Trinitas nō solū impunē, verum etiā

ingenti cum applausu blasphematur : iam Christus Deus esse, Dei que filius aperte negatur : iam eò nonnullorum processit effrenata quædam audacia atque amentia, ut dicat insipiens in corde suo: Non est Deus. Nā & libellos æditos vidimus, in quibus num sit Deus, & num ei res mortalium curæ sint, per summum sacrilegium in dubium reuocatur. Adeò autem non obscure ferunt impietatem suam homines audaces sibi que placentes, ut non vereantur etiam atque etiam gloriari, qui postremo loco sunt à nobis recensiti milites gloriosi, Lutherum rectum Papatus tantum diruisse, Zuvinglium parietes & vicina fundamenta membra dissecisse, se verò pro sua singulari animi magnitudine ad ipsum fundamentum, quod intactum illi reliquerant, subtrahendum aggressos esse. Fundamentum autem Papatus, hoc est; Ecclesiæ Dei, vocant summum salutis nostræ dogma, quo Deum trinum in Personis, unum in essentia colendum & adorandum esse profiteamur. Quod fundamentum esse nostrum libenter agnoscimus. Quis au-

tem

tem vnquam existimasset, quæ tam fuit
initio modica scintilla, quod ea tam ce-
leriter in tantam esset flammam eruptu-
ra? Quamobrem laudo, vos quod per o-
mnia Materni vestri Petri discipuli me-
mores estis, & sicut ille tradidit vobis,
eius præcepta tenetis, nec ea vel in mi-
nimo violari permittitis, verum quæ Pe-
trus per Maternum & successores eius
legitimos in hunc vsque diem credenda
vobis & retinenda tradidit, omnia sarta
tecta, quod aiunt, summo studio con-
seruare studetis: & non solum ab ijs qui
parietes disiectos aut fundamentum sub-
rutum cupiunt, verum & ab his qui tectum
Ecclesiæ Dei, quam ipsis Papatum voca-
re visum est, demoliri conantur, vobis
diligenter cauetis, ac ne regulam quidem
vnam loco suo dimoueri, aut quamlibet
exiguam in tecto foramen fieri permitti-
tis. Quandiū lapides benè compacti sunt,
nec vacuum inter se locum habent vllum,
firmum & inconuulsum perstat ædifi-
cium, sin autem vel foramen acus dunta-
taxat quod vtrinque penetret, vel scissu-
ram quæ capilli locum habeat fieri con-
tigit.

tigerit, dissoluitur non ita multò pòst,
& corruit. Idem etiam de domo Dei fit,
quam isti Papatum vocât. Quamdiu benè
compacti sunt Ecclesiæ lapides, nihil est
à Sathana periculi: simul vt verò saltem
in tecto vel minimum foramen effecerit,
haud aliter atque torrens aliquis toto im-
petu infunditur, ex quo fit, vt opinione
citiùs domus tota corruat. Itaque rectè
quidam ex Patribus admonuit, quòd in-
itijs tantum opus est Diabolo. Simul vt
ille discessionis initium opera sua factum
esse cognouerit, iam non dimidium ha-
bet facti, verùm rem totam confecisse vi-
detur: nec enim conquiescit, nisi compa-
ginem lapidum dissolutam viderit vniuer-
sam. Oculis id nostris euenisse cernimus
hoc infelici sæculo nostro. Non enim à
tecto demoliendo, sicut isti dicunt, exor-
sus est Sathanas per ministrum suum Lu-
therum: sed vt foramen tantum in eo
faceret, initidò laborauit, cuius voti sui si-
mul vt compos factus est, non solum te-
ctum, verùm & magnam parietum partem
diruit, & quod reliquum fuit per Zuin-
gium & Caluinum disiecit. Per hos ve-
rò

rò gloriosos milites Triadoclastas fidei
nostræ fundamentis radicitus extirpatis
cum puluisculo, quod aiunt, quibusdam
in locis omnia sustulit, vt ne vestigium
quidem vllum doctrinæ de adoranda Tri-
nitate superesse vellet. Non est quod quis-
quam existimet facturum Sathanam, vt se
statim qualis est prodat, vt cornua sua
proferat, vt quo collimat, id in ipso statim
ostendat initio, nihil est hoc serpente cal-
lidius, qui non aliundè quàm ex fraude,
dolis, & fallacijs constare totus videtur.
Itaque nunquam is aperto Marte congre-
ditur, verùm quibuscum illi res est, eos ex
insidijs adoritur. Plerunque se transfi-
gurat in angelum lucis, nihil minus præ-
se ferēs, quàm quod animo clausum gerit.
Quare nunquam ab his orditur, quæ scit
esse magis absurda, quàm vt animis fide-
lium non satis adhuc præparatis, facilè per-
suaderi possint. Verbi gratia, sacerdoti-
um & Sacrificium, quæ propriè Deo de-
bita seruitus est, vt abrogetur: Quod à ve-
ritate dictum est, Hoc est corpus meum,
hic est sanguis meus, vt verum esse nege-
tur: Adoranda Trinitas vt blasphemetur:

Christus vt non esse Deus credatur, & num sit Deus cui curæ sint res mortalium in dubium reuocetur, ab his callidissima bestia nunquam orditur, sed paulatim in animos hominum irrumpens, principio nihil aliud magis laborat, quàm vt saltem in his quæ natura sua media, vel, vt Græci vocant, *Adiaphora* sunt, posteaquam autem Ecclesiæ præceptum accessit, esse media desierunt, à communi sensu & consensu receptaque consuetudine totius Ecclesiæ discessionis initium aliquod fiat. Quod simul vt perfecit, & foramen aliquod nactus est, vel rimam saltem per quam influere posset, iam & in tecto diruendo, & in parietibus disijciendis, & in ipso fundamento subuertendo, nullum est ei vel perexiguum negotium. Quamobrem iterum atque iterum laudo vos, quod ab his astuti serpentis fraudibus vobis tam diligenter cauetis, nec ei quamuis vestimenti ouium induto, ac speciem Dei verbi prætexenti, nec semel illud ingeminanti, Scriptum est enim, fidei quicquam habetis, quin quoties nouationem aliquam, & vt deorsum vos mittatis, hoc est

est, vt ex illius Ciuitatis, quæ supra montem posita est, doctrina & traditione vos deijci patiamini persuadere conatur, nec aures illi nec animum adhibetis, quin ipsis principijs statim obstat, nec eius obli-
ti quod scriptum est: Qui modica spernit, paulatim decidet: vel in minimo vos ab institutis Ecclesiæ matris nostræ dimoueri patimini. Paradoxon id alicui videri potest, sed affirmare tamen quidam insignis Ecclesiæ Doctor minimè dubitauit, non tantò studio sibi fugienda videri grauiora peccata, quanto quæ leuiora censeriqueant, quod ab illis abhorret ipsa natura sponte sua. Hæc verò dum contemnuntur, ex paruis maxima fiunt nostra desidia. Nam gradatim semper ascenditur ad magis enormia, donec eueniat illud: Impius cum in profundum venerit, contemnet. Quod, prò dolor, multis in locis iam euenisse videmus. Idem in causa religionis obseruate, nec magis vobis ab illis cauendum existimate, qui parietes disijcere, vel ab ipsis fundamentis domum euertere conantur, quàm ab his qui vel exiguum aliquod foramen in te-
Qs sto

Et o facere moliuntur. Hęc est optima tutissimaq; ratio, qua fidem vestram sicut hactenus magna cum nominis vestri gloria fecistis, inuolatam sponso vestro Christo conseruare, & ei perpetuò vos virginem castam exhibere possitis. Quam ad rem vt vobis gratiam suam impartiat, Christum precor, & vt vos omni felicitatis genere cumulet. Datum ex Castro nostro
Heilsberg. xxix. Mensis Maij.
Anno Domini M. D.
LXVII.

FINIS.

utif
ha
oria
isto
nem
mvt
tuna
nere
ro

